

نور النبیؐ

ديوان باللغة الثالثة

قصيدة واحدة

شعر

إبراهيم رضوان



حقوق الطبع والنشر محفوظة

لدار الأدیب للنشر والتوزيع



دار الأديب للنشر والتوزيع	اسم الدار
(نور النبي)	اسم الديوان
إبراهيم رضوان	اسم الشاعر
(٢٠١٨/٢٧٠٣٣) بدار الكتب المصرية	رقم الإيداع
أحمد علام	الإخراج الفني
من تصميمات الدار	الغلاف

نور النبى .. ما طسنى
خلانى مشن دارى بجاهه
فى الروضه .. م الفجر جالسنى
وانا روحى كانت محتاجه
حسيت وانا جنبه براحه
وشعور بأنى وصلت خلاص
القلب ساجد فى الساحة
والروح لقيت علشانها خلاص
أزهار مقامك فواحه
يا رمز طاهر للإخلاص
ما اللهم ليله تدوسنى
ألقانى بين بحر كوجه

إبراهيم رضوان

الإهداء

لك يا الحبيب محمود رضوان
يا روح عطيات الشافعى
أنا نفسى أكتب ألف ديوان
يا حروفى لاجل ما ترتفعى
الله على الذكرى الطاهرة
للأم والأب الصاب
(مجدى) أخويا على الطاهرة
(فيصل) سكن أعلى مقابر
(فريال) خلاص صبحت ذكرى
والرب للميت جابر
محدث محمد والقرآن
يا روحى لازم تنتفعى

نور النبىؐ ————— إبراهيم رضوان
أثناء خروجى من المقام .. وسط الزحام
كان الكلام الصافى مش لاقى الكلام
وما كانشى فيه قدام غريب
غير إنه بدموع العيون ..
يقدر يصلى ع الحبيب
ويروح لركن من الجهات الأربعة
يبكى مع ..
(هدد) بيقرى الآيه بالصمت المهيـب
يسجد ويتهـجى ملامحك يا رسول المعجزات
ويطير فى لحظه محدده ..
فوق المقام اللى ابتدى ..
يصبح سفينه تاخذنى تانى للنجاه
وبفضل نور الله يزول كل الخطر
والضل .. بايس فى الشجر
وانا والرسول فى الليل نجوم
اللى ما بيننا .. ضوء قمر

نور النبىِّ ————— إبراهيم رضوان
يسقيني لاجل أقول : يدوم

ويا مصطفى .. فى الليل ظهرت رسول لناس

محتاجه لسه لضوء شريف

حطيت عشان البيت أساس

واعطيت لكل الناس رغيف

وهمسنا ليك

والصوت ما كانشى فى يوم ضعيف

دا الليل نغم .. سيب النغم .. يدخل فى قلبك

يا رسول الحق لاجل ما يسعدك

بنعيمه يقدر يبعدك .. عن كل لحظ متعبه

ناعم شراعك يا رسولنا يا غالى فوق المركبه

نادر فى عالم (فظ) .. فاقد ملمحه

أرجوك تخلى القلب يقبل .. لو فى يوم أستسمحه

إنده علىّ لو طريقى صبح غلط أو كان قزاز

واحمينى من سيف الرياح .. والإهتزاز

خلى العُزاز .. حواليه من كل اتجاه

نور النبىؑ ————— إبراهيم رضوان
خلى الإله دايما قصادى فى كل رحله أقوم بها
دا لأنها .. هاتكون فى نور الله ..
فى لحظات التجلى والخروج من قوقعه
تصبح عيونى مدمعه
والروح تحدد كل مشوارها ..
وكانت من زمان متردده
الله .. نخليك فى الفضا ..
لامس نجومى الساهره
نادى علىّ بدون ميعاد .. أوصل إليك
أنده عليك ..
فى سكه كانت قبل حبك يا رسولنا ممرره
ترقىنى لو شفت الطريق خدنى ورا
وتجبنى .. وتصحبنى قبل الفجر ..
حى على الخشوع
دا اللى بدأ فى مستوى معقول ..
مفيش قدامه بعد البدء فى التقوى .. رجوع

نور النبىؐ ————— إبراهيم رضوان
نزلت دموع الطفل ويا الشيخ أمام المنحنى
واختاروا سكه حنينه
توصل بروحهم للسما
آه يا حروف متنغمه
عند المقام السندسى
أرجوك تقول للروح .. يا روح المتقين
قومى بصبرك هندسى .. واتأسسى
شلال محبه وألف نيل مليان حنين
إحمينى من ليل المتاهه والنجوم الدبلانين
إحمينى من سكك الخديعه
وكره قايد جوه قلب الشمتانين
آه يا رسولنا .. يا شمس فيها سواقى خير
فى عنيك نخيل الكبرياء ..
ومحبه واضحه ونور ضمير
آيه فى قلب الصمت تتحدى السكون
ورغيف .. وشاى لاجل الغريب

نور النبىِّ ————— إبراهيم رضوان
وتلاوه فى عيون اللى آمنوا ليل نهار
وأمان .. وشمعة حب من أجل الحبيب
أرجوك تخلص الليل يغيب
علشان بيان لنا النهار
تحمينا نار الانكسار .. والإنهيار
وتكون منار لنا إذا طالت ليالى التجربه
إحنا نفوسنا طيبه يا طه .. كانت مركبه
للغرقانين فى المعمه
والموحولين فى السرسعه
والمدمنين للكذب
لأجل يعودوا لنجوم الحقيقه فى السما
أرجوك تخلص الأوسمه ..
للعاشقين سيدنا الرسول
للمرتاحين عند المقام اللى ابتسم بالمصطفى
للباحثين م الفجر عن نقطة دفا
واللى ابتدوا بالحب ..

نور النبىؑ ————— ابراهيم رضوان
جايبين المحبه فرع توت

أجمل شروط : مؤمن .. تعيش

يا نسمه فى هدوم الولاد

يا شمعاه قادره تقيد لجيش

يا رسول وصلنا فى الميعاد

إلغى الخصام يا دنيتى

من كل أوراق الوجود

شده .. وبكره يا بسمتى

هاتزول مع ريحة الورود

بره الحدود .. جوه الحدود

إنت الرسول المنتظر

وانت النظر لينا

إذا داست ليالى الضلمه فوق كل الطرق

نجمك برق .. صبح الوجود واحة ضيّا

نظره يا سيد الأنبيا .. للقلب لو عايز وقال

مشتاق لأعلى مقام هنا

نور النبىِّ ————— إبراهيم رضوان
مشتاق لأحلى مقام هناك
ويبصم الشباك عليك
نايم فى أحضان الآيات
والكل هايم فى الجهات الأربعة
والكل عايز يوم يتوب
وأروح واعد .. جايب ورود ..
جوه الجيوب
إزاي حالك يا رسولنا فى الشروق ..
ويا الغروب
يا سر دقات القلوب .. يا عمرنا
الحب هو حياتنا .. هو أمرنا
واللى انكتب فوق الجبين .. لازم يكون
يا أغلى عون .. للقلب .. لو يحتاج لعون
يحميك إله الكون رقيق .. إنسان حنون
يحميك عيون .. لينا إذا طال السفر
أو ضيعنا فى ضلمة بشر

نور النبىؐ ————— إبراهيم رضوان
أو يوم أخذنا الليل على شط الخطر
آه يا رسول الله يا خاتم كل شئ
نور الرساله والطريق
آه يا اختيار الله لوحى بدون حدود
والجود إذا اتحول هرم
الدين لا يمكن ينهدم
طول ما انت باقى فى كل مسجد أو مآذن ..
أو قلوب
محتاجه من نورك دوا
قال الجميع إن الهوى
بالليل ها يخلص من زمان
فات ألف عام .. واحنا سوا
أصل انت أكبر م الزمان
أيوه صبح قلبى الجريح
للـك .. هدمه وإسوره
لكن معاك .. أصبح فصيح

نور النبىؐ ————— إبراهيم رضوان
قاس الطريق بالمسطره

وفضل يضيف للكون جديد

مع خطوه طاهره على الطريق

ويظهر الطرقات من الهم العتيق

أصبح فى قلب الليل نجوم مالهاش عدد

أصبح مدد للمحتاجين

طه الأمين

لسه ما بين الناس سفاين ..

جايبه لينا الخير جبال

وان كان فى روحنا الصافيه

جرح رهيب يفوق الاحتمال

يوصل لنا .. ويقول لنا

لو روحكوا فعلا مؤمنه .. إتحمّلوا

لازم بحب تكمّلوا .. مشوار ما زال فى أوله

ونلاقى صوت البدر ناطق من بعيد

بيقول .. ويرجع من بعيد تانى يقول

نور النبىِّ ————— إبراهيم رضوان
روحى مسامحه الدنيا .. بعد ما جيت لنا
تزرع زهور " الحنه " فوق أبوابنا .. داخل تَلْنا
وتقول لنا : مديت إيديه .. سَلْمُوا
واتكلموا .. كل المراره ف قلبى بالشوق اختفت
ونيران طريقي .. إنطفت
حتى الليالى .. معاك يا غالى .. خلاص صفت
والضلمه فى الروح اختفت
والذكريات الطاهره فجأه اتكثفت ..
فى الروح .. وصار الكون صفا
عاشق عنيك الطاهره يا سيدنا الحبيب المصطفى
الظلم بالعدل اختفى
والقلب بالحب اكتفى
وشبعنا بعد ما جوعنا ..
من نور الإيمان والمعرفه
ووصلنا لشطوط الشفا
واما انطفى الجشع الرهيب من قلبنا

نور النبىِّ ————— إبراهيم رضوان
شفناك يا طه جنبنا

فهمسنا ليك

والروح بحبك طيبه

الليل محطه ..

وقلب غارز ع الكراسى المتعبه

لكن هواك الصافى لى مركبه

ماشيه فى بحر بدون قرار .. وبدون شطوط

بتفوت فى لحظه من أعاصير الضياع

وادى الهوى ليها شراع .. ونسيم رقيق

راسم فنار .. ونجوم ودار فوق الطريق

يا اللى انت خلّيت اللى خان .. يصبح صديق

ظهر البريق ..

بعد الضلام اللى انتشر جوه الحياه

عرفوا رسول الله فى لحظه مقدسه

آمنوا بأنه مدرسه ..

فى الحب وهلال العطاء

نور النبىِّ ————— إبراهيم رضوان
رمز المحبه فى الوجود والكبرياء
رمز الوفاء الصافى دائما والإباء
رمز الصفاء الباقي من بدء الوجود
علمنا إن الدعوه دائما مستجابيه فى السجود
وان القمر لازم يعود
مهما يطول الليل على روح العباد
جيت يا حبيبى يا طه من قبل الميعاد
علشان تطهر لنا فى الروح اللى كانت مظلمه
الوحى جايلك م السما
لاجل الحياه يا حبيبى تصبح مسلمه
قلبك سما على كل شئ
نضفت فى شوك الطريق اللى ابتدى
يصبح قانون للمعدمين
لك يا أمين .. كل الأمانى المبهجه
يا آيه جوه الأنسجه
وشموس بتعلن فى الميلاد

نور النبىِّ ————— إبراهيم رضوان
ييجى النهار .. يلتقانا نور
زارعين زهور فوق جسرنا
يفرد جناحه ع الجسور
وفيك لنا أسرنا
مهما يروح كل اللى راح ..
طه اللى واقف ع الجبل
يطرح لقلبي ميت جناح ..
يزرع فى كل الشوك أمل
يا حبيبى وانت بشاير النور اللى بان
فوق المداين سيسبان
مع شمعدان قايد لنا
وانت الحروف المؤمنه فوق الورق
وانت الهلال اللى برق
خلانا ننطق بالآيات
علمنا إن المعجزات ..
هى فى سيرة المصطفى

نور النبىِّ ————— إبراهيم رضوان
هى فى ندهة فجر ..

ع العبد اللى ساجد ع البساط
رافض فى كل السيئات المخجله
فارد قلوعه للصلا
نازله دموعه ع البساط الأحمدي
بيقول لروحه الطاهره لازم تسجدى
على كل سكة صبر ..
بتوصل فى روحنا للشطوط
الشر .. مش عايز يموت
بيفوت ليلاتى ما بين جموع متجمعه
العين يا طه مدمعه
فى لحظة الوحي اللى زلزل غار حراء
علمتنا .. إزاي يكون الإنحاء ..
لرب فى وقت السجود فوق الحصا
علمتنا إن الإيمان صبح ومسا
فهمسنا ليك يا طه فى لحظة محبه وانبهار

نور النبىِّ ————— إبراهيم رضوان
آه يا عجين .. لاجل الولاد ..
آه يا عيون .. بنشوف بها
لسه يا أغلى الناس عباد ..
شايله قريش .. فى قلبها
قلبى .. على قد اللحاف ..
خلى القدم .. قد الطريق
إنت رسول .. فوق الضفاف ..
إنت قمر .. جواه صديق
وطريق .. بنبدأ خطوه .. فاضل ألف ميل
لما انحنى ليك النخيل
كبرت بسم الله .. فى لحظة ما انحنى
واما ناداك عصفور بنسمه حنينه
صليت لرب العالمين لحظة نداه
سميت وخلصت الحياه .. نسجد لعلام الغيوب
الرب عالم بالقلوب
واللى يتوب .. يوصل لجنة ربنا

نور النبىِّ ————— إبراهيم رضوان
يا دقه جوه قلبنا

يا ماشى لسه جنبنا

فى ظلمة الليل الرهيب

يا مصطفى وانت الحبيب .. وانت الطبيب

للى ابتلاه الله فى ليله بامتحان

وانت أدان الفجر .. حى على الإيمان

وعلى الكيان اللى ابتدى يصبح كيان

يا حيرة الإنسان إذا .. صابه أذى

من أى كائن كائن .. وقال الله مجير

وهمس إليك فوق الجسور

قلبك "وقار" .. روحك "وقار"

وانت الرسول .. وانت السند

كان لى كل الاختيار

واخترت حبك للأبد

لاجلك .. واجهت الليل وجيت

شايلى فى قلبى جبال نغم

نور النبىؑ ————— إبراهيم رضوان
شفتك بعيد جدا .. ناديت
رديت يا طه بميت نعم
شفت القدم يا حبيبى كارهه فى القدم
وحدثنا .. فوق الدروب
طهرت فى كل القلوب ..
بالآيه ونجوم الحديث
كنت الجليس للروح فى أيام الشقا
مركب نجاه .. جوه البحور المغرقه
وبراح فى دنيا ضيقه
الأرض .. يرعش قلبها .. دوسك عليها يا رسول
تصبح سيول أمطار بتعشق خطوتك
الله مراقب سكتك
واعطاك يا طه ما تشاء
وانت الى مش عايز سوا الدين الحنيف
وانت الى قاسم فى الرغيف ..
بينك وبين .. أطفال يتامى بدون هدوم

نور النبىِّ ————— إبراهيم رضوان
تقرى .. تزول كل الهموم
مع صوتك المليان حنان
قرآن معاك .. فى رحلتك .. من مكه ..
للأرض اللى قالت لىك بفرحه يا هلا
يا ندهة بتهز الخلا
يا دموع بتنزف فى الصلا
يا زلزله .. لقلوب ما زالت عايشه
فى حالة خنوع مع هلهله
يا قلب ساجد للإله
وتفوت علينا السكه .. توهبنا الحياه
الحب نجمه للى تاه .. وهلال منى
وانت يا طه والحديث .. متزوقين لاجل اللقا
لا حروف شقا .. جوه كلامنا اللى ابتدى
ولا فيه هنا .. غير ورده .. حاضنها الندى
واللى ابتدى ويانا يفضل مبتدى
ومفيش يا أغلى رسول لنا .. أبدا فراق

نور النبىِّ ————— إبراهيم رضوان
ولا بيننا غير الحب .. غير الإشتياق
والإنتماء للرب .. ليل ونهار خشوع
وخضوع لرب العالمين
وصلاه عليك وقت الصلاة
يا مصطفى الهادى الأمين
يا اللى عنيك .. كانت قناديل الضياء
يا اللى انت سيد الأنبياء
والوحى فى الغار الشريف اللى ابتدئ ..
يتهز فى لحظة دخول جبريل عليك يا مصطفى
هانقول بأن الليل تولى واختفى
أبدا ما زال فوق ضهرنا
الشهوه دافعه مَهرنا
والحقد راكب مُهرنا
مع إننا .. يا طه رافضين الضلال
يا حبيبى مهما الليل يطول .. حبك هلال
حبك حلال .. وجبال من الضىِّ الحبيب

نور النبىؑ ————— إبراهيم رضوان
أتعب .. تكون لى الطبيب .. لى الطريق
ولا لى فى الدنيا صديق .. غير نجمتك
ولا سكه إلا سكتك .. جوه الحياه
يا دليل ونيل فى طريق عطش
وفناره قايده للى تاه
الله على الآيه اللى ترعش فى الجبل
الله على الأمل اللى بان مع بصتك
كانت شريفه قصتك
فى قریش مع جيش اليهود
حاربت خصمك بالسجود
وبكل آيه مقدسه
واللى عصا .. راح للعذاب ويا الضياع
يا طه كنت شرع لروحنا فى قلب أمواج المحيط
وصبحت بيت بنزوره فى لحظة تجلى يا رسول
القول صبح عاجز يقول
يا نهر بشطوط الأصول

نور النبىِّ ————— إبراهيم رضوان
ما زلنا بنصلى عليك يا نور
صبح شلال حنين
ما زلنا بنسمى عليك ..
يا طه يا نورنا المبين
الكل قال عنك أمين
وانا كل ليله يا طه .. مهما الليل يطول
اهفضل أحبك ما حييت
لاجلك قطفت التوت .. وجيت ..
مالى جيوبى بالعنب
لما وصلت البيت .. لقيت ..
من قلبى زال كل التعب
قلبى .. قصيده مُبهمه
شايف ملامحك فى الحروف
(الوحى) .. دا باب السما
ملعون فى كل كتاب يا خوف
نفسى أشوف الصدق واضح فى العيون

نور النبىِّ ————— إبراهيم رضوان
نفسى أكون شلال عطاء
أتحدى فى نار الغباء
وانصر صديقى ع اللى خان
قرآن فى دمي الدافى يتحدى الغيلان
وياخذنى للجنه البراح
يعطينى مفتاح الدخول للقبر ..
صافى بدون عيوب
فى كفن مريح فى النومه خالى من الجيوب
نفسى أتوب .. وارجع أتوب
نفسى ألاقى لكل عاصى فى الدوا
كان فيه فراغ .. قبلك .. وفتنه
وفوضى فى روح الهوى
جيت للحبيب
وفتحت باب النسمه .. ومعاك الدوا
كان فيه أبو بكر الصديق
يملك فى قلبه الفطنه .. يملك فكرته

نور النبىؑ ————— إبراهيم رضوان
وظهرت بدر ف سكته

فقس اليمام يا حبيبى لىك

فايده .. وشمسة حب قايده .. ونخلتين

خرج الحنين .. ع الدنيا فارد فى الإيدى

قلبين .. ببينوا العش .. فوق نخل السنين

وبيندهو الهادى الأمين

قلبين ما زالوا بفرحه فى حالة سجود

وتنام عيون كل الوجود

أصحى واقوم اتوضى .. حى على الخشوع

ينزل على السجاده شلال الدموع

وأجوع وأشبع من آياتك يا إله

أنا أبقى إيه جوه الحياه ؟

أنا (ذره) .. لأه أقل من حتى السكوت

أنا باتولد .. بعدين أموت

وارجع لرب الكون محمل يا رسولنا .. بكل شئ

كائن إذا عرف الطريق ..

نور النبىؐ ————— إبراهيم رضوان
لازم هايمشى بالأصول

فى منامى كان جانى الرسول
وهمسلى إن الذنب زايد عن حدوده .. فتوب بقى
ريحة ذنوبنا سيئه

بتخلى حتى السكه تصبح ضيقه
وتخلى نار الخوف تقيد

أيوه فرحنا بطلعتك .. يا ملمح القمر الوليد
فى القلب لسه دقتك .. يا بو الجديد دايمًا جديد

أيوه فخور وسعيد بإسمى المرتبط ..
بيك يا رسول الحق .. يا حبى الوحيد

ويا قلبى لو تخلص .. هاتبقى خلاص شهيد
وتزيد فى أرقام الدخول على جنته

يبقى الوصول على سكته ..
مضمون لأن القلب مايل للصواب

إفتحلى تانى يا طه باب ..

أدخل لنور المغفره

نور النبىِّ ————— إبراهيم رضوان
فيه قلب ماشى للأمام ..
والتانى كان ماشى ورا
تبقى حياتنا ممره ..
لو نمشى عكس الآيه فى حالة ذهول
محتاج شفاعتك يا رسول
محتاج أنول البسمه ..
من نسمة شفايفك يا حبيب
علشان كده .. كون الطبيب ..
لى وصلح خطوتى
خلينى ع السكه بريق
ويجبنى حبك يا رسول الخير ..
بيشبه طير رقيق فوق الطريق
فارد جناح .. لون الضيّا
تكبر فى قلبى الأمنيه .. والأغنيه ..
يا رسولنا .. تتحول حروفها شراع دهب
ومدد يا سيد الأنبياء

نور النبىِّ ————— إبراهيم رضوان
سبحانه هو اللى وهب .. الحسن ليك
سبحانه من .. خلى عنيك ..
تصبح عشاننا ديار وسكه طيبه
يا اللى رموشك سوسنه ..
وشراع حرير للمركبه
يا طه .. وانت فى الصبا
قالوا عليك إنسان أمين
سابق سنين العمر .. جوه عنيه شفا
بتحل ليهم كل حاجه يا مصطفى
تسقى اللى عاز من قلتك
للناس يا طه خطاوى ماشيه للصنم
وانت لربك سكتك
فى الغار .. بتظهر دعوتك ..
للناس .. يعودوا للصواب والمعرفه
ويا مصطفى .. كتروا عليك
وأذوك يا صابر ع الأذيه من جيرانك ليل نهار

نور النبىؑ ————— إبراهيم رضوان
فجأه أصيبوا بانھیار ملیون صنم
ایوه نادیت الله .. ورد علیك نَعَم
زادت علی الكل النعم
وصبحنا واحه مریحه فی الأرض البراح
صبح الفؤاد مرتاح من الهم الثقیل
والكل قال لضیاك یا طه .. فی الوجود جددتنی
حددتنی
عودتینی .. أفضل معاك .. عودتنی
أسعدتنی .. بنجوم لقاءك .. أسعدتنی
شرفتنی بهواك یا طه من زمن
عرفتنی .. إن الهوى ..
لو كان حلال .. یصبح وطن
ولا حد یقدر یوم یكون .. زیك فی یوم
ولا حد تانی غیر هواك .. یطفی الهموم
یا كل شیء .. جوه الوجود
أنا ع الطریق .. لاجلك ورورد

نور النبىؐ ————— ابراهيم رضوان
وبنادى ليك ..

مهما الليالى تاخذنى منك يا قمر
ولا يحلى من غيرك سهر ..
يا رسولنا يا غالى .. يدوم
يا علوم خدتنا لدنيا طاهره محده
فيها الزهور متجدده لاجل اللى عاز
ومفيش نشاز .. جوه اللى آمن بالقدر
يا طه يا مليون قمر ..

ع السكه حارسين الوجود
الراحه فى دموع السجود
يا علوم خدتنا لدنيا طاهره محده
فيها الزهور متجدده لاجل اللى عاز
ومفيش نشاز .. جوه اللى آمن بالقدر
يا طه يا مليون قمر ..

ع السكه حارسين الوجود
الراحه فى دموع السجود

نور النبىؐ ————— إبراهيم رضوان
والساحه حاضنه الكل من بعد المقام

ليك السلام والإحترام طول المدى

ليك الأذيه م العدا

يا نجم فى دنيا الهدى والبسمله

ألقاك بتتهجانى فى نص الصلا

إيدك تططب ع الجروح .. فجأه تكون شلال شفا

يا حبيب حياتى يا مصطفى

محتاج إليك

محتاج إيدك .. تلمسنى لو حان الرحيل

تهمس لقلبى يكون أصيل .. جوه الحياه

تهدينى بكتاب الإله

وتكون عشانى ضوء صباح

أستنظرك جوه الرياح ..

آجى إليك تحت المطر

أناديك إذا هلت رياح ..

الأقيك إذا بان الخطر

نور النبىِّ ————— إبراهيم رضوان
واصبح بحبى ليك قمر فوق السهول
الخير خلاص أصبح سيول مع طلعتك
السكه هى سكتك
والكلمه هى كلمتك
ومفيش معانا غير كتاب الله دليل
حققت لينا المستحيل .. أسعدتنا
وظهرت لينا يا هادى دوه المنحنى
واللى انحنى ..
كان يا حبيب الروح لرب العالمين
عاشقين ترابك يا أمين
ساجدين معاك فوق الحصا
واللى عصا .. إنداس بأقدام الخطأ
الفجر م الليل انفلق .. وبلال نطق
وصبحنا فوق .. كل الحاجات الممكنه
يا شوك صبح .. ويا رسولنا سوسنه
أقمار فى كل الأمكنه

نور النبىِّ ————— إبراهيم رضوان
وشعاع لمستقبل هاييجى بتوب ضيًّا
إنت ختام الأنبيا
وانت فى سكة تلج .. نورك معطى
نار الخديعه .. مع المحبه .. بتنطفى
وانت بتقبل كل شئ .. لو كان يا طه عاطفى
إزرع حياتنا بالمحبه والوصال
خليها تبقى حنيه
إسقيها م البحر الحلال
علشان ما تصبح مؤمنه
نروى أراضى الرمل .. تخرج سوسنه
قبل القمر يا طه ..
ما تبوسه السحابه ويختفى
الجولسه عاصفى
والكل تايه بين سراديب الطمع
مهما جمع .. هايعيش فقير طول المدى
قالت جميع الأرصد

نور النبىؐ ————— إبراهيم رضوان
إن احنا مش ماشيين على الدرب السليم
وان احنا داخل ألف عالم مش حكيم
وان احنا والله العظيم ..
متخيرين .. ومسيرين
وان الحبيب المصطفى الهادى الأمين
هو النجاه من كل شئ
آه يا طريق ..
مالهوش نهايه تفرح القلب الحزين
آه يا طريق العاشقين المؤمنين
وصلنى للباب الكبير
أسجد على جسر المجير
وأسلم القلب اللى تايه فى السفر
الموت هاييجى لا مفر
والعجز فى المشوار وصل
كان الكسل .. هو قانوننا فى الوجود
صبح السجود هو النجاه

نور النبىؐ ————— إبراهيم رضوان
يا رب روحنا تتقبل

قلبك يمام فوق الجبل ..

ونسيم أمام عصف الرياح

جدران بتحمى م النيل ..

وسلاح بيحمى م السلاح

وأمانى بتوصل قلوبنا للسماح

يا حامل المفتاح ..

وحامى القلب من عصف الجراح

الكل أصبح مستباح

كفار قريش عادوا يهدوا فى الجدار

مع إن نار الحق لسه فى انتظار كل اللى خان

جوايا فيه قرآن شريف

جوايا مقسوم الرغيف على كام يتيم

جوايا والله العظيم ..

مبدأ لا يمكن يوم أخونه مهما كان

يا نور معبق فى المكان

نور النبىِّ ————— إبراهيم رضوان
عدنان بتهدى الكل لنجوم الضيا

وختام لكل الأنبيا

وسلام لكل المغرمين بمحبتك

الكل حافظ وجهتك

يا اللى انت قنديل المحبه والوجود

وياك يطول بينا السجود عند الجبل

وياك بنوصل للأمل مهما يكون

يا دمعہ بانث فى العيون .. ساعة لقاءك

الله معاك ..

فى رحلة الحب الطويلة ع الدروب

يا نبض دافى فى القلوب

يا كلمه ليها ألف صوت

تندهنى .. لو طال السكوت يا مصطفى

جوه الليالى الضيقه

تحمينى من شبج الضلام الليلى ..

جوه الشرنقه

نور النبىِّ ————— إبراهيم رضوان
وتقول لكل الدنيا قومی وانطقی

إوعی فی يوم تنسى الكلام

أو فی الضلام تتشرنقى

قومی یا دنیا إسبقی .. آیوه اشرقی

علشان تكونی یا دنیا شمس المنطقة

وتكونی شمس الحب .. خارجه مُشرقه

الله عليك یا رسول كريم فی الشقشقه

الله عليك قارب نجاه ..

جوه بحورنا المغرقه

زایل من القلب الشقا

وعزیز علينا کلنا مهما جرى

شلال زهور جوه الدما .. لو شفت روحنا ممرره

یا سيره طاهره معطره حتى السما

إنت شفیعنا الهادی جوه المحكمه

وانت الحروف متنغمه

نغمه إلهی تهز أركان الدروب

نور النبىِّ ————— إبراهيم رضوان
سبحانه عالم بالقلوب .. بـيحبنا

ينصف بآيته قلبنا

ويردنا .. للسكه لو كانت شريفه مؤمنه

يزرع فى روحنا سوسنه .. من ألف لون

آه يا رسولنا يا حنون

الحق (كن فيكون) قمر خارج يقول

صلوا على طه الرسول

وقولوله .. من نورك رويت ..

قلبي اللى كان فى الشده عايز أى خيط

بالحب .. جـيـبـت الطوب .. بنيت

بالحب نهر الشوق .. سقيت

أيوه ضرورى نكون نهار

لاجل الصغار .. نبني فى بيت

ونبات يا قلبى فى ضوء خشوع

الله على دمة خضوع .. للمولى علام الغيوب

الله على دق القلوب .. على باب رءوف

نور النبىِّ ————— إبراهيم رضوان
الله على العين الرقيقه لو تشوف
فضل الإله .. على كل أرواح البشر
ع الحب لما ينتشر ..
بين كل خلق الله هنا .. أو كان هناك
الله على الشباك إذا ..
جاء النسائم للى نايم جوه ضيق
وسعت روح الكل يا أعظم صديق
وسجدت لما الجرح طال فوق الطريق
وأخذت روحنا لشلالات الحب ..
وشطوط الضيا
يا إمام لكل الأنبيا
وسلام على القلب اللى كان قبلك حزين
وأمين على كل البشر
لو فيه دموع .. بات بين ضلوعى يا قمر
ضل الشجر .. يا طه باين من بعيد
والنور ظهر .. وهمس لشمس الكون تقيد

نور النبىِّ _____ إبراهيم رضوان
يا شهيد على جسر الهوى .. باين ضياك
الله .. وكل الكون معاك .. دوس الضياع
يا بو الشراع .. مفروود علىّ من زمن
إنت الوطن .. مهما يكون لىّ وطن
أيوه .. ضريبة حبنا
نتعب .. ونشقى ع الطريق
شايلين جزيره ف قلبنا
هاتساعى ميت مليون صديق
وهاتببدي تصبح قمر فى الكون مضى
الله عليك أعظم رفيق فى دربنا
دقة إيمان فى قلبنا
وحمايه من عصف الرياح جوه الدروب
وهدايه طاهره للقلوب المؤمنه
نسمة محبه حنينه على كل روح
ولفين ما اروح ..
يا رسولنا ألقى ضياك ظهر

نور النبىِّ ————— إبراهيم رضوان

قمر الحنين جوه السهر .. ونجوم حنان

الله على نبع الإيمان فى نظرتك

للعاشقين .. والمؤمنين .. والخاشعين

والمتقين .. والسهرانيين مع حضرتك

نخ الجمل .. لما رآك فى سكتك

وهمس إليك عصفور حزين

بالشكوى والنغم الحلال

ماشى وسايب للأدان مليون بلال

واكثر كمان

آه يا حبيب قلبى الوحيد

آجى إليك يا رسولنا ..

شايلى دقة القلب الوحيد

تصبح نشيد للحب .. تصبح شئ جديد

أرتاح .. ويرتاح الهوى جوه الكيان

الفجر يصبح شمعدان .. والنور يزيد

يوصل قلوبنا العيد .. نغنى للى فات

نور النبىِّ ————— إبراهيم رضوان
يا أحملى أحملى الذكريات .. إرجع بقى
إحمينى من ليل الضباب .. ويا الشقا
خلى البلابل جوه روحنا ..
تعود لأرض الزرقه
والرقرقه .. ترجع إلينا بدون ميعاد
يا رسولنا يا أول ميلاد للأرض ..
يا أصل الأصول
بعتك رسول للكل .. بلغت الرساله بالأصول
وصبحت جوه الليل ضيا
وختام جميع المرسلين والأنبيا
ونحيل محبه فوق طريق الحب ونجوم الصفا
الله عليك يا مصطفى فى دخلتك
ع العاشقين الطيبه المؤمنين ..
برساله طاهره مقدسه
إحنا دخلنا المدرسه الرسوليّه ..
لاجل ما نرتوى

نور النبىؑ ————— إبراهيم رضوان
القلب بعد الضعف يتحول قوى
إحنا نادينا ع الرسول اللى قدر ..
يهزم فى أصنام الجهاله والندامه والقلق
الفجر م الضلمه انفلق
والحب م الكفر انخلق
والكل بعد ما شاف عنيك .. صمم يتوب
إنت القمر .. يا رسول قلوب
مركب .. وفيها تلت نجوم
ما اقدرش يوم عنك أتوب
يا طافى من روحى الهموم
ومحضر القناديل فى ليل مالهوش حدود
صلينا يا طه عليك جوه السجود
ونطقنا إسمك والدموع جوه العيون
من غير ظنون .. سميننا طول الليل عليك
يا اللى عنيك .. هى الشراع المرتجى
كان الحديث لاجل الجموع قارب نجا

نور النبىؐ ————— إبراهيم رضوان
وشرع بيسند فى السفن
لا ضياع ولا موجة شجن
ولا حاجه غير الود بينا مهما كان
قرآن وماشى فى الجهات الأربعه
لا ثرثره ولا سرسعه
ولا كلمه تجرح أى شئ
يا همسنا فوق الطريق
يا شمسنا لو يوم يضيق .. أو يوم نتوه
يا ضىؑ فى كل الوجوه البصه ليانا من زمان
نجم المكان اللى ابتدى يصبح قمر
يصبح تسابيح السهر
يا اللى الآيات فى نظرتك
النور .. لمحتة ف كلمتك
وشريفه جدا سكتك
يا قلب عمره يوم ما خان
تسلم لأرضى شمسك

نور النبىؑ ————— إبراهيم رضوان
تسلم لروحنا همستك ..

بالآيه والحرف الحلال

شلال من الإخلاص ومن كل النوايا الطيبه

دقه بتحضن مركبه ..

وتبوسها فى ليله السفر

وحديث بيملى فى السهر

ويخلى أى مريض يطيب

الله عليك أجمل طبيب .. للقلقين

والتعبانين .. جوه الليالى المقلقه

عصفورى لو شافك يحب الزقزقه

والشمس ترجع تانى للحب الكبير والشقشقه

تصبح بحورنا المغرقه ..

إنقاذ لكل فريق يبان

نقسم جماعه فى الرغيف

يا توب جميل .. يا توب نضيف

لون السما .. لون السحاب

نور النبىؐ ————— إبراهيم رضوان
يا طه لازم يوم نضيف
للبيت عشائك ألف باب
وصحيت عليك الفجر غازل لىؑ توب المعرفة
واقف بتجمع لىؑ أزهار الصفا .. يا مصطفى
وتنادى لىؑ بقلب مش طابق فراق
مشتاق .. وجوه عنيك نجوم الإشتياق
يا شمس مش ممكن .. ولا تقدر تغيب
آه يا حبيب القلب .. يا مليون حبيب
فى البعد .. بتكون الجراح
فى القرب .. بتكون الطبيب
والعيب لا يمكن يوم من الأيام يا هادى نجره
كل النجوم بيقربوا ..
منك إذا بدأ المسير نحو الهدف
الكل يا سيدنا الرسول .. لما رآك ماشى هتف
حتى القمر لما عزف ..
عزف الأغانى المبهجه

نور النبىِّ ————— إبراهيم رضوان
جيت يا رسول الحق لاجل تكون نجا
ودخلت جوه الأنسجه
شلال من الحب اللى روحنا بتعشقه ..
وتنادى نص الليل عليه
يا نسمة دافيه حنينه
يا هلال فى كل الأمكنه
إنت أنا مهما يكون
وانت عبير السوسنه ..
لو تقرى فى القرآن .. تجود
يا إسم صافى فى السجود
ونجوم حنين فرحانه ..
تطفى فى الليالى المحزنه
لما لمونى عليك .. وانا ..
عاشقك .. ورافض فى الملام
صبحت حروفى مُلحنه
وبقيت دليل فى طريق غرام

نور النبىِّ ————— إبراهيم رضوان

جايب (حديث) لاجل الولاد

وشموع عشان اللى اتولد

لهفه فى قلب السندباد

يا حبيبى .. يا أحلى سند

وصل المدد .. لينا آيات بعد الآيات

وصل المدد بالمعجزات

خلى اللى تايه فى الضلام

يرجع بفجر الخير .. بسجده حنينه

آه يا نجوم الأمكنه المزروعه خير

آه يا ضمير الحق .. يا أظهر ضمير

عصافير تشوفك فوق طريق الضىّ ..

تنده ليك بشوق

تطلع معاها يا هادى فوق .. وتضمها

وكان إيدك أمها

وكانها .. عارفك تماما من لغاك

يوصل نداك ليها فى لحظه تبتسم

نور النبىِّ ————— إبراهيم رضوان
يا اللى حنانك يا رسول لو ينقسم ..
ع الكون .. وعهد الله يفيض
يا اللى لقاءك لكل عيد
بتقيد فى مصباح اللى عايز ضوء شريف
تقسم فى نص رغيـف ..
يشبع ألف ألف وحتى يفضـل منه حتـه لليـتيم
إنسان كريم .. ورحيم على كل الصـحاب
تفتح فى باب الحب ..
كل الناس تعود للأصل ..
تعرف حقها
وتشيل من السكه الأذى
دقات قلوبنا الدافيه ..
شايـله الشوق علامه مميزه
الروح معاك يا طه دافيه معززه
عصافير بتملى الكون عطور وعبير وعموم
جوه السحاب .. بين الهوا .. جوه الفضا

نور النبىؑ ————— إبراهيم رضوان
الله على لون الندى .. الله على عرق الجبين
كلمه رقيقه بتسند الظهر الى مال
تحمى الآمال .. فى دنيا واسعه من اللظا
وتغيب فى قلب الغار إذا ..
وصلك كلام الله .. وكان جبريل معاك
خارج من الغار الحبيب ..
وسحابه بتضلل خطاك
ويشوف ضياك كل البشر
يمشوا وراك من غير عدد
يا طه .. جايب م الإله كل المدد
والنور .. إذا أصبح شعاعه أحمدى
جوه الطريق السرمدى ..
ماشى وكل الكون وراك علشان يدوب
ويتوب من الذنب الرهيب
عاشقين حديثك يا حبيب
يا طبيب لكل مريض وتايه ع الدروب

نور النبىِّ ————— إبراهيم رضوان
ونتوب معاك م اللى جرى
نسبق خطاك للمندرہ
ويا الجموع نستنظرك
توصل .. مهيب فى نظرتك .. فى منظرک
الكل قاعد ينظرك .. بعيون حنان يا صرحنا
يا اللى بقدرة ربك الموجود .. بتشفى جرحنا
حاضنين آيات الله يا نور ..
من صبحنا .. إلى صبحنا
وان يوم لمست النار بصوتك .. تنطفى
العمر قبلك ضاع سراب .. فى فراغ مميت
قلبى فى حبك عبقرى .. بانى عشانك ألف بيت
عامل معانا الشوق (عمایل) ع الطريق
بان العرق .. يا عيون رسولنا إعرفى
إنك بحبى لابد يوم تتشرفى
وتنضفى السكه اللى مالت من ذنوب الخطائين
المفروزين .. جوه الخطايا المزمنه

نور النبىؐ ————— إبراهيم رضوان
آه يا فساد الأمكنه

جالك رسول الله يداوى كل شئ
ويكون فناره فوق طريق الأمنيات
يعدل ميزاننا بالآيات ويا الحديث
ويكون جليس للى ابتدئ قليله يميل
ويكون دليل ..

لقلوب ما زالت تايهه فى نص السفر
يحمينا من كل الخطر .. ويضمنا
يصبح أبونا ونور أخونا وأمنا
ويلمنا .. لو ضيعنا فوق كل الدروب المهمله
يهدينا دائما للصلا مهما يكون
يطفى من القلب الظنون لو يوم هرب
أو يوم شرب .. من بحر نسيان الصلا
يا اللى انت كنت الزلزله ..
لمعاقل الكفر الرهيبه السيئه
يا اللى انت كنت المنطقه المحروسه ..

نور النبىِّ ————— إبراهيم رضوان
بالنور الإلهى والنجوم
ريحت قلبى م الهموم
ومن الضباب .. ومن الغيوم
ومن القلق لو جرح طال
نسمع بلال .. تسجد معاه
الله على فيض الإله
الله على كل القلوب المؤمنه
ياما " سفر " ..
لكن أنا ما اقدرش اعيش جوه الرياح
العيشه جنبك ممكنه وهناك رياح ..
وهناك رماح
الليل ولد .. فى ايديه قلم ..
آه يا علم .. آه يا ميلاد
إنت حبيب للقلب .. لم ..
" يَحْنُ الهوى " .. أو داس عباد
يا اللى السهاد .. زال من لقاك

نور النبىِّ ————— إبراهيم رضوان
يا اللى القمر ماشى وراك
وانت يا عبد الله يا ماشى على الصراط
مين كملك .. مين جملك ؟
واتحملك لو فيه خطأ
مين اللى أرسل محملك
فى المهد .. خلى وليد نطق
واللى بجاهه أرسلك
كائن حبيب من منشأك
واللى فى لحظه وصلك
للأرض .. حفره بتعشقك
ولا حتى كائن حصلك
بالسهم يقدر يرشقك
مين ع الخطيئه هايسالك
ويخلى روحك تنعق
يا اللى انت فوق الأرض ..
واحه بدون حدود متحدده

نور النبىِّ ————— إبراهيم رضوان
يا كل حاجه بالإيمان متجدده
إنت النجوم مالهاش مدى
وانت السفاين مُبحره .. رغم الرياح
دايسه قلوب متحجره ..
رغم الصباح
وبتيجى كل دقيقه بالمدد الشريف
الله على اللبلابه شامخه ع الرصيف
والنخله مليانه بلح
مين اللى داب واللى انجرح
واللى فرح بالسجده فوق جبل التسامح والوفا
يا روح حياتنا يا مصطفى
يا سر كل المعجزات
يا اللى الببيان اتفتحت مع همستك
غرقان فؤادى فى لمستك
ماشى يدق ما بين حماك
ولا يدفى .. غير فى شمسك

نور النبىِّ ————— إبراهيم رضوان
سبحانه من وهبك ضياء

لما ضلام الليل ظهر
أنا قلت لازم نحترس
لازم ولازم يا قمر
جوه قلوبنا تنغرس
تعطى لروحنا حمايه من جسر الخطر
وانت يا عبد ما زال على جسر السهر
كان هدهدك .. فى مسجدك
ساجد لملكك فى ابتهاج
يا عبد .. ربك ينجدك
لو لحظه تبدأ بالسؤال
ربك غفور مهما جرى
مهما ها يحصل للقلوب
يسبق خطاك للقنطره
يا عبد .. لو ناوى تتوب
عمره ما ياخذك يوم ورا

نور النبىِّ ————— إبراهيم رضوان
مهما هاتتعب من ذنوب

لو يوم مرض ها يهددك

تلقاك بتقدر ع المحال

علشان كده .. كون السحابه الممطره

على كل عايز مهما كان .. مهما حصل

دوس الكسل لو فيه صلاه

فى الفجر .. قوم الفجر صبح ع الحياه

وارتاح ما بين الآيه دافيه والحديث

خلى الإله أعظم جليس فى مجلسك

خلى نجوم الحب دايم يا حبيبى تونسك

صلى على طه النبى

خلى صلاة القلب ع الهادى الأمين ..

هى السمر

دا الليل يتيم .. قمره رغيه .. قد القمر

إيه اللى خلى الغيم يدوس فوق السهر

ويدوس على بعض النجوم

نور النبىؑ ————— إبراهيم رضوان
إيه اللى خلى الهم يصبح ع الطريق .. أهرام هموم
يا طه ياه .. الحب فى بميت جناح
راح اللى راح .. وانت اللى فاضل للأبد
أيوه يدوم الحب بيننا بحور موده يكون مدد
يا اللى انت كنت يا طه للمحتاج سند
وسلام على كل القلوب
عايز تتوب يا عبد .. أيوه توب خلاص
وإبس فى توب العزه والإخلاص ..
وخلى الروح تطير
الهادى كان لينا رسول
والرب كان لينا مجير
والروح أداة توصيل لرحمن الوجود
راحتى يا طه فى السجود
راحتى أعود للبيت وأبكى ع اللى راح
تهدى جراح النفس فى لحظة سماح
واحلم ليلا تى بيوم لقاك

نور النبىِّ ————— إبراهيم رضوان
لو يوم يموت صوت الطريق ألمح هواك
يا طه يا اللى قلوبنا لسه معاك شراع
لو يوم يفور القلب .. يملئ الدنيا نور
تطلع زهور الحب جوه النظره فوق كل الدروب
باهواك أنا .. والرب عالم بالقلوب
وأتوب وأهجر فى الذنوب وارجع أتوب
واتهنى بالآيه اللى كانت جوه قلبى من زمن
قرآن صبح لى وطن
وأدان أخذنى لألف عالم من ياقوت
مع إن طيف الموت معانا على الدروب الضيقه
يا حامينا من نار الشقا
ريحنا من كل اللى فات على قلبنا
واطفى قلقنا وهمنا
واسترها دنيا وآخره لاجل نقول خلاص
ومفيش مناص .. م العوده تانى للسما
نصبح خدود متنسمه

نور النبىؐ ————— إبراهيم رضوان
والدنيا تلمح سجدتى

مهما الزمن بيفوت وتنسى كل شئ
عمر الطريق .. ما يكون طريق .. من غير ضياك
ماشيين معاك ع السكه نغزل أغلى شال
وان مال يا طه الحال .. بنسكن فى الخيال
نحلم ببيت وحصان .. بأحلى إسوره
وان يوم ناديت لىّ أزورك فى المقام ..
ألقى يا طه كل حاجه فى الحياه
طاهره رقيقه .. منوره
يا نجمة الحب اللى باست خطوتى
ولا ألف حاجه فى رحلتى ..
تشغلنى عنك يا رسولنا يا قمر
إيه السهر .. من غير عنيك المخلصه
وانت بعيد يا حبيبى يا قمر الحياه
الصبح يشبه للمسا
خرج الأسا .. من قلبنا

نور النبىؑ ————— إبراهيم رضوان
لحظة دخولك ع الجموع المشركه
حسينا إن الأرض بيهم يا رسول متحركه
وان السما ..

مدت إيديها لكل قلب معاك بكى
مليون مناقشه ومعركه يا طه ..
جوه متاهه كنت دليل عظيم
دايس على القلب الأثيم
مع إن جرحك كان أليم .. من فعلهم
من كفرهم .. من جهلهم
وفضلنا فى رحلة كفاحك ..
كل يوم بتجيب جديد
ويزيد معاك كل العدد
إنسان بيبنى .. وضد قانون الهدد
الضهر يوم عن يوم يا طه بينفرد
والكل جنبك فى انتظار .. أمرك لأن الصبر طال
وما زال بلال فوق السطوح

نور النبىِّ ————— إبراهيم رضوان
وباروح ما بعدك روح خلاص
نور المدينه صح خلاص
فايت معاك .. فى وسط ناس
عارفين شعورنا .. وسرنا
فُسحه على جسر الخلاص
فرحه تخلص أسرنا
آدى الذهب .. ولا لى شئ
غيرك يا هادى يا أمين
يا بو القمر .. هادى .. رقيق
فى ضياه .. لمحت حروف ياسين
ولمحت قلبك جايب اللقمه الحلال
فى كلام مبين
لكن وبعد سنين عجاف
أعلنت إنك لسه باحث عن ضفاف
هجره .. من الناس اللى كانت فاجره ..
وقريش اللعينه المشركه

نور النبىؐ ————— إبراهيم رضوان
وطابور إلهى نظامه .. كل كلامه ..
من وحى الرسول المنتظر
شجره .. وكانت أحمديه ..
فروعها طاهره .. للسماء متحركه
وجموع .. لا يمكن يوم من الأيام ..
هاتقدر تحصي نورهم بالنظر
وجيوش .. تهز عروش ..
وتقدر ع الوحوش .. لو حتى كانت كاسرّه
وآيات بتخرج من شفائف خضره ..
من ذكر الرسول ويا الإله
والناقه ماشيه .. بأمر علام الغيوب
والباقي يا طه ورا
ومفيش معاك يا حبيبي ..
غير آيه شريفه بتهدى فى كل اللى تاه
أحلام كتير يا رسولنا ..
كانت بالنضال ويا الكفاح متفسره

نور النبىؐ ————— إبراهيم رضوان
ورساله طاهره .. أصيله ..

قادره طول حياتها تهز أركان الحياه
بينك وبين كفار قريش ..

يا رسولنا طول العمر كانت معركة
وسامحت كل اللى رجع .. واللى ندم
واللى امتثل واللى اعتذر

وفضلت يوم عن يوم تضيف
أيوه ضرورى يا طه تروى نخلتى
تدينى لحظة دَخلتى .. ع السكه مصباح الحنين

وحنان ومُهره وكلمه طاهره ونجمتين
يا ضمير شريف فى الحب يا أجمل عنين
أرجوك تداوى جرح قايد من سنين

داس الزمن .. كل اللى حاول ينحنى
داسه وداس دقاته جوه المنحنى
أرجوك تَضُم الروح بغنوه مُلحنه
وتكون فى قلب اللى انحنى ..

نور النبىِّ ————— إبراهيم رضوان
سجده تطول مع بسمله

ننده عليك جوه الصلا بعد الوضوء

تطلع معانا يا طه فوق

وتطمئن القلب الحزين

الله عليك صادق أمين

محفوظ فى قلب المسلمين

يا هادى .. نادى ع اللى تاه

قبل الضمير ما يتوه معاه

الحب كان .. لينا مكان

واحنا وصلنا لمبتغاه

الله على لون العيون

لو فيها دمعته فى السجود

الركعه .. عتق من السجون

والسجده .. قنديل الوجود

والمولى .. جوه الليل أمرنى ..

خلانى أكون مؤمن شريف

نور النبىِّ ————— إبراهيم رضوان
وحريص على كل الفروض
مهما نعيش .. لازم نعود
واصل طريقى لمنتهاه
آه يا رسول الحق .. يا شمس الإله
الجنه هى مطلبى
يا شمس .. إوعى تهربى
يا ام العيون الساحره
من بحر روحى إشربى
يا ام الخدود .. قمح ودره
الليل ضنا .. واحنا هنا .. ضد التذلل والخنوع
إزى حالك يا أنا
أرجوك بلاش نهر الدموع
شفتك فى ليلة الهجره جوه عنيك خشوع ..
للّه وباصص ع الصحاب
باب القبول .. مفتوح عشانك يا رسول
حواليك جيوش مالهاش عدد

نور النبىؐ ————— إبراهيم رضوان
هى السند بعد الإله

هى اللى قالت لىك لابد هاتنتصر
وياك إله الكون .. لا يمكن تنكسر
إدخل وراسك فى السما يا ضهرنا
الجنه دافعه مُهرنا من يوم لقاءك
الله معاك ومفیش بعاد
أهرب إلیك يا طه من لیل السهاد
ألقاءك میلاد .. ونجوم كتیر مالهاش عدد
تصبح سند .. لىّ إذا احتجت السند
أرتاح على أرضك ..
أغنى لطلعتك وقت الشروق
يا اللى هواك .. جوه العروق .. بیضمنى
اللیل یطول .. ما یهمنى .. یا أغلى شئ
إرسمنى نجمه ع الطريق .. تصبح دلیل
یحمیک إلهنا من عذاب السكه واللیل الطویل
یحمیک من الشر اللى واضح ع الدروب

نور النبىؑ ————— إبراهيم رضوان
يحميك يا طه من ضغينه فى القلوب
من كل كافر لولبى
ما انت النبى .. وانت الرسول
وانت اللى حاكم بالأصول بين العباد الأبريا
وانت ختام الأنبيا والمرسلين
وانت الأمير اللى ابتدى عمره أمين
وانت اللى خالد فى السنين الجايه ..
لو مليون سنه
وانت النجوم المؤمنه
وانت الأمانى حنيه
وانت المنى والذكريات
حسنات بتيجى مع الحديث .. بعد الآيات
الوحى كان ..
هو طريقك فى الوصول لقلوب حجر
حطيت على ضلمة قلوب الناس قمر
وصبحت ألف فناره .. فوق مليون طريق

نور النبىؐ ————— إبراهيم رضوان
إنت شريف .. قلبك نضيف ..
بيضيف لكل الناس حنان
طارح فواكه فى الخريف ..
إنسان .. فى كل مكان .. وأن
أيوه النبق .. للى سبق ..
وانا فوق مراكب حب .. جيت
الدنيا دى .. حلبة سبق ..
ورغيف وهدمه ونور .. وبیت
وإيمان بييجى بالأصول
من قلب أغلى رسول على كل البشر
ورسالة لازم تنتشر ..
على كل أنحاء الكره الأرضيه ..
يفضل نورها باقى للأبد
يا رسولنا يا أعظم سند
البدر شافك وانت عايش فى الآيات ..
نزلت دموعه م السما

نور النبىؑ ————— إبراهيم رضوان
ونزل عشان يسهر معاك

ياخد ضياه .. من نور ضياك
ويعود ينور تانى أرض العالمين
آه يا أمين .. آه يا نبى
التوبه هى مطلبى ..
وشفاعه من قلبك لروحى المتعبه
الآيه كانت مركبه .. لى
فى بحر بدون شطوط
فكرت إن الموت لا يمكن يوم هاوصل
مهما أعيش هنا
لكنى شفته بيجرى من خلف الجميع
آه يا ربيع الدنيا .. يا أظهر ربيع
إزى هابيع ..

وانت اللى شارى حياتى بكتاب الوجود
سلمت روحى للسجود .. ويا الركوع
نزلت دموع القلب فوق هدمه يتيم

نور النبىؐ ————— إبراهيم رضوان
أه يا كريم النفس .. يا أصل السماح
سلمنى مفتاح الدخول على حضرتك
هامشى معاك فى سكتك
واسهر فى ضلك يا إمام المعجزات
تبقى الآيات هى النجاه
والرحمه من عند الإله
والدمعه فى نص السجود
أيوه مداين حبى ليك مالهاش حدود
منجم دهب .. يا طه .. يا شلال ورود
أه يا مرايه فضه فوق جدرانى واقفه تبصلى
بتقول لشمس الود .. ياللا اتأملى
وخدينى أيوه بشوق بعيد عن ليل آلام
وطريق ملام
واحمى عيونى م العطش .. ومن الجفاف
يفضل رسول الله معايا للأبد .. فوق الضفاف
يا رسول .. ملامحك كل يوم ..

نور النبىؐ ————— إبراهيم رضوان
عن يوم بتحلى يا سكتى
مرعوب أنا من كل شئ يا دنيتى
طول ما انت عنى بعيد بعيد
مرعوش يا طه ..
تحت أمطار المعانى والأغانى والبريق
يا رسول ندهنى .. لما ضاق بى الطريق
ورفعتى قدام الجميع
الله يديمك للحياه .. أجمل ربيع
إنسان لا يمكن يوم يبيع .. أو يوم يهون
وازاى هاخون العهد يا طه الشفيع
وازاى يضيع الحق تانى
بين جموع مالهاش عدد
نورت أرجاء البلد
وخرجت لابس توب بيشبه توب ملايكة أبريا
آه يا ختام الأنبيا .. والمرسلين
آه يا نجوم الدين .. وشلال الأدب

نور النبىؐ ————— إبراهيم رضوان
ربحتنا بعد التعب

سهرتنا ويا الكتب

خليت نفوسنا الطاهره ترجع للنجوم

ونقوم من النوم الطويل

الفجر .. والضىّ الأصيل ..

مستنظرين كل الجموع

مرفوع إليك يا طه ..

والقلب اللى حبك فى انتظار

محتاج محبه مع المدد

كونلى سند فى الرحله .. خلى النور يبان

وارحمنى من غدر الزمان

واحمينى تانى بفضل ربك م النفوس المخلجه

خلى خلاصى فى الصلا

قبل ابتداء الزلزله

قبل الخلا .. ما يكون خلا

والمسأله .. تفضل فى حاجه للإجاباه المقنعه

نور النبىِّ ————— إبراهيم رضوان
قلبك مع .. كل اللى ضاعوا فى الزحام
قلبك مع الإسلام لأنك أوله
فى طريق لابد نكمله
طول ما انت جنبى يا رسول
ولا أى شئ ها يهمنى
يا رسولنا كون .. النسمه دافيه .. تضمنى
ما يهمنى .. غيرك .. ولا انده يا حبيب .. إلا عليك
أشتاق إليك ساعة الوداع .. ساعة اللقا
وأشوف عنيك متشوقه .. أفرح وادوب
الرب عالم بالقلوب .. وانا قلبى داب
وكفايه اشوفك فى الفضا .. جوه السحاب
يا طه .. والأيام بتيجى بفرحه دايمه لقلبنا
نلقى القمر .. نلقى نجومه جنبنا
يكبر فى لحظه حبنا .. نصبح وجود
الحب مش ممكن يكون أبدا جُحود
الحب لو صادق يسود

نور النبىِّ ————— إبراهيم رضوان
والشوك بيصبح جوه أحضانه ورود
والفجر .. لاجل الناس يبان
فارس ولابس صولجان
والكل ساجد فى المكان اللى ابتدى ..
يصبح زحام
والابتسام .. فوق الخدود
زالت سدود الكفر .. جينا للمدينه فى الميعاد
بدأ الميلاد .. يصبح ميلاد ..
والكل واقف ع الجبل
ظهر الأمل للكل .. كل الكون دفا
واحنا معاك يا مصطفى مهما جرى
تفتح عشاننا المندره .. ندخل معاك
نتوضى دايم من سناك
نتهجي فى حروف الدخول على حضرتك
وانت المهاب فى كل شئ
لو تمشى .. يترعش الطريق ..

نور النبىؑ ————— إبراهيم رضوان
خوفا عليك من سكته

لو تصحى .. يصحى الكون فى نفس اللحظة ..
عارف وجهته

لو يوم تقول .. يصبح جميع الكون سكون
يا أغلى عون لاجل اللى ماشى فى سكتك
علشان ما يحرس خطوتك

علشان ما يرجع تانى يحضن حضرتك
آه يا رسول مليون حكم

أخرجت روحنا م العدم
دمرت يا طه الصنم .. ولا حتى همك مشركين
أصل انت يا طه الأمين

مسنود من الجاه الإلهى بدون حدود
وانت الورود فوق التلال
عايز بلال

يدن فى كل دقيقه لاجل الناس تفوق
قلبى نخيل .. إطلع لفوق ..

نور النبىؑ ————— إبراهيم رضوان
هاتلى اللىالى المفرحه

خلى الخيول .. تنده بشوق ..

بالسهله .. والصحصه

وياك .. نويت أرسم جناح ..

للقلب .. يمكن يوصلك

و يوم يا طه داوبت جراح لازم يا طه أحصلك

ولا حاجه قدرت يا حبيبى تكسلك ..

عن دعوه طاهره مقدسه

زالت من القلب الأسا

فضلت لحد الدنيا ما صبحت عمار

ولحد نور الدار ما بان

ولا كان سواك ع السكه ماشى بدون حرس

ولا كان سواك أبدا حديثه صبح جرس

بيصحي كل الغفلانين

ويقول لهم .. إن الإله ..

موجود وشايف جمعهم

نور النبىِّ ————— إبراهيم رضوان
وان الإيمان فى دمهم

وان اللى عاش فى الرهبه كان هو السليم

آه يا رسول الله .. يا هادى .. يا كريم

تعظيم سلام يا حبيبى للناس اللى كانت ..

ماشيه جنبك فى الزحام

من غير كلام .. إنت الرسول

وانت السيول الخضره

قادره على الرحيل علشان تتوب

وانت اللى قلت يا صاحبنى ..

انك من زمان عايز تتوب

يا حبيبى يا سر القلوب .. خليك هناك

إفتح بقى الشباك وشوفنى بنادى لىك ..

من تحت زحام المطر

أتحدى أخطار الخطر

واسبق خطايا إلیك

واجيلك لاجل افوق من ورطتى

نور النبىؐ ————— إبراهيم رضوان
واعرف معالم سكتى

يا نور عنيه ودنيتى طول المدى
الحب ممكن تانى ياخذ قلبى لشطوط الهدى
والجرح ممكن يوم يطيب
الله على طه الحبيب فى دعوته
الشمس دافيه فى سكته
والرب حارس خطوته
نفسى أكون للناس فنار
واصبح فى قلب الليل ستار
الفرقه .. خوف يا رسول .. ونار ..
نلغى الحاجات دى .. م الطريق
يبقى الهوى للناس فنار ..
يا رسولنا .. ع الجبل العتيق
تاه الصديق .. فندهت ليه علشان يعود
جوه السجود .. شاف الإله باصص عليه ..
نزلت دموعه من عنيه .. فجأه ارتجف

نور النبىؐ ————— إبراهيم رضوان
ريقه فى لحظة خوفه جف

ورجع معاك يا طه للبيت الشريف

الله على القلب النضيف

لحظة رجوعه من صحارى الزيف

وشط السيئات

الله على الحسنات يا طه لما تدخل قلبنا

يا ماشى دايم جنبنا

تحمينا من عصف الرياح اللى ابتدت ..

ترعش فى شباك الحياه

الله على فضل الإله لو فينا فاض

الزاد يا طه ركعتين

وجبال حنين .. قدام عنينا المخلصه

يا مدرسه فى الصبر .. يا أكبر فصول المدرسه

ولا حد زيك فى الوجود يقدر يكون

خاتم لكل المرسلين

وإمام لجيش المتقين

نور النبىِّ ————— إبراهيم رضوان
وهلال لا يمكن يوم يخون
لو فيه عطش .. إسقى العيون
من طلعتك .. على سكتى
عارف بأنك فوق غصون السكه
نجمه ف خطوتى
إيه اللى يقدر يرعش الأوتار .. فى عزفك يا دوا
طول ما احنا ويا المصطفى الهادى الأمين
ماشيين على السكه سوا
القلب يدفى بشكل واعى .. ويلمس النجم البعيد
يا " وقفه " طاهره .. وألف عيد
الإيد ما زالت عايزه إيد .. فوق الطريق
والقلب لو محتاج صديق
يا مصطفى .. إنت الصديق
وكفايه إنك جوه ليل الشوق مضى
وكفايه إنك هادى .. للمشتاق رفيق
بتداوى حتى فى المسى

نور النبىؑ ————— إبراهيم رضوان
وبتغزل التوب المضى ..

للى انحنى علشان يكون

الله على كحل العيون عند النبى

الله على الأحاديث .. خلاص .. صبحت منايا ومطلبى

الله على الآيات يا طه يا حبيب ..

صبحت فى بحر العزه جاهى ومركبى

وانا مركبى يا حبيبى ..

مصحف جوه دمي والعروق

أنا مطلبى .. ألقانى فوق .. جبل العطاء

يا رمز نور الكبرياء فى المجتمع

لما اجتمع قلبى مع القرآن فرحت بدخلتى

على كل شئ فى سكتى

وظلعت فوق جبل الأمانى الممكنه

أصبحت فى الأحجار حرير مع سوسنه

وبقيت أنا

وبقيت فى شعرى عليك يا طه ..

نور النبىؐ ————— إبراهيم رضوان
أقول كلام .. غير الكلام

ولا حاجة هاتقربنى ليك .. غير الغرام
ومفيش عناد ومفيش بعاد ومفيش خصام
واما الآلام توصل .. نكون شطين حنان
الله عليك يا طه .. لما الحب يصبح مهرجان
الله عليك .. يا حب صافى ..

يا أقوى جدا م الزمان
الله عليك قرآن بيمشى على الأراضى الطيبه
يا طه من عهد الصبا ..

وانت اللى بين الناس أمين
وانت الإمام ع المتقين .. وانت الهدى
الشرع لما الوحي بان .. بيك ابتدى
وبقيت بحور متجدده

وبقيت حاجات يا حبيبى مش متحدده
مالك أمور الكون وفاهم وجهته
سالك فى ميت مليون طريق

نور النبىؑ ————— ابراهيم رضوان
بيودوا للرب الرءوف

عمرڪ يا طه ما شفت خوف فى سكتك
ولا حد قادر مهما كان ..

يلقى ضلامه فى حضرتك

أمنيتك .. توصل رسالتك للجميع

تهدى جميع الناس وتبقى رسول شفيع

تهدى قلوبهم لو نضيع

وتكون حديث ..

يملك فى كل حروفه إقناع الجميع

يملك صدى

اليأس .. لاه .. بلاش كده ..

إنت يا طه .. نهار فصيح

نورك حياه متجدده ..

لو حتى كان الليل جريح

وان حتى دار بينا الزمن

يا مصطفى .. وياه .. ندور

نور النبىؑ ————— إبراهيم رضوان
فى البدء كان حرف الشجن
هو اللى واضح فى السطور
وانت اللى واضح فى الآيات
خاتم لكل الأنبياء

مشتاق يزول الليل ويطلع فجر للإسلام هنا
يا طه .. يا قمر المنى وسط النجوم
نصحى من النوم الطويل .. نلّقاك نسيم
بيزيل من الروح الهموم
ويقول لنا .. إن الحياه
ومضه ويمضى العبد بعد الومضه تانى فى سلام
وان الكلام لازم يكون ..
مفروش لكل الناس طريق مافيهوش غلط
وان الزلط .. خلقه إلهنا للبنا .. مش للجراح
يا حبيبى يا ضوء الصباح اللى ابتدى ..
ع الناس يسود
خليتنا نعرف بالحديث .. إزاي نكون لكل جود

نور النبىؐ ————— إبراهيم رضوان
وازاى نعود للتقوى بالخطوه الحلال
وازاى نشيل فى القلب ضىؐ أدان بلال
وازاى نشيل م السكه أطنان الخطر
ويدق قلبى على ببيان الكعبه .. تفتح يا قمر
الليله يحلو السهر
نطلع على جبل الحلال .. نزرع هناك
" زهر الملاك " .. والسيستان
الله عليك يا طه .. لما تدق فوق كل الببيان
ونعيش معاك التجربه
ما نخافش م الموج العنيد
واحنا إيماننا مركبه
يا روح رقيقه طيبه
قدرت تجمع شملنا من غير عصا
الناس بتنده لسه بالصوت الشديد ع اللى عصا
واللى اتنسى .. هو اللى كان فى الكون عنيد
حاجب نجوم العيد يا طه عن الجموع

نور النبىؑ ————— إبراهيم رضوان
بيدارى فى نص الرغيف ..

عن أى قلب يحس جوع
ما يهمهوش لو فيه دموع جوه العيون
بيخون فى نفسه من زمان
وبيهمل القرآن ويهمل فى الفروض
الدين لآبد فى يوم يعود تانى غريب
وانت يا طه يا حبيب

ما زلت عايش بين جميع الناس هنا ..
والناس هناك

وما زال ضياك .. مالى الوجود
الكل فى حالة سجد .. مع حضرتك
يا قلبى أعزف ع المدينه غنوتك
إحكى لكل الدنيا دايمآ قصتك
يا فجر خارج من لىالى الصمت
يتهجى الحروف
لا خُفت أبدا لحظه خوف

نور النبىؐ ————— إبراهيم رضوان
ولا همك الليل الطويل .. مهما حصل
دا رسولنا رافض فى السكوت ..
رافض فى خطوات الكسل
رافض يكون المؤمن الحر الشريف مليان خطأ
حاضن فى قلب اللى نطق ..
كلمه تخلق الكون يروق
وتخلق كل نجوم هداه .. تطلع لفوق
وتجيب شروق .. بعد اليالى السيئه
كل القلوب يا طه ليك متشوقه
بيقولوا عايزينك بقى ..
نفضل معانا فى روضه طاهره مقدسه
كل القلوب المخلصه
بتنادى ليك صبح ومسا
وتحن ليك فى البعد لو طال الفراق
الله يا بحر الكبرياء جوه النفوس
بتدوس على القلب اللى أصبح مفتري

نور النبىؑ ————— إبراهيم رضوان
وبتشتري العبد اللى صان قرآن أصيل
وصبح لكل الناس مناره وأعلى قول
وصبح على الأرض الجفاف .. أمطار سيول
يا طه .. يا نهر الأصول
دا الحب نور .. همسة خيول
فوق سكة السفر الطويل اللى ابتدى
يصبح لنا : مليون خميله
على ورقها الصافى نام كل الندى
إبعد بقى .. يا قلبى عن جسر الخصام
عن ليل طويل مليان بنار الإتهام
بينى وبين طه غرام ..
ما يتوصف بجبال كلام
ومفيش خلاف .. ولا إختلاف
ومفيش فى قلبى غير حديث ..
شفاف وطاهر فى الحروف
دوس فوق جبال الخوف .. يا قلبى بالندى

نور النبىؑ ————— إبراهيم رضوان
وانت يا هادى يا رسول ..

كنت الأصول .. والمبتدى

كنت الهدى لاجل اللى مشيوا فى رحلتك

كنت الفضا .. حاضن فى أقمار المحبه والصفاء

كنت الرسول المنتظر .. والمصطفى

كنت ابتداء .. مطر الوصول المرتجى

كنت النجا للغرقانن .. كنت الشطوط

كنت البيوت .. حاضنه الضيوف فى أى حين

كنت الأمين على كل شئ .. كنت الرءوف

لا خوف يهز القلب يوم

ولا يوم تفارق فى الصفوف

قائد .. حنون .. مقدام .. عطوف

بتشوف على بعد النظر

فى الحرب .. حاضن فى الحذر ويا الثبات

وان حد مات يا حبيبي .. يدخل فيك سكات ..

ودموع تغطى فى اللى مات

نور النبىؐ ————— إبراهيم رضوان
تنسى طباعه ان حتى كانت سيئه

هابداً خروج م الشرنقه ..

لو كنت تايه ع الطريق

باكره خطاوى ضيقه ..

والصمت .. لو باس الصديق

الله عليك .. جوه السفر ..

يا طه .. يا أجمل شطوط

من غير حديثك فيه خطر ..

ومفیش نجوم جوه البيوت

ومفیش سكوت .. غير لما تبدأ بالكلام

إسلام دخل .. جوه قلوب متشوقه

أحلام خلاص .. صبحت يا طه بهمتك متحققه

بدء انتصار الشقشقه على ليل طويل

هزيت جدار المستحيل

ودخلت .. خلّيت النهار فى الكون عفى

بتقول لروح اللى ابتدى يغلط كثير

نور النبىؑ ————— إبراهيم رضوان
لازم تعودى وتنضفى

تتشرفى بىؑ لأن الدين خلاص .. أصبح قانون

الكل شايله فى العيون

ومفیش ظنون فى أى شئ

قمر المحبه ع الطريق

وانت يا سيد الكل واقف بين حبايبك فى ابتهاال

وأدان بلال يا حبيبى بيهز الفضأ

عالم جديد بيك ابتدى

يا إمام لكل المرسلين الواصلين والأنبيا

خبينى فى عيون الضيا ..

الله على النور الحلال

صبحت حروفك أمنيه ..

مخلوطه بحروف ابتهاال

والرب قال .. إنك ختام يا مصطفى

وانك شفا ..

لاجل الغلابه المحرومين من كل شئ

نور النبىِّ ————— إبراهيم رضوان
وانك طريق للأمنيات الممكنه

تملك حنان .. مع نظره طاهره حنينه

وجمال مفيش بعده جمال

يا صبر فوق الإحتمال

يا جبال من القوه اللى داست ع الصنم

بتقول نعم ..

لو حد نادى عليك فى نص الليل ..

ترد على النداء

الصبر مش هاضيع سدى

وهايجى يوم يا حبيبى هاتدوس العدا

وهايتنشر دين الإله .. جوه جميع الأمكنه

الشوك تحول سوسنه وزهور أدب

واللى انكتب عنك كتير .. فى جبال كتب

ولسان أبو لهب الحطب .. أيوه كذب

آه يا بشيرنا الهادى يا أصل الخلود

يا نجمه بتخلى الوجود .. يصبح وجود

إحنا اللى كنا قلقانين .. متشردين

نور النبىِّ ————— إبراهيم رضوان
شوفنا راحتنا فى السجود
ونعود لروحنا اللى ابتدت تهرب هناك
ونبص م الشباك نقول
إهدينا يا طه الرسول
وابعدنا عن أرض النفاق ..
قول للحلال .. مليون نعم
خلى مفيش بيننا فراق ..
يا طه .. والأفراح تعم
والدم يرجع تانى .. دافى للعروق
والشوق ياخدنا لفوق ونلمس فى السما
تبقى الخدود متبسمة .. والنور براح
الحب كان هو السلاح
فى مواجهة الكفر اللعين
غالى علينا يا أمين
عالى المقام فى كل حين
نيجى .. ونرجع مسلمين
والدمعه فى عين اللى فارقوا حضرتك

نور النبىِّ ————— إبراهيم رضوان
لسه بنحلم يا حبيبى بسكتك
وبعوده تانى للمقام
الله على نسمة سلام ..
حاضنه فى أرواح اللى عادوا من جديد
يا اللى انت جايب لينا عيد من بعد عيد
وما زلت لينا إمام بيهدى قلبنا
ماشى يا طه جنبنا فوق الطرق
قارب نجاه للى غرق
واللى انسرق من صوت شيطان
وياك آيات قرآن بتتحدى الحرام
وتعود بنا للإبتسام
ولكل حاجه مقدسه
وياك فصول المدرسه المفتوحه لينا من زمن
ما انت الوطن .. وانت الملاذ
أستاذ فى علم الحب لو أصبح أصول
عندك نلاقى الخير سيول
للكل لو ليله يعوز

نور النبىِّ ————— إبراهيم رضوان
صبح الهوى أكبر نفوذ ..

والبدر قايد فى الحياه

بيك الفؤاد .. دائما يفوز ..

بيك القمر .. يلقى ضياه

الله عليك .. وقت الخروج

بالموج ماوردى يا قمر

الله عليك .. وانت الجناح .. لو فيه مطر

وان فيه خطر .. تدارينى بالشال الحرير

إنت المبادئ .. يا رسول .. وانت الضمير

وانت اللى بين الناس كبير

الله مجير يا حبيبى للعبد اللى ساجد ع الدروب

الله بيهدى فى القلوب

بعتك هدايه وآيه تهدى العالمين

بعتك أمين ..

ع الكون وميت مليون حرس

على كل حاجه مقدسه

بعتك تكون أستاذ مربى ومدرسه

نور النبىِّ ————— إبراهيم رضوان
وان زاد على قلوبنا الأسا
بتمد إيدك ترقى قلب اللى انحرمت
وتاخذنا تانى للمقام .. وتاخذنا تانى للحرم
العاصى حاسس بالندم ..
علشان كده يا طه عاد
بلدك يا طه مش بلد ..
دى بلاد كتيره معززه
ياما قاسيت يا حبيبي من كُتر الأذى
ومن الوجوه الضلمه .. أصحاب الشيطان
دفينى .. يا طه الحبيب الغالى ..
خلى الدنيا تصبح مهرجان
عايزين نبان .. مهما نقاسى م الرياح
يا نخله فى أرض السماح .. والمعرفه
الحب لو جواه صفا .. بيبكون جبل
ويجيب أمل .. للقلب لو محتاج أمل
إسبقتى أكثر من كده فوق الدروب
أنا حبي ليك ..

نور النبىؑ ————— إبراهيم رضوان

كالشمس صافيه بدون غروب

أنا حبى لىك .. خلانى فى الأشواق أدوب

وأكون ما بين الناس حرير

أملك ضمير يا طه يتحدى القلوب السيئه

تصبح شمسى مشرقه ..

رغم ابتداء الليل هناك

الله على الإنسان إذا .. أصبح ملاك

الله على الشباك فى بيتك يا رسول

الضلمه مش ممكن تطول ..

أبدا يا خاتم كل شئ

يا بدر فوق مليون طريق بيضمنا

يا اللى انت جوه كياننا .. داخل دمننا

ما يهمنا أبدا سواك .. ما يهمنا ..

غير إن فجر الخير يكون مليون نهار

يحمى قلوبنا م العذاب والإنهيار

ويكون فنار .. قايد فى رحلات البشر

يحلف على الدين اللى خدنا ينتشر

نور النبىِّ ————— إبراهيم رضوان
ويكون ملاذ لاجل الغريب

إشفع لقلبى يا حبيب ..

وازرع فى روحى "قرنفله"

خلى عشانى كل الموج حبيب ..

وازرع على نخله فى الخلا

واحمينى من غل الشيطان .. بالبسملة

وازرعنى نجمه فى العلا

علشان تضلل ع اللى ساجد من زمن

يا رسولنا يا أغلى وطن ..

جوه القلوب المؤمنه

جوايا قنديل المنى ..

لما قرئت الآيه .. وقرئت الحديث

شفتك معايا فى السجود .. أحلى جليس

وونيس لقلبى .. ان طال عليه ليل الجوى

واحنا سوا ..

حاسس كأنى جناح بيلمس فى السحاب

تفتحلى باب المعرفه

نور النبىِّ ————— إبراهيم رضوان
يا مصطفى .. والنور يبان
والشوك فى لحظة حب ..
يتحول يا طه سيسبان
والكون يقيد
يا فرحة الآيه اللى جوه الإيد ..
بعيد مليون شמוש
ما اقدرش ادوس ع الحق لحظه ..
لأنى حافض كلمتك
ماشى يا طه سكتك
سامع فى صوتك ليل نهار .. رغم الزحام
الله على أحلى الكلام
الله على أغلى الكلام اللى انكتب
إسمك فى آلاف الكتب
بينور الدرب العتيق
إهدينى فى بداية الطريق
واشفعلى فى نهاية الطريق
واسترها ويا التائبين

نور النبىِّ ————— إبراهيم رضوان
العائدين من ليل شحيح
طبّط على القلب الجريح
واعطى لكل حزين أمل
وأمان وبیت
ودعت كل الناس وجیت ..
سلمت إيدك دفتی
ووقفت جنبك أبني بیت ..
وارسم هواك على كفتی
يا طه .. يا سكة نجا
ع السكه أتتهجأك أمانی مبهجه
وارسم هواك ع القلب ..
جوه الروح .. فى قلب الأنسجه
الدنيا لو هاتجيب عشائى الشوك جبال
قلبی هايرسم ليك يا طه بنفسجه
ما انت طريقى المرتجى .. وانت الأمان
وانت الحنان يا رسولنا ..
بان .. جوه المكان

نور النبىِّ ————— إبراهيم رضوان
وانت آيات قرآن بتهدى فى القلوب الطيبه
وانتى الأمانى قريبه
يا محقق الحلم الرقيق
لو شفت قلبى ع الطريق ..
تايه .. لابد ترجعه
أيوه عيونى دمعو
ساعة دخولى ع المقام
مالقيتش أى كلام أقوله ..
فى الدخول على حضرتك
وسمعت يومها همستك لى ..
بلاش ترجع ورا
وكون الليالى منوره ..
للى ما زال فى ضلام غبى
أيوه هداية الكل هى مطلبى
أنا قلت للروح اكتبى ..
مليون ديوان عن همستك
طلعت على شمسك

نور النبىؑ
وخذتنى لجبال الدفا

حسيت معاك يا مصطفى ..

بالراحه .. نزلت دمعتين

آه يا أمين .. آه يا رسول

علمتنا معنى الأصول

وازاى نكون قد الوصول

يا كل فرحى .. ونور منايا .. وبهجتى

وتضمنى السكه الطويله ..

أنادى لىك من مهجتى

وأشوف عنىك فى سكتى .. قايدہ السما

الدنيا بىك ..

يا رسول حياتى ودنيتى ..

متبسّمه

والفجر خارج .. سارج الشعله الحلال

إطلع معايا ع الجبال ..

واسمعنى لو طال السكوت

الروح عشانك يا حبيبى طريق رقيق

نور النبىؑ
فى كل خطوه .. فرع توت
يا نهر جوه الدنيا ..

قلبى عشان عنيك أصبح شطوط
عايز أفوت م الذنب واوصل لىك شراع
للكل .. لو حاسس ضياع
أندم بقلبى ع اللى ضاع من غير هداك
من غير ضياك يا رسولنا ..

فى ليله دروبها محزنه
يا اللى انت فى الواقع أنا
أنا لسه ماشى ع الدروب الضيقه
والمشنقه .. للعاصى باينه فى كل حين
باعشق مقامك يا أمين مهما حصل
آجى إىك من غير كسل عشان أنول
أفضل فى حضنك يا رسول

وارجع واعود من تانى لاجل اشتقت لىك
الله على نظرة عنيك .. لى فى لحظات اللقا
نظرة عنيه لىك يا طه يا حبيب متشوقه

نور النبىِّ ————— إبراهيم رضوان

أيوه ما زالت لسه بتدور كتير عن خلها

روحنا المدينه .. فى ضلها ..

خدنا الهوى من غير شعور

لا راحه تاتيه مثلها ..

ولا زهرنا .. زيّه زهور

وانا ماشى فى قلب الزحام ..

الإيد تنام فى حضن إيد

الغنوه بيننا .. بدون كلام ..

والحزن جايب بعده عيد

ونعيد حديثك ..

بعد آيه تهز فى جدار الجبل

القلب يملاه الأمل ..

يفرح بنورك يا طبيب

الله عليك أجمل حبيب فى دنيتى

واضح يا طه فى نظرتى ..

داخل كلامى لو أقول

ما انت الرسول المقتدى والمفتدى ..

نور النبىؐ ————— إبراهيم رضوان
وانت الأصول

وانت الوصول يا حبيبى لشطوط الأمل
جرحى اندمل .. ساعة لقاك جرحى اندمل
قبل الزيارة همست لىك .. إيه العمل
وصلتنى دعوة حضرتك
لبيت وجيت أفرح معاك
أشرب مع زمزم ضياك
واسهر فى ساحه منوره للعاشقين
ألمح فى طيفك يا أمين
بىبارك الزوار .. ويشفى القلقانين
فضل الإله جواك مبین
يا سيد لكل العالمين
لحظة وداعك لحظه صعبه ..
ع اللى كانوا مشتاقين
وما زالوا لسه مشتاقين
وتمر يا طه السنين
حبك بىكبر فى القلوب المؤمنه

نور النبىِّ ————— إبراهيم رضوان

يا نسمة طاهره حنينه ..

دافيه بتلمس فى الوجوه

يا هدايه لو جارك يتوه ..

فى ألف سكه مضلمه

قربتنا يا طه من عرش السما

خليت نفوسنا للحياه متبسمة

فوزنا بكل الأوسمه

واحنا معاك مهما يكون

أيوه الهوى .. كحل العيون ..

كان كل يوم يوصل لنا

عمره ما خان .. ولا يوم يخون ..

لو حتى إيه يحصل لنا

طول ما الإله الباقي واقف جنبنا

طول ما الرسول الهادى نور فى قلبنا

والبدر خارج م الليالى المظلمه

حطيت عنيه فى السما

وحلفت ع القرآن لا اكون ..

نور النبىؐ ————— إبراهيم رضوان
مخلص لكل الكائنات

أرفض بروحى فى السكات .. مهما جرى
وأعيش فى ضل الآيه .. فى ضل الحديث
يبقى القمر لى ونيس .. لو فيه ضلام
أفشى السلام .. بين العباد .. أفشى السلام
وأرفض بروحى فى الحرام لو هو إيه
ولا اقول فى يوم أبدا دا مين .. أو حتى ليه
آه يا رسول المعجزات الواضحه فيه
سلمنا لله الأمور

ورسمنا فوق الغيمه نخله حنينه
تعطى البلح .. لقلوب شريفه مؤمنه
وهجرنا ضعف الروح ودوسنا ذلنا
الليل .. " كمان " .. عازف لنا ..
نازف نشيدنا للزحام
شاييل معانا حملنا ..

خلى كلامنا .. يكون كلام
يا طه .. والأيام تفوت .. مالهش عدد

نور النبىؑ ————— إبراهيم رضوان
ومفیش سواک .. للقلب لو محتاج سند
أسبق خطایا فى الرجوع
وأدارى شلال الدموع .. یا دنیتى
ولا حد یمشى سکتى ..
غیرک یا أغلى م الوجود
یا اللی هواک مالهوش حدود
یا ضیؑ باین فى السجود
ماشى وكل الكون وراک مهما تروح
والروح فى نص السکه بیک متعلقه
یا أصل أصل الشقشقه جوه الحياه
یا هدیہ من عند الإله
لاجل الولایا المتعبه
فى البحر .. ضاعت مركبه
من غیر شراع ینده لها
من غیر دلیل .. ینده علیها فى السفر
من غیر قمر یضحک لها .. ویقول لها ..
إن الرسول هو النجاه

نور النبىِّ ————— إبراهيم رضوان
هو الهدايه والعنايه والرعايه م الإله
هو اللى قاد لنا نجوم الغزه .. وهلال الدخول
هو الرسول الباقيه سيرته للأبد
هو السند لو فيه هموم جوه القلوب
هو اللى بيدارى العيوب عن أرضنا
طولنا وحتى عرضنا
ومانا فى الرحله اللى طالت ع الجميع
نظره تخلص الدنيا خضره يا شفيع
يا اللى الخريف أصبح ربيع فى لمستك
طلعت علينا شمسك
حسينا يومها بالدفاء
جينا إليك يا مصطفى
شفنا المدينه منوره من نور عنيك
والكل واقف بين إيديك
فرحان بيشبع من ضياك
يا رسولنا ..
وانت بعيد بكون وياك هناك

نور النبىِّ ————— إبراهيم رضوان
ألمح فى ضىِّ عنيك ملاك .. أقعد معاه
عينى على القلب اللى تاه فى غُرْبته
ترجعه .. ترجع سكته
تعزفله .. تسمع غنوته جوه الحياه
الله على البدر الرقيق ..
لو جانا جوه الليل ضياه
على قلب نور مولاه .. ناداه فوق الطريق
واختاره لينا واصطفاه
خله يكون نبع الحياه
والنهر صافى والشطوط ..
حاضنه الولاد الأبريا
طه يا سيد الأنبياء والمرسلين
إنت الأمين والبانى دايم فى الديار
انت الفنار فى الضلمه قايد للصغار
وانت النهار اللى ابتدى يصبح نهار
وانت اللى ثار .. على كل أصنام العدم
حطيت قدم .. جنب القدم

نور النبىؑ ————— إبراهيم رضوان
وهمست ليهم يا رسولنا ..

سمحت ليهم بالدخول

حتى فى حربك يا رسول ..

الحق كان بسيوف أصول

رغم الشقا .. رغم التعب

وياك يا روح القلب ما اعرفش الغضب

هم الكيان .. راح وانتهى .. والخوف نضب

لما هواك الصافى نادى بصوت دهب

لبيت أنا .. يا طه من قبل النداء

وغزلت لاجلك توب فدا .. دوست الظنون

الله على بلبل هوانا ع الغصون

يا اللى انت فى ضىّ العيون

حبك قمر ..

فاير ليلاى على جسورنا بصهله

والقلب فارس ..

نفسه يرمح بيك فى أركان الخلا

إت محبه وفلسفه .. قايده دفا .. جوه الكتب

نور النبىِّ ————— إبراهيم رضوان
" فِطْنَه " فى قلب النظره .. قايده بالأدب
واما الغريب يطمع .. تكون شلال لهب
قلبى صبحك يا حبيب .. الروح ..
فطار طاهر رقيق
آه يا نجوم مالىه الطريق .. بطوفان بريق
عمرى ما اخاف ..
طول ما الإيمان .. هو الصديق
ولا يوم هازل النفس للريح العتيّه ..
مهما كان
قرآن بيحمى الروح ..
من الهم الدفين
الله عليك إنسان أمين
لابس فى شال الحب .. رافع فى الجبين
شلال من الحب الحلال اللى ابتدى
يصبح على الأزهار ندى
يبعت ندا .. للعابدين العاشقين
الراكعين الساجدين

نور النبىِّ ————— إبراهيم رضوان
واللى ابتدوا المشوار معاك يا حبا

يا دقه جوه قلبنا

بتقول لنا

إن انت قنديل المحبه والفدا

وان انت هازم فى العدا

وان انت قنديل المكان

يا إيمان يا فارس فى الميدان

العزم فى موجنا ابتدى

أنا نفسى أشبع م الحنان ..

وارسم على المدنه ندى

فسبحت فى بحر الصلا

وهمست ليك

أفديك بروحى يا رسول المعجزات

واسبح فى بحرك .. أنسى كل السيئات

واناديك فى نص الليل .. تجينى يا حبيب

بالدعوه تتحول طيب

وتأخذنى من إيدى اليمين

نور النبىؑ ————— إبراهيم رضوان
أدخل بروحى ع البراح
حب الجميع .. هوا السلاح
ييجى الصباح .. بعد الصباح .. وانت الصفا
وانت الشفيؑ المصطفى
وانت الدفا .. جوه الجليد
جايب جديد دايماً لروحنا المخلصه
طافى من الروح الأسا
وحبيب لكل الكائنات
قلبك أمل .. روحك ثبات
والخطوه فوق كل الدروب الطاهره ..
نجمه منوره
ولا نمشى يوم أبدا ورا
ولا يوم نتوه
نمشى ونور الحق واضح فى الوجوه
والخطوه طاهره فوق طريق الأمنيات
يا رسول لكل المعجزات
قلبى خلاص ارتاح معاك مهما يكون

نور النبىؐ ————— إبراهيم رضوان
لا هموم ولا حتى ظنون
ولا كلمه غامقه فى العيون السهرانيين
يا نسمة فى قلوب الصحاب العاشقين
المفتونين برسالة الحق المبين
طه الأمين
المرتاحين .. بآيات بتهدى فى العباد
أيوه سهر .. دا مش سهاد
ولا كان سوا سهره مع القرآن ..
وسهره مع الحديث
قمر الوجود أصبح جليس
أصبح شعاع فوانيس بتضوى فى الوجود
يا حب صافى بدون حدود
يا نخله بتبوس الخلا
قلبى ركب .. مركب معاك ..
رايح على أجمل مقام
شايك .. يا هادى أمين هناك ..
يا اللى انت أكبر م الكلام

نور النبىِّ ————— إبراهيم رضوان
واهمس إليك الفجر .. واهمس فى الغروب
نصحى على دقة قلوب .. فوق الدروب
نضحك لأطفال الجبل ..
نوهب عنهم لون ذهب
قلبى اغترب .. أيام زمان ..
لكن هواك يا مصطفى
عرفنى فىن ألقاك هناك
بصيت من الشباك .. لقيتك يا حبيبى قرنقله
ولقيت عنيك .. نخله بتضحك للخلا
ولقيت لقاك .. بتخلى قلبى زلزله
أدخل مقامك بابتهاال ..
زهرة كاكاو .. و .. قرنقله
وياك .. وجوه هواك أحل المسأله
وافهم زوايا المشكله
أيوه نجحت معاك فى أعظم إمتحان
وظلعت بيبك فايز .. يا شلال الحنان
الله على صوت الأذان .. لو كان إيمان

نور النبىِّ ————— إبراهيم رضوان
طه نجاه .. ونعم ..

وندهة حب دافيه منغمه

نجمة أمانى وحب .. جوه عنيه

بتوصل بين قلوبنا والسما

إنت (نماء) بالفصحى .. بلغتنا (نما)

يا بو النجوم .. فوق المقام متبسمه

جانى زمانى وجاب عشائى إسوره

عشان تخلقى الليله بالحب الحلال متنسمه

خدنا جميع الأوسمه

وصبحنا فوق كل العباد

بالحب والقرآن صبحنا زاد أصيل

وصبحنا جوه الليل نجوم مالهاش عدد

المصطفى سيد الرسل .. أصبح سند

ولبسنا توب الصبر توب الإحتمال

القلب مال للكعبه ..

والروضه الشريفه والزحام

بدأ الكلام ..

نور النبىِّ ————— إبراهيم رضوان
يفضل فى ذكر الله .. وذكر المصطفى
التج فى الشهر الحرام .. أصبح دفا
والناس يا طه ماشيه فى حالة وفاق
ريحة مقامك سندسيه يا رسول
والدمع فوق السور سيول
وعيون جميع الناس ..
فى حالة لهفه .. حالة انتظار
وكان صورتك م المقام
هاتبان يا هادى يا بشير
لو حتى كان الليل مطر ..
بنحس بمظلة إيمان بتضمنا
وسحابه تانيه يا طه شايله همنا
عملت مظله على الجميع
عاشقين حروفك يا شفيح
مع إن كل العمر قرب ينجرف
آه يا رسول .. إنت السحاب .. وانت الشرف
قلبي ارتجف م الريح .. ونور عيني انطرف

نور النبىِّ ————— إبراهيم رضوان
الحزن جف صحيح لكنه ما زال يا غالى " داخلى "
أدى الطريق .. يا عيون جميله كملى
آه أجلى .. وقت الرجوع ..
يمكن ألامى تتنسى
يا عيون جميله اتحملى
ولا لى غيرك فى الحياه يا دنيتى
تدبل مزاهر سكتى .. تصبح نخيل
وكلام جميل .. بيرد روحى .. يكون قمر
يا حامينى من ليل الخطر .. أرجوك تعود
لسه الطريق .. مليان سدود
لسه الجنائين يا رسول الحب ..
محتاجه ورود
لسه السجود .. لينا خلاص من كل شئ
لسه الغريق بينا دى ليك فى كل حين
وانت يا شمس العابدين المغرمين
واقف على الجبل العتيق
فى نص ميت مليون صديق

نور النبىؐ ————— إبراهيم رضوان

بتقول بأن الله هدانا على الطريق

وان الفرج قرب خلاص من أرضنا

وان احنا لازم نحمل دارنا وعرضنا

وان الجهاد فى الله قانوننا وفرضنا

وان الجميع .. لازم يكونوا قلب واحد ..

فى الدخول لو فيه خطر

واللى انشطر نصين لا يمكن يوم يعود

علمتنا .. إزاي هاندعى فى السجود ..

دعوه شريفه عفيفه توصل للسما

نصبح نجوم متبسمة .. لاجل العباد

ييجى الميلاد ..

يلقانا فى حالة تجلى معاك ..

يا سيد المرسلين

يلقانا حافضين العهود

آدى ظواهر طلعتك .. بانى على كل الوجود

جمعنا فوق شجر الحياه .. أشرف عهود

وشافتنا كل الدنيا .. غنوه (مزهزه)

نور النبىؐ ————— إبراهيم رضوان
قنايتنا باست يا رسولنا وزها
واتحركت .. لما رأَت نظرة عنيك .. كل الطيور ..
جوه السحابه الساكنه
والحب كان بيننا عشان الناس هنا ..
لحظة سعادته ممكنه
لا ذل بان ولا مسكنه
يا اللى انت لى نشيد يداوى بيت قديم
بيداوى كل الدنيا م الجرح الأليم
خلى الحياه .. تصبح خدود متبسمة
خلى القمر .. من تانى يُحضن فى السما
علشان قلوبنا الحالمه
علشان نقول فى المحكمه
إن القلوب ..
محتاجه لسه للشفاعه من محمد ..
لاجل ننجى م الأذى
إلا إذا ..
كانت ذنوبنا جبال جبال فوق بعضها

نور النبىؑ ————— إبراهيم رضوان
زورنا الخطيئه فى أرضها

والتوبه كانت باب .. دخلنا فى حماه

تاب الإله يا طه .. ع القلب اللى كان ناوى يتوب

الرب كان شايف وعالم بالقلوب

والكل كان بيدور معاك يا شمسنا

الحب قدام المقام .. يا رسولنا كان بيمسنا

ويحسننا .. لو رعشه باتت فى الحسد

الكل بين مليون شيطان ..

يا حبيبى أيوه بيترصّد

ونبص لىك جوه المقام

نلقاك كلام أخضر رقيق

وزهور إلهى على الطريق

وطيور بتصحى الفجر تبدأ فى الأذان

وجيران بتسأل بعض .. لو يحتاجوا شئ

وقلوب سعيدة بعد ضيق

مش حاسه لحظه بالوجل

قلبى لمون .. فوق الغصون .. داس الخجل

نور النبىِّ ————— إبراهيم رضوان
مدِّ الإيدين .. يا قمر حنين ..

واقطف نجومك بالعجل

لون اللمون .. لون الصفا .. لون الأمل

لو كنت ناوى تروح بعيد .. إيه العمل

وياك شطوط الحب عند الكعبة ..

سيب الموج يفيض

ويزيد فى بيت العز ..

جيش الوز .. وبحور السمك

يا هلال عشان المؤمنين .. قلبى انشبك

بهواك .. لظمت القلب ..

بالشوق اللى أصبح كالذهب

مديت إيديه يا طه .. وسقيت العنب

وقريت معاك يا رسولنا

أول صفحه فى كتاب الشُّهب

آه يا دوا ..

لاجل الولاد الضعفانين جوه الصفوف

يا " لمضة " .. الحب الحلال ..

نور النبىِّ ————— إبراهيم رضوان
لاجل اللى تاهوا فى الكهوف
يا لحن شوق مليون أمل .. مليون حنين
جوه قلوب .. مليانه خوف
يا صفوف على السكه الحلال
بتنادى ربك باشتياق
فارقتنا .. ومفيش فراق
رغم ابتعاد الأمكنه
رغم السنه .. بتفوت علينا بميت سنه
ما زلت عايش فى القلوب اللى ابتدت ..
تتعب فى مشوار الحياه
ما زلت قنديل الإله اللى بعت نورك ..
هدايه للبشر
ما زلت جوه الليل قمر ..
حواليه نجوم متحده
ما زلت قاهر فى العدا ..
ويا اللى كرهوا دعوتك
يا اللى انت عارف سكتك ..

نور النبىِّ ————— إبراهيم رضوان
بالسنتى لاجل الله أمر

ظهر القمر .. شافك على الطرقات قمر

سابك تنور دنيا لسه مزيفه

آه يا حبيبى يا نور عيونى المصطفى

إمتى يزول الحقد بين الناس ..

تموت نار الجفا

إمتى يكون الخير .. ما بين الناس هنا ..

أعظم نبأ

أنا قلبى كان مليان عطش .. مليان ظمأ

دخل السبق ..

علشان عيونك يا رسول .. فاز فى السبق

قلبى معاك يا طه .. ضد الشك ..

ضد الظن .. ضد الكذب .. ضد المسكنه

أرجوك بلاش ..

يبقى لقانا الدافى عند المنحنى

أرجوك قابلى عند أشجار النبق

أدخل مقامك يا حبيب ..

نور النبىِّ ————— إبراهيم رضوان
قبل الليالى ما تنسرق

إنت ظهور البدر .. ليلة القدر .. فى كل السما
ياما ظهرت معاك كثير .. وعنيّه بيك متبسمه
علشان ظروفنا حنينه

وتفوت سنه .. بعد السنه .. بعد السنه
تصبح حكايتى معاك يا روى مُعَلنه
تصبح مناطق حب ..

فى عيون الغريب : متحرمه
إسمع .. أنا .. روى بروحك مغرمه
قلبك سما عن كل شئ .. قلبك سما
وضياك فى كل مكان هنا
حتى فى كل مكان هناك
كثروا مساجد ربنا ..

فى المسجد الواحد كذا مليون ملاك
يظهر سناك للماشى حاير فى الدروب
فجأه يدوب فى نظرتك
يشرب حنان من قلّتك

نور النبىؐ ————— إبراهيم رضوان
يسجد لرب الكون فى لحظه ع الحسا

كل الآيات

تطعن فى كل اللى عصا .. أو كان كفور

الرب كان وياك لكل الناس غفور

يا طه .. يا بحر الإيمان اللى فضل ..

يسقى العباد من غير حدود

يا إسم خالد فى الركوع أو فى السجود

واقف ما بيننا فى الصلا

كان بين شفايفك سورہ

تبدأ يا حبيبى ببسمه

خذت الصحابه للعلا .. بين النجوم

وظفيت من الروح الهموم

وصبحت شمس المبتدى ع العالمين

صادق أمين .. فى طلعتك

مخلص يا طه فى كلمتك

ماشى لرب الكون يا طه إن دعا

إنت يا بدر الحب نسمة على الجهات الأربعة

نور النبىؑ ————— إبراهيم رضوان
كل الجهات

فيها الطيور ساكنه فى عش المعجزات
إنت حديث .. فيه الحروف .. خضره .. رقيقه .. مخلصه
صبح ومسا .. يا طه شايف ملمحك
كاتب أنا .. جوه العيون : باستسمحك
أصبح عشان قلبى سند .. يا نور هلالنا المنتظر
تصبح قبول .. لو قلبى حاول يعتذر
حبك فى قلبى كهرمانى الحرف .. فاير بالحديث
فيه البصيص .. كائن شريف جوه المكان
والليل هلال ..

ع السكه ماشى ف إيده طفل بيبتسم
كعكة محبه بتتقسم ..
يا طه بين كل البشر

مليون قمر .. فى وقت واحد يظهروا
يا طه حتى نجوم حياتنا بيكبروا
وصحابنا لسه بيسهروا
وياك يا طه فى كل حته بدون حدود

نور النبىِّ ————— إبراهيم رضوان
هديت سدود الظلم ..

بالآيه اللى هزت فى الجبال

دوست المحال بأدان بلال

وبكل آيه حب ردها فؤادك تانى

بين الناس بشوق

إنت يا طه فى الوريد .. جوه العروق

وياخدنا ليك الشوق .. نبوس باب المقام

ونبوس فى شباك الحنين الأحمدي

الكسوه .. كسوه سرمدى ..

لون السما وقت الخروج من ذنبنا

وانت ما زلت فى قلبنا ..

واحة محبه حنينه

وياك قلوبنا المؤمنه .. حارسه خطاك

ماشيه معاك .. من غير ما تسأل ليه وفين

ماشيه فى ضل العاشقين ..

لك يا رسول كل الجموع

واقفين أمامك فى خشوع

نور النبىؑ ————— إبراهيم رضوان
حافضين كلامك فى خضوع

حاضنين مقامك بالدموع الى ابتدت ..

تصبح محيط

يحمينا من موج الخطر

يا رسول .. وهب ليك الإله دون البشر

حُسن الحديث .. لون النسيم .. صوت القمر

آه يا ورود ..

فوق الخدود المستحيّ م الهوى

واحناسوا .. بالأمنيات .. والذكريات

بنكون على جبل الأمانى الطاهره .. ضحكه تنوره

إوعى تخلى الصمت للحرف المكابر يبذره ..

جوه العواصف ..

حتى حلمك يا رسولنا هافسره

يا رسول .. وقفت هناك .. عشان أستنظرك

عاين سنين الرحمة .. زى العاده لى تعطرك

أيوه وعدتك اكون معاك طول الطريق

أشرف صديق .. رغم الرياح المرعبه

نور النبىِّ ————— إبراهيم رضوان
والذكریات المتعبه

توصل فى عز الليل تصالح قلبى
تحمى حياتى من جسر الخطر
وأبوس عنيك .. لو كنت ناوى ع السفر
يا اللى انت حامى قلوبنا من غدر الشرر
وواخذنى واحه منوره ..
بنجوم حنانك يا رسول
وقفت يمامه ع السهول ..
علشان تصلى عليك وتذكر ربنا
فلقينا قمرك جنبنا
بيقول لنا .. إن الطريق ..
مليان وعوره وانكسار
وان الحصار .. من شلة الكفار بدأ
وان النبق .. موجود على كل الشجر ..
اللى ابتدى يصبح إمام
آه يا سلام القلب ..
فى لحظة دخول الشرنقه

نور النبىؑ ————— إبراهيم رضوان
آه يا شمس التقوى ..

فى ساعة وصول الشقشقه

الكل كان سامع فى صوتك يا رسول

وانت بتهمس للقريب .. ما تعود بقى

وتنادى للرحمن لحد ما يستجيب

الله رءوف .. الله مجيب

وانت يا رمانة الميزان بين البشر

أصبحت للعالم طبيب .. وبقيت مثل

قدوه بتتحدى الكسل فوق الجسور

إنسان جسور فى دخلته ع الكافرين

وبحور شطوطها رقرقه

أنا روحى بىك متشوقه .. متعلقه

يا حامينى بالسكه الرقيقه م الشقا

إفتح بقى للنسمه تدخل من جديد

ترعش ببياننا الضيقه

يا اللى مفيش زيك مثيل جوه الوجود

الحب لو محدود .. بيشبه شررقه

نور النبىؐ ————— إبراهيم رضوان
آجى إليك مهما جرى .. مهما يكون
وأدوس على كل الظنون .. وارجع إليك
أسبح بشوق .. جوه المقام .. واستنظرك
وتقوللى إوعى أى شئ .. عن يوم زيارتى يأخرك
والليل يجينى .. ألاقى فجرك جاى معاه
أهمس واقول الله على السحر الحلال
العاشق المخلص بيقدر ع الجبال
يقدر يحقق فى الأمال .. رغم المحال
يقدر يخلى الليل ضيا
إنت إمام الأنبيا .. والخاتم الهادى البشير
وانت المجير يا حبيبى من بعد الإله
وانت الشعاع الدافى ..
من أجل اليتامى والولاد
وانت الميلاد ..
فى مرحله كانت مهمه للحياه
وانت رسول الله ..
وصلت لروحنا من قبل الميعاد

نور النبىؑ ————— إبراهيم رضوان
جايب معاك الزاد .. آيات وحروف حديث
جبريل صبح يا حبيبى ليك أعظم جليس
ورجعت تطلب من خديجه تزمك
وتقول يا طه فى رجعتك .. ما أجملك
ما أكملك .. والوحى كان راجع معاك
والليل بيستناك مع عشاق سناك
فى كل ليله البدر يتهجد ضياك .. ويفسرك
ولا أى حاجه فى الوجود هاتأخرك
يا صاحب الفضل العظيم على قلبنا
موجود فى مشرقنا الحبيب مع غربنا
واحنا معاك يا هادى فوق كل الطرق
جبريل بيمشى جنبنا
ويكون عشان روحنا مدد
الشوق نجوم فى عنيك .. يا طه بدون عدد
وبدون ضلام الشوق نظام
دخل الغرام فى القلب .. خلى الليل ينام
يا رسول ندهت عليك .. وجوه الروح حنين

نور النبىِّ ————— إبراهيم رضوان
إنت سمعت فى ندهتى

وسألت .. إنت يا غالى فىن

أنا وانت متعهدين نصلى كلما ..

ظهرت صحابه فى السما .. أو كلما ..

دق الهوى فوق بابنا .. باس حتى الهدوم

مليون نعم يا نجوم آمال

أنا لسه ماشى فى ليل محال

أنده واقول

دفينى يا هلال المنى

لو يوم يجينا الإرتحال

وخدينى جنبك .. ضمدينى يا نجوم

خلينى أهجر فى الهموم .. يا جبال حلال

خلى الآمال .. تبقى حقيقه مؤكده

واحنا هناك

حضنت دموع المغفره

شباك مقامنا الأحمدى

أنفاس حبيبنا معطره

نور النبىِّ ————— إبراهيم رضوان
روحنا .. فى لحظه سرمدى
آه يا شفيعنا بين زحام ..
مليان سخونه مؤلمه
تاه الكلام .. فى الإلتحام
والأرض طالت فى السما
كتاكيت وكانت يوم نعام
ومفیش شهود فى المحكمه
آه يا نفوس متشرفه
إزای فى ضله هاتسجدى
وازای هایرتاح الجسد .. قدام ببيان متفتحین
للجنه بان فى الروح حنین
بس الذنوب .. طول الجبل
بالهادى لسه فيه أمل
ولا یأس جوه الروح ظهر
ومفیش سوا الخوف الرهیب اللى ابتدى
یرعش فى أجساد اللى كتروا فى الطابور
شایل ذنوب .. لكنى عمرى ما قلت زور

نور النبىِّ ————— إبراهيم رضوان

شایل ذنوب .. بس انت يا رب العباد

رحمن .. رءوف .. قادر .. غفور

أسند على سور المقام ..

بس الزحام بيرجنى

ويهزنى بدراع دفا

إنت حبيبي يا مصطفى

ومقامك الصافى الحبيب .. مليون دفا

والشوك من الروح اختفى

وصبحنا نسمة طيبة

وكأنا .. عودنا لأيام الصبا

والحب أصبح لنا بيت

لما ظهر .. قمرك فى ليلى .. إنتشيت

غنيت عشاتك غنوه ..

غير كل الأغانى الصاخبه

لا النور " خبا "

ولا ضلمه جوه الزحمه داست ع القدم

سيبنا بقى يا طه من سكك العدم

نور النبىؐ ————— إبراهيم رضوان
هابداً معاك الرحله فوق شط النغم
لو انادى ليك .. بترد يا طه نعم
حبك .. عشم فى الله ..
عمار فى الدار .. غُلا
نخله بتعطى بلحها لولاد الخلا
عُقدَه لابد نحلها .. يا طه بحروف الهدوء
حبك عجين وعمار .. وعيش وعبير شروق
إعطى نجوم النور لعابر ع السبيل
يا عين يا ليل ..
عيب الطريق هايزول ونرضى بالقليل
ومفیش بخيل .. بيننا هنا .. ومفیش عويل
ومفیش معانا غير دقيق للمحتاجين
وهدوم جديده يا طه .. فى جيوبها حنين
للعريانيين فوق الدروب
إشفعلى يا محبوب ..
وخلى الجنه تفتح لىّ باب .. مليون قبول
وتقوللى .. دى بركة رسول المعجزات ..

نور النبىؑ ————— ابراهيم رضوان
أعظم رسول

وشفاعته مش ممكن تزول .. مهما جرى

الله يا رب المغفرة .. والمقدرة

الله .. دخلنا المندره

ملمحنا عبد الله بيخطب فى الجموع

ويقول لهم

إن الرجوع .. عمره ما يصبح مستحيل

تنزل دموع القوم تبلل فى الجبل

لسه أمل عند العباد .. لسه أمل

الجرح بعد غياب طويل .. فجأه اندمل

ما فضلش للعبد القريب .. غير العمل

وشفاعه القلب الرقيق

ما زلت فوق مليون طريق .. تايه .. وحيد

ماشى وجوه الروح قلق ..

وصراخ على العمر اللى ضاع

الريح ما زالت لسه بتدوس الشراع

وما عادشى جوه العمر شئ

نور النبىؑ ————— إبراهيم رضوان
آه يا طريق .. مالهوش نهايه محدده

لسه النفوس متردده ..

رغم اللى بان من معجزات

لسه جيوش السيئات

واقفه مع الإبلّيس سند

طه .. يدوم الحب بيننا ..

سراج محبه للأبد

يصبح مدد لنا إذا .. داسنا الزمن

أيوه يا ريت تفضل وطن ..

حارس هوانا م الهوا

نفضل سوا .. مهما تدوس فوقنا الجراح

ييجى الصباح .. يلقانا لسه سهرانين

يبدر حنين فوق سطحنا .. يطرح سمك

وصل الحبيب .. فوق الكتاف شائل شبك

إنت يا قوت .. ؟ .. والله أغلى م الياقوت

ويفوت علينا الليل .. شديد الحيل .. يفوت

نهدم خيوط العنكبوت .. ونقول .. نعيد

نور النبىؑ ————— ابراهيم رضوان
وادی یامیش العید ظهر ..

یا حبیبی قبل ما یبتدی

والموج هدی .. الله على طعم النهار

ملعون طریق .. هایدوس على قلب الصغار

ملعون دمار .. بیدوس على قدم الجميع

وازای اُضیع ..

وانا جوه قلبی آیات بتتحدی الشیطان

وبدون شعور كان النداء يا طه ليك

بصیت عليك ..

ووقفت تحت العرش كائن آدمی

فيه الخطايا والنوايا الطيبه

باهمس لإبليسہ ..

لا بد فی يوم قريب تستسلمی

وتسلمی لى حبال المركبه

نصی ضعيف .. والنص تانى ضعيف قوى

والنص تالت .. لسه مش عايز يتوب

ما اقدرشى أكل نبقه .. إلا ما تستوى

نور النبىِّ ————— إبراهيم رضوان
أو تحتوى على دقه غير كل القلوب
آه يا أنا .. أرجوك بذنبك تنطوى
وتخلى روح القلب فى المولى تدوب
قومى يا نفس لكل مؤمن إخدمى
سيبك بقى .. من كل ناس الطبطبه
وارتاحى فى الدنيا العمار
كونى ديار للتائهين .. كونى فنار
واتعلمى معنى الأدب
سيبك من الصحراء .. وسيبك م الجذب
إيد الإله جوه الحياه هاتحددك
يا قلبى آه
لسه الليالى ورا الليالى ..
بألف حاجه بتوعدك
وبتسعدك .. لو كنت ناوى ع السفر
ودعنى قبل الليل ما ييجى ..
يدوس على جناح القمر
دا الناس وعود

نور النبىِّ ————— إبراهيم رضوان

إيه اللى خلى الوعد يهدم فى الرياح

واصل هوانا .. وكون صباح

فوق الدروب .. جوه البيوت

ما كفايه عمرى اللى انسرق ..

نفسى معاك أقدر أفوت

لسه الوجوه .. بصره على ..

دارينى من كل الوجوه

كون النجوم .. لو يوم أتوه

احمينى من موج الندامه والغرق

إمسح عرق فوق الجبين .. سيب العرق

أرجوك بلاش ..

أبدا فى ليله يا طه نقدر نفترق

دا العمر م الليل انسرق

والباقى فى الدنيا قليل

يا طه .. دوست المستحيل ..

برساله طاهره مقدسه

وصبحت أعظم مدرسه ..

نور النبىؑ ————— إبراهيم رضوان
مفتوحه لاجل العالمين

إنت الأمين .. وانت الرسول

وانت السيول فوق السطوح

يا (جو) دافى لكل روح ..

طالبه فى رحمة ربنا

يا نسمة ماشيه جنبنا .. صبح ومسا

لسه قلوبنا المخلصه ..

بيك يا رسول متعلقه

بتقول لها .. سيبك بقى

من أى شئ يلهيكى عن ذكر الإله

من أى حاجه مخجله

تلقى خلاصك فى الصلا

فى الصوم .. فى خطوات الزكاه

الله على المشتاق لظه ليل نهار

الله على ضوء الفئار لو ينجلى

الله على صبر المريض المبتلى

الله عليك يا طه .. لابس فى العبايه السندسى

نور النبىؐ ————— إبراهيم رضوان
بتقول لشمس الحب .. إوعى تنطفى
مهما أقول وأعيد ..
ومهما يضمنى جبل الصفا
م المستحيل .. ألقى فى قلب الناس دفا
يا هلال مضى ..
فوق الطريق شجرة وفا
واللى اختفى .. هو العتاب
وأدق فوق الباب ..
وتفتح لى يا طه الحبيب
يا كل حاجه باقيه عندى يا طه .. يا أعظم طبيب
تصفى .. ويصفى الجو .. وتزول الغيوم
باكتب قصيده كل يوم .. أوصف هواك
وافضل معاك يا رسولنا حتى ان عمرى راح
الله على الأرض البراح .. ساعة لقاك
الله على نسمة طريقنا السندسى
يا أرض طاهره .. للحبيب ..
أرجوكى لازم تُحرسى

نور النبىؐ ————— إبراهيم رضوان
وتهندسى ..

كل اللى باقى من مشاوير الهوى
أنا وانت يا طه سوا
مهما تطول بيننا المسافه فى الرياح
أغلى سلاح .. هو الإيمان
هو الحنان اللى انت ياما ..
زرعته فى كل الوجود
من غير حدود ..
كنت اللى ماشى معانا رحله متعبه
من غير سدود
دخلت بحورنا المركبه المطلقه ..
فى بحر الآيات
يا أصل أصل المعجزات ..
اللى احنا عيشنا ضيها
الدعوه دعوه عبقرية ..
مفيش دعاوى زيها
وانت يا سيدنا الهادى ..

نور النبىِّ ————— إبراهيم رضوان
هادى الدنيا بالدين الحنيف

قاسم ما بين الكل فى نص الرغيف
وفضلت فوق الشوك تضيف دايمًا جديد
وتقيد شמוש الشوق .. ونور المعرفه
عاشقك بروحى يا مصطفى
وما زلت باترجاك تكون لى الشفيح المنتظر
يا اللى انت أكبر م النظر
مع كل حاجه ممكنه
سيرتك فى كل الأمكنه
وما زال عدو الله بيجرح ملمحك
وعشان كده باستسمحك
أكتب حروف الحب عنك يا رسول
قلمى إيمان .. حرفى أصول
الله على أظهر قبول من حضرتك
الله على خطوة أمان فى سكتك
بكره الرياح تقوى
تبيد كل اللى خان العهد .. تانى .. ولا تذر

نور النبىؑ ————— إبراهيم رضوان
أيوه فارقت الناس ..

فى لحظة شوق .. وجيت

أرسم معاك البيت .. يكون ..

عش الغرام المنتظر

عمر الحذر .. يا حبيبى ما يمنع قدر

يا " عزيز " يا " عز " ..

يا " عقل " على عن النجوم

لازم يا طه نقوم .. ونملى الكون حياه

ندى القمر .. نوره .. ونن عنيه .. ضياه

نرسم حياتنا بالقلم .. والمسطره .. والمنقله

إنت عشان الناس علا

إنت غدير .. وغيار جديد

ونجوم على الجبل العتيق

شايك حنان .. وبحور إيمان

يا حبيبى فوق مليون طريق .. ويا الصديق

إوعى تسيب الريح تفرق شملنا

أيوه الأمل ويا الإيمان .. هو اللى خفف حملنا

نور النبىِّ ————— إبراهيم رضوان

هو الذى خفف دمه باتت ع الخدود

هو الذى وصل كل جاحد للسجود

هو الذى خلى الليل يطول ع المغرمين

يتهنوا بالهادى الأمين طول الحياه

هو الذى خلى العبد .. ينسى الهم فى قلب الصلاه

يسجد ليلاتى لئله .. ويقول نعم

يا طه .. جيت وياك نعم .. وحاجات كثير

والطير يشوفك يبتسم

يضحك .. يصلى عليك صلاه مالهش حدود

يا أصل أصل الجود .. يا قنديل الصفا والإرتياح

مفتاح معاك يا حبيبى يفتح كل باب

وتجمع الأحباب ليلاتى يسمعوا

ويدمعوا ويا الآيات .. ويا الحديث

الله على القرآن جليس

وونيس ببسند فى السفر

الآخره جايه لا مفر

والجنه والنار الرهيبه فى انتظار

نور النبىِّ ————— إبراهيم رضوان
جنه ونار .. وصراط .. وزحمة محكمه
وأيدى عاشت حاضنة فى سحب السما
ونهايه .. هى الجمجمه
الخير فى غيط النور نما
والشر فينا .. إنما ..
بندوسه بالقرآن معاه أحاديث صفا
ياخذ بإيدنا المصطفى
نوصل لجنة ربنا
نلقاك يا طه جنبنا
ونلاقى ضىّ الفجر بان
فايضه بحورى .. على شطوطك من زمان
فايره المياه .. فوق الجسور .. تحت البيبان
يا اللى انت كل الكون يا طه بما حوى
يا اللى انت للقلقان دوا
يا جميل وعالى ف مظهرك .. والمحتوى
إخلاص شريف .. واصل ما بين ..
قلبى وقلبك يا حياه

نور النبىِّ ————— إبراهيم رضوان
فات النسيم ع القلب .. خلى الروح صلاه
فاضله العواطف بيننا .. بحر بموج هدير
حتى الفقير فى الحب .. يملك خير كثير
حاسب يا قلب الدنيا ..

م " الفخ " الى نام جوه الحرير
يا فناره داست فى لىالى الحزن .. جابت لنا خير
الى أسرني حقيقى هى عنيك .. يا غالى بالضمير
واللى أسرني دعوتك

ما زلت ساجد يا حبيبى فى سكتك
وما زلت باترجى الشفاعة فى يوم رهيب
خائف وخوفى يا حبيب ..
باين فى ضىّ عنيه ..

قالق نومى فى الليل الطويل
الله عليك .. مرسل أصيل
وجميل يا طه فى ملمحك

الكفر ياما كان زمان بيجرحك
ولا سلحك .. إلا الآيات المرسله

نور النبىِّ ————— إبراهيم رضوان
إلا اجتماع الناس معاك جوه الخلا
خوفاً من الغول اللى واضح للعيون
عمر الظنون يا حبيبى ما قدرت فى يوم ..
ترجع بخطواتك ورا
كانت لىالى ممرره
لكنها أبدا ما قدرت ليله تاخذك للورا
ولا كنت غير إنسان شجاع
فارد دراع الحب .. للقلب اللى ناوى يسندك
أيوه إيمان الكل .. برسالتك يا طه بيسندك
وبيفرضك ع الكافرين
إنت الرءوف .. وانت الأمين
وانت اللى شيلت الآيه فوق كتفك جبال
وانت اللى دوست على الضلال
طالع بلال ع المدنه .. حى على النضال
يا طه حى على الميلاد
كل الدروب .. واخدانى ليك من غير ميعاد
من غير لا خوف .. ولا نار .. ولا .. ليل ابتعاد

نور النبىِّ ————— إبراهيم رضوان
باهواك يا نجم محبه عاد
شايلى حمولته شموع ميلاد
إيه راح يجيلنا م الفراق .. ومن البعاد
حرف الألف : الله ثبات
والغين : غروب للسيئات
والباقى لينا م الحروف بتقدسك
وتقول لكل الليل ..
يخلى نجومه تنزل تحرسك
وتونسك لو فيه قلق
سبحانه هو اللى خلق ..
ليك العزيمه والنوايا المخلصه
سبحانه من خلاك يا طه مدرسه
فى الحب والإخلاص لربك والنضال
سبحانه من خلى بلال ..
ينده على المدنه برغم جيوش ضلال مستنظره
الله يا نور قد أنذرا
كل اللى خان واللى عصا

نور النبىِّ ————— إبراهيم رضوان
يا طه .. يا قمر الوجود ..

يا بو العيون الناعسه
إطفئلى فى نار المراره .. بالحروف المخلصه
يا اللى انت كنت القوه ..

تتحمل خطاوى الرحله ع الجبل العنيد
ترسم عشاننا يا غالى عيد .. و تضمنا
ما حد غيرك فى الحياه هايهمنا

يا اللى باحبك ليل نهار .. صبح ومسا
وناديت عليك يا حبيبى فى عز الخروج
غرقنى موج الشك .. لكن جيت إليك

ورميت حمولتى بين إيديك
فجأه .. معاك وجهتى .. لله ..

لقيت الجنه لسه فى انتظار
ولقيت فنار الصدق قايد فى الطريق
كنت الصديق لى فى يوم ..

ما خاتنى كل الأصدقاء
كنت المحبه للأحبه والحنان والكبرياء

نور النبىؐ ————— إبراهيم رضوان
كنت الإباء ربانى من عند المجير
إنت الكبير .. وانت الرساله الطاهره ..
من نور الإله
جيت م الإله .. علشان تنور فى الدروب
الرب عالم يا حبيبى بالقلوب
وأدوب معاك يا طه فى بحر الحنين
وأقول أمين .. وانت الأمين
وانت اللى شايلى لسه مفتاح الحنين ..
للجنه يا أصل النوايا الطيبه
جابر قلوب متغربه .. تحت الجبل
وانت الأمل يا حبيبى للأمه اللى فاقت
بعد ما سمعت نداك
قامت وقالت لك نعم
والشمس صبحت مشرقه
الحب مش تعذيب ونار
الحب .. تمره ع النخيل
تأسيس حقيقى للديار

نور النبىِّ ————— إبراهيم رضوان

تعمير فى قلب طريق طويل

أرجوك بلاش كلمة "ترف"

لو كان "ترف" جوه الجفاف

إنت الضفاف .. وانت الشرف

وبتشكره .. على لقمه حاف

الله على فضل الإله

ع العبد لو لسه فقير

ربك يا طه للى عاز دايما مجير

وقدير على كل الأمور

لا نطقت أبدا حرف زور

ولا دقت لقمه حرام فى سكة رحلتك

حطيت صفات الحب داخل قللتك

فشربنا من عطفك بحور مالهاش عدد

كنت المدد لينا فى أوقات الجفاف

كنت اللحاف غطانا من مطر القلق

سبحانه من خلف المحبه .. فى النفوس المؤمنه

سبحانه .. من خلانى عمرى ما اقول أنا

نور النبىؑ ————— ابراهيم رضوان
وجعل حياتى يا طه ..

عامله حسابها دايمًا ع الممات

إنت نجوم فوق الشجر ..

عناقيد من الضىّ الشريف

حتى الثوانى ف بعدنا ..

فاتت كأن العمر فات

والذكريات .. صبحت نخيل فوق الرصيف

ورسمنا لاجل ولادنا .. نهر وقنطره

أرجوك بلاش .. نسمع حروف الثرثره

واحمينى من موت الورق ..

فوق الشجر .. جوه الخريف

يا نور عيونى .. يا عفيف

يا طه يا أصل الوجود

تسلم إيديك ..

ممدوده دايمًا للصحابه المخلصين

للمحتاجين حفة دقيق

للعطشانين تحت الطريق

نور النبىِّ ————— إبراهيم رضوان
ما انت الصديق لكل وانت النور مبين
شلال حنين لكل لو شح الحنين
ومناره باينه فى السفر
مليون قمر .. فوق الجسور الضيقه
منديل حنان .. للى عيونهم رقرقه
وسيوف بتبتر كل حاجه سيئه
وملاذ لكل اللى ابتدوا ..
يتر عشوا قدام الصنم
بتقول نعم للى ناداك .. بتقول نعم
يا بحور نعم وشطوط محبه للجميع
هانقول شفيع .. ؟
قولنا كتير على حضرتك
ومشينا جنبك سكتك
وشربنا من نهر المنى
وهمسنا للرحمن نعم
الله حياه .. الله كرم
كون يا رسولنا محيط كرم

نور النبىؐ ————— إبراهيم رضوان
واطفى من القلب العدم ..

كون الربيع .. للى انحرم
واللى ما زال يا طه عايش فى العدم
إدعيله يلقي مناه .. وراحته فى الصلاه
يا فضل من عند الإله ..

لعباد ما زالوا محتاجين
لقلوب ما زالت للمقام متشوقه
قول للبيان اللى انقتل فيها الشعاع ..
تفتح بقى

علشان دخولنا الصافى لله العظيم
آه يا حكيم الأمه .. يا أعظم حكيم
كنت الكريم .. وما زلت شايلى فى الجيوب
مليون رغيى لاجل الرفاق
يا طه طال الإشتياق

ومفيش فراق أبدا هاييجى عندنا
إحنا القلوب المؤمنه
العاشقه فيك يا حبيبى آلاف الحاجات

نور النبىِّ ————— إبراهيم رضوان
صلوات ورا صلوات ..

بنلقى الراحه فيها والثبات

يا اللى انت حامى قلوبنا من نار الشقا

دق الفؤاد .. إفتح بقى

كون المحبه للجميع

إرسم غصون للشقشقه

وزهور عشان ييجى الربيع

قلبى غزال .. سارح فى غابه بألف لون

شايف معاك ..

إنسان بيعزف ناى .. بيتحدى السكون

وهناك يا طه عون كتير بتبص لك

وغيطان عنب ..

وغناوى عايزه بأى شكل تحصلك

وتوصل القلب اللى حبك ..

تانى لشطوط النجاه

الله عليك يا رسولنا .. يا قمر الحياه

الله على كرم الإله .. لما طلبنا المستحيل

نور النبىِّ ————— إبراهيم رضوان
قادر يخلى الليل نهار مليان ضيا
قادر يخلى الأنبيا ..
فى رحلة الإسراء ..
يصلوا وراك جميعا فى ابتهاج
يا طه .. يا سكك الحلال ..
فى رحلة العمر اللى قرب ع الأفول
ما انت الرسول .. وانت الآيات .. وانت الأصول
وانت الحديث .. كان وحى من عند المغيـث
جبريل يا طه كان جليس فى غار حراء
جبريل شرح ليك الذنوب قبل الجزاء
يا اللى انت قلبك كبرياء فوق الدروب
هادى القلوب .. لو فيه قلوب
وفضلت طول عمرك ..
فى رحلة بحث عن كل الحقيقة ..
لحد ما آن الممات
وحماني حبك يا حبيبي من ملايين الحاجات
ومشيت يا أحلى الذكريات ..

نور النبىؑ ————— إبراهيم رضوان
من غير ما افكر فى الغنا

سمعتنى كل الآيات جوه المقام .. يا نجوم منى

وزرعت فى عيونى البريق

وصبحت جوه الروح صديق .. الله عليك

تسلم لكل الكون عنيك

تسلم إيديك دائما ..

بتهدى فى اللى تاهوا فى الضلام

مليون سلام م الروح إليك .. مليون سلام

يا اللى الكلام منك يا سيد الكل وحى ..

ونعمه من عند الرءوف

الناس معاك فى الرحله ..

كانوا صفوف صفوف

ولا خوف دخل فى قلبهم

كنت انت واقف جنبهم

بتبارك الشهداء ..

وتسقى حماس لجند الله .. عشان الدين يقوم

دايما تنادى بصوت جميل ..

نور النبىِّ ————— إبراهيم رضوان
يا حى يا قيوم ..

لابد فى يوم ندوس ع الكافرين

وهزمت فيهم يا أمين

دا بفضل مولاك اللى ساند خطوتك

وجمع قلوب الكل داخل سكتك

انت هناك .. وانت هنا

يا رسولنا لا أملك سواك

روحك يا طه .. حنينه

وانت بتشبه للملاك

وهناك معاك يا حبيبى ..

شوفنا الجنة باب مفتوح ..

عشان العبد يدخل قلبها

واقفه الملايكه جنبها

والكل فى حالة ترقب يا رسول

لو فيه أصول ..

يبقى الدخول يا طه سهل بدون كلام

يا أصل زهر الإبتسام فوق الشجر

نور النبىِّ ————— إبراهيم رضوان
يا ضوء قمر .. قايد فى روحنا ليل نهار
طالت ليالى الإنتظار
والروح ما زالت للمدينه القايدہ ..
بيك متشوقه
لازم هانوصل ليك فى يوم
لو حتى شمس الكون ما زالت مُحرقه
وهانبكى قدام المقام
ونصلى .. ويطول السلام ..
على أغلى خلق الله وأطهر من دعا
الكل لسه فى انتظار الآخره ..
عارف بأن الآخره أكبر معمه
ومفیش شفیع غيرك ..
وبعد الله مفیش أبدا مغیث
قلبك يا سيد الناس ثبات ..
رغم العواصف والمحن
أصبح طريقك كله نور ..
صبح ومسا .. رغم الشجن

نور النبىِّ ————— إبراهيم رضوان
قلبك حياه .. قلبك وطن

يقدر فى لحظه يا حبيبى يحتوى ..

كل المشاكل جوه روحى المرهقه والمتعبه

قلبك (ثراء) فى العاطقه ..

يا كلمه دافيه .. طيبه

يا اللى وهبت العمر لى بدون تمن

ووهبتنى .. جنة عدن

وجعلت قلبى يدق دايمًا للعباد

ويشيل همومهم كلهم

يجنى فى شوكرهم ..

بعد ما جفت أراضى فلهم

يزعل إذا .. ما حد بالإيد الحديدى ذلهم

ويقول لهم

إن الحياه مالهاش أمان .. مهما نعيش

وان اليمامة ناقصها ريش

يا جيش مرتب ..

داس على الكفار فى أول معركة

نور النبىؑ ————— إبراهيم رضوان
لسه ما بيننا يا طه ناس ..

صفره .. قلوبهم مشركه

وحاجات كتير ما تنحكى مهما يكون

لو لك صديق مخلص ..

لا بد فى يوم يخون

من بعد ما أخذك لأحضان السما

باصص أنا .. على كل " سنتى " ف دنيتك

باصص على شمس الفضيله

وهى بتبوس الضفاف

حتى القمر .. شايفه ملامحه ف نظرتك

يا اللى صبح قلبك سيوف ..

فى الكفر عمره فى يوم ما خاف

الضلمه لسه ع الطريق

تمن اللى خان .. فدان سراب

إنت الرفيق .. وانت الصديق

يا حروف محبه إنسانيه فى الكتاب .. الله عليك

الورد فاير بين إيديك .. ما أجملك

نور النبىِّ ————— إبراهيم رضوان
نور الإله بيكملك .. ويعلمك إزاي تكون
إنسان حنون .. ورسول صبور
أرجوك تدق يا قلبى فوق
باب المقام .. أصبح زهور
عمرك ما قلت كلام يا طه ينفرض
وتركت كل الإختيار .. للمشركين الأغبيا
الله عليك .. يا سيد لكل الأنبيا
يا ختام لكل المرسلين
من عند رب العالمين
يهدى الأراضى بآيه وياها الحديث
ويكون بصيص من ضوء .. صبح شلال ضيا
صوته فى كل الأبنيا
حقق عشاننا الأمنيه
وحمانا من شمس المغيب
حامل همومنا يا حبيب .. مهما تكون
بتصون قلوبنا لحد ما يبان الخلاص
حساس وشايل همنا

نور النبىِّ ————— إبراهيم رضوان
روحنا وابونا وأمنا

وآيات بتمشى على الأراضى الضيقه

توسع وتصبح شمس حب مشقشقه

ناويه لكل الناس تقيد يا مصطفى

حبك " وفا " .. قلبك " دفا " ..

ياشمستى المتبسمة

آدى الضباب .. راح واختفى ..

والبدر غنى فى السما

ونسينا أحزان الليالى المؤلمه

واتينا ليك يا هادى من كل اتجاه

فضل الإله .. وصلنا ليك ..

أفواج كموج البحر فى عيونهم دموع

وتفوت دقايق فى المقام .. يا طه ويحين الرجوع

نرجع ولسه الروح حنين مالهوش مثيل

إنت الجميل .. وانت الأصيل

وانت اللى باقى بعد رحمن الوجود

الحب فينا مالهوش حدود .. مهما جرى

نور النبىؐ ————— إبراهيم رضوان
وما زلت جوه المندره ..

سهران معانا بالحديث ويا الآيات
وما زلت سكة معجزات .. ماشيين عليها من زمن
وما زلت للقلب الغريب أحلى وطن .. أغلى وطن
عمرك ما قلت يا طه إيه هو التمن
البسمه فوق خدك .. وجوه الروح شجن
والقلب دامى من فجور كفار قريش
الحقد جيش .. وانت جيوش
بتدوس على كل الوحوش والروح ثبات
صلوات ورا صلوات فى سكه مؤمنه
يا حروف رقيقه حنينه
رغم الوجع .. رغم الغناد
بس الإله .. كان لك جليس
حبك أمل .. خلى الولاد
يا طه تحفض فى الحديث
الله على أعظم ميلاد
الله على أجمل جليس

نور النبىِّ ————— إبراهيم رضوان
ننسى الليالى .. والليالى متعبه
نرسم شراع للمركبه .. جوه الخطاوى المغرقه
الحب عمره ما كان خطاوى ضيقه
ولا كان فراق .. ولا كان شقا .. ولا كان عناد
الحب أول خطوه فوق جبل الميلاد
يا اللى لُغيت .. من عمرى لحظات السهاد
وفضلت جنبى فى البعاد ..
رغم الرياح العاصفه
الله عليك يا مصطفى فى خرجتك ..
م الفجر تتحدى الفجور
تزرع فى روح الكون إيمان ..
وجبال زهور
وتدوس بروحك كل زور جوه النفوس
تعطى الدروس للكل إن الله هنا
موجود هناك
وان اللى مش هايقول كده ..
هايصيب حياته بالهلاك

نور النبىِّ ————— إبراهيم رضوان
وان الحياه .. فيها الشيطان .. ويا الهلاك
وان العزيمه الطاهره لازم تنتصر
وان الثبات جواك لا يمكن ينكسر
وان اللى صان .. لازم هايوصل للسما
آجى إليك ..

لو حتى كان الكون خطاوى مضلمه
طه .. ألاقى الدنيا بيك متبسمة
وأبص لحظه للسما .. ألقاك نجوم
وأنام واقوم .. طيفك معايا للأبد
ما انت الحنان .. والشمعدان .. وانت السند
وانت اللى ساقى القلب من ساقية شعور
وانت اللى حبك لى كان من غير غرض
يا اللى انت فى شرع الإله ..
حسنه علينا بتنقرض
خليت غيلان الكفر ..

بالدعوه الشريفه تنقرض
وخرجت لينا معاك نخيل مليون بلح

نور النبىِّ ————— إبراهيم رضوان
يشفى الفؤاد الذى انجرح ..
يعطيه شبع مهما يكون
يا ضىِّ ساكن فى العيون
الله بفضلہ يا طه جابك للحياه
علشان تكون قنديل بيهدى فى اللى تاه
يا اللى انت من عند الإله ..
آيه شريفه ونور حديث
لسه الشيطان بيننا خبيث
والليل ما زال .. مليان معاصى وسيئات
فيه موبقات مش هينه
يا نبره صافيه حنينه
بتكسر القيد الحديد
إنت .. تُريد .. وأنا .. أريد
[والله يفعل ما يريد]
إنت القمر .. وانت السهر ..
وانت القديم .. وانت الجديد
فى المفترق .. دخل المطر ..

نور النبىؐ ————— إبراهيم رضوان
جيبى .. وانا باستنظرك

يا هلال أمل .. يا أعز من كل البشر

حالف بعمرى أسيب هوايا يعطرك

يا أحلى عيد .. وأعز عيد ..

" الله يفعل ما يريد "

قابلوك حبايبك بالنشيد اللى ما زال ..

عاش ما بيننا يا رسول الأمنيات

جوه المدينه .. قمت فى الصلوات

وكان صوتك دفا

إنت الشراع .. فى البحر صافى يا مصطفى

وانت الدراع مفروود بمنديل العطا

صيف أو شتا .. لابس عبايتك ع الهدوم

طافى هموم الدنيا من قلب الصحاب

تفتح فى باب .. من بعد باب

دا لحد ما دخل القمر .. جوه البلاد المظلمه

جوه النفوس الآثمه

يا أغلى من كل الكلام

نور النبىؐ ————— إبراهيم رضوان
لازم تدوم .. بيننا المبادئ ..

والخطاوى والغرام

تصبح حياتنا نخيل .. جميل

مرسوم عليه .. عش اليمام .. والإبتسام

إبعدنى عن سكك الخداع

سكك الضباع .. دى مش تمام

إدينى .. ما أحلى العطا

خُد منى .. ما أحلى العطا

فى الصيف .. هاكون لىك النسيم

كون لى شمس الحب .. فى ليل الشتا

تسلم عيونك م الآلام .. ومن الخصام

يا اللى انت أكبر م الكلام؟؟ ومن الحروف

عمرى يا طه النور بتتحدى الظروف

وتشوف خبايا كل حاجه مبهمه

بينك وبين نور السما .. قلبك يا هادى يا أمين

بينك وبين لكافرين

النار .. وعمرى يوم ما دوست على القلوب

نور النبىؑ ————— إبراهيم رضوان
وتتوب فى طول اليوم ..

وتستغفر إلهك يا حبيب من غير عدد
الله مدد .. الله سند

الله حماك يا حبيبى من كفار قريش
خلاك تعيش آمن ما بين كل الصحاب
والكل ساجد لسه جوه سكتك
لاجلك .. تركت الناس .. وجيت ..

تذكرتى .. كانت دعوتك
جوه مقام النور لقيت ..
سر الحياه .. فى شمسك

لان الحديد مع همستك
والكل ماشى يا طه عارف وجهتك
يا اللى انت كانت من زمان أمنيتك
إن الإيمان والدين لابد يسيطروا
ونجوم حياتنا ينوروا ..

كل الوجود
بتقوم تلاقى الكل فى حالة سجود

نور النبىِّ ————— إبراهيم رضوان
وتعود لأهل البيت وجوه عنك دموع
والقلب سابع فى الخشوع
تشعر بجوع
بلحه شريفه تشبعك
والخوف على الأصحاب تملئ يرجعك ..
لميدان وفيه الناس أمم
بتقول (نعم) .. للعاشقين فى ملمحك
الكل قاعد يا رسول يستسمحك ..
يفضل معاك يا حبنا
يا اللى سكنت فى قلبنا
سلمنا لىك كل الحاجات
والسيئات زالت من الجمع الغفير
بعثك إله الكون مجير .. لاجل الجميع
خلاك شفيع للمؤمنين الأبريا
الله عليك باصص يا سيد الأنبيا
يا اللى بنيت القصر ..
لاجل يكون عشان الكل بيت

نور النبىؐ ————— إبراهيم رضوان
لما نادانى الحب .. جيت ..
أرسم يا طه ميت نهار
على سكه طاهره .. بنيت فى بيت ..
ورسمت فوق البيت فنار
وندهت لىك يا حبيبى من خلف الستار
رديت على المشتاق بكلمه حنيه
وزرعت كل الأمكنه ..
نعناع وقمح ونور عفيف
وقسمت بيننا فى الرغيف رغم العدد
أصبحت للدنيا بفضل الله مدد
وهزمت جيش المستحيل ..
اللى ابتدى يزحف إليك
كانت عنيك شلال دفا
دفيت قلوبنا يا مصطفى العدنان .. يا بركان الخلود
ونعود إليك مهما جرى
جوه مدينه منوره ..
بضياك يا هادى يا بشير

نور النبىؑ ————— إبراهيم رضوان
أيوه الإله هو المجير

بس انت ضل الله على الأرض البراح
وسلاح بيهزم فى الغزاه من كل لون
الصدق ركن .. فى كون رسول
علمتنا معنى الأصول الصادقه ..
فى زمن الخسوف

علمتنا .. إزاي نشوف الضلمه نور
لو دوسنا بيها ألف زور
وسرجنا قنديل الخلاص

مديت إيديه الطاهره بالقلم الرصاص
وكتبت (طه) ع الورق

ورسمت جنب الإسم بيت دافى الأساس
وندهتلك .. وصلك ندايا .. فرحت جدا بالندا
والحب كان فى المبتدى

يا رسولنا والأيام تروح ويا الزمن
وماليش وطن .. غير الوطن ..
وعنيك .. وقلبي ..

نور النبىؑ ————— إبراهيم رضوان
وفدانين القمح وتلال الورق
الله على شكل العرق ..
جوه المقام .. فوق الجبين
لو كان عشان طه الشريف .. أو للبنا
يا اللى حروفك عصفورين ..
حاضنين بروحهم سوسنه
يا أساس لروحنا المؤمنه
وخلص لمذنب ..
روحه فيك رغم الذنوب
الرب .. هو لوحده .. عالم بالقلوب الطيبه
خلاك تكون بالدعوه أعظم مركبه
جاييه عشان الكل زاد
الشوك صبح رغم البعاد ..
لما لمستته قرنقله
إنت إمامنا فى الصلا
وهدانا فوق السكه .. فوق جبل المحبه المستقيم
قالت عليك كل الكتب إنك كريم

نور النبىؑ ————— إبراهيم رضوان
وانك أمين ع الدعوه بين كل الجموع
وانك على سكة خشوع ..
لله على الدرب المبين
ورسول لكل العالمين
وختام لكل المرسلين .. وإمام تقى
خليتنا بالقلب النقى ..
نوصل جهات غير الجهات الأربعة
لا ثرثره ولا سرسعه
ولا وقفه يا طه مع ..
ظالم عتيد
وياك جديد دايمًا وصوتك مش بعيد
والآيه ويا عنيك دليل
برسولنا هاتحداك يا ليل
بالحب هاتحدى العواصف .. والدروب الضيقه
وهاقول لكنز الحب ما تفتح بقى
وان كان هايصى .. هافتحه
قلبى اللى جالك منذ آلاف السنين

نور النبىِّ ————— إبراهيم رضوان
ماحد غيرك يا رسولنا يريحه
يا اللى هزمت بحب غول المستحيل
وهمست فى السكه الحلال ..
الحق .. مش ممكن سواه ..
أبدا هايقعد مطرحه
نور الوجود هايفرحه
لو شاف جميع الناس فى لحظه مؤمنه
وحنيه .. رغم الرياح السوده بتهز الجبال
لازم يعود للمدنه ميت مليون بلال
علشان يدوسوا الضلمه بالكلمه الحلال
ويعودونا على الحاجات المبهمه
حبك يا طه الحب جوه الأنسجه
يا اللى وصلت بيوتنا بالقرآن ..
وكان قارب نجا
عاشقين فى سيرتك يا حبيب الله ..
وهادى للقلوب
عارفين شفاعتك حتى للقلب اللى كان ..

نور النبىؐ ————— إبراهيم رضوان
رافض يتوب

ماشيين معاك ..

ندوب فى آيه مقدسه ويا الحديث

يا منحه من عند الإله

لما ابتسمت .. فى دخلتى جوه المقام

إتبسمت كل الحياه

حسيت بأن الله معايا .. فى كل خطوه م السفر

الله على جبل الرضا ..

والراحه .. واللقمه الحلال

الله على الحب الجميل

لما يكون أعظم دليل ..

وتكون حروفه إبتهاال

الله على أجمل آمال

لو جانا يوم واتحققت

الله على شمس الغرام .. لو شقشقت

الله عليك يا طه .. فى توب المحبه والعفاف

الله على نخلة هوانا ..

نور النبىؐ ————— إبراهيم رضوان
بتبتسم فوق الضفاف

الله عليكى يا لقمه حاف متقسمه

يا نسمة يا متنسمة

يا هلال ببيرق فى السما ..

وبيملى كل الكون ضيا

جمعت كل الأنبيا ..

فى رحلة الإسراء مع المعراج

وكنت إمام عليهم يا رسول

مسئول عن الكون العتيد

بتقيد ليلاى شمس بندقى فى ضلها

الأرض سابت شوكةا .. حضنت فلها

وانت ما زلت فى كل يوم بتقول لها ..

إن الحياه لحظه ولازم تنتهى

والنفس مش لازم تنول ..

يا حبيبى كل ما تشتهى

وصرخت فى الناس الفراعنه بصوت عفيف

إزاي على الناس العزاز تتألهى

نور النبىؑ ————— إبراهيم رضوان
وازأى يكون بيننا فروقات

كل الآيات بتقول .. بأن الكل واحد يا رسول
وان احنا لازم تانى .. نرجع للأصول مهما جرى
كل القلوب مستنظره .. جنبه هاتسعد قلبنا
وتكون يا طه جنبنا
والرب فوق العرش أيوه فى قربنا
هانشوفه بالقلب العفيف
ورجعت ليك ..

وكأنى سايبك من دقيقه يا وليف
ورجعت .. كان ضوء القمر .. راسم رغيف
والشمس همس فى ملمحك
ورجعت ليك .. حسيت بأنى لو هاعود
هاصبح على قبرك ورود ..
وصلاتى يا هادى عليك هاتريحك
يا رسولنا ما أحلى الرجوع .. للجنبه .. جنة حبنا
إحنا تعبنا م البعاد .. وتعبنا جدا قلبنا
يا شمعدان الراحه .. يا أصل الأصول

نور النبىؑ ————— إبراهيم رضوان
يا ترجمان الحب يا أعظم رسول
وياك بقول .. لكن وانا ويا الغريب
ما اقدرش أبدا يوم أقول
أوهب عنيك .. حتى الضياء
يا بدر جوه الروح طبيب
حققت لى الأمنيه
وبقيت حبيبى .. يا حبيب
وبقيت قريب يا طه ..
من كل اللى ماشى سكتك
عارف تماما وجهتك
فاهم أمورك كلها مهما تكون
خالیه حياته م الظنون .. ومن الشكوك
ما اقدرش اقول سيد الملوك
يا اللى انت سيد الأنبياء جوه الحياه
ما زلت بنجوم الإله بتشدنا ..
نحو الطريق المستقيم
ما زلت بين الناس كريم ..

نور النبىؑ ————— إبراهيم رضوان
رغم اختلاف الأزمنة

ما زلت يا طه أنا

دا لأنك انت الواحه ..

فيها الراحة للقلب اللى صان

إنسان .. وفضل الله عليه كان البيان

وبيبان إيمان .. مفتوحه للعاشقين ضياك يا مصطفى

مات الجفاء بقدوم سناك .. مات الجفا

قلبك صفا .. يا مصطفى

وشطوط وفا .. وبحور دفا ..

وأمان .. وحب شريف .. وصبر .. وصهلله

نسمه بتبحث عن ونيس

يداويها فى قلب الخلا

يا اللى الصراحه الطاهره باينه ف نظرتك

ساجده مع العاشقين على شطوط الصلا

باصص أنا .. رغم الضنا .. على نخلتك

ورغيف بلون الحب حاضن فى الجيوب

وحنان وبسمه بريئه خضره ع الدروب

نور النبىؑ ————— إبراهيم رضوان
وأغنى جوه مقام .. ورعشه وزلزله
وحروف بتنده لينا .. تهمس : " يا هلا "
زالت غيوم الببله .. لما هلاك بان لنا
يا اللى انت واحه حنيه
والنور فى ساحه مؤمنه
لسه بتستنى السجود
على أرضها
الأرض طولها وعرضها ..
بتصلى ليل ونهار عليك يا ضينا
مين فى الوجود يا طه ..
ممكن يبقى حتى زينا
دا احنا الصحاب المؤمنين ..
اللى ابتدوا الدعوه معاك
الله على خفة خطاك فوق الحصا
الله الدعوه اللى بانت فى الحياه صبح ومسا
الله .. ودوست اللى عصا
لا كان معاك أبدا عصا

نور النبىؐ ————— إبراهيم رضوان
ولا كنت غير إنسان رحيم
يا ضى من رحمن بعت ..
علشان يضيف للدنيا شمس منوره
الدين يا أظهر جوهره للمتقين
هو الخلاص للمرهقين
يا مصطفى الهادى الأمين
الهجره للأرض الحلال حادث جلل
قلبى اللى داس فوق الملل
أصبح كلام مليون صدى
فى طريق شرف .. رسم القلل
مليانه من نهر الندى
آه يا هدى .. للصابرين .. آه يا هدى
يا ورده فوق أوراقها آيات الندى
وقلوب بتستنى النداء .. فوق الطريق
ظهر البريق جوه عنيك .. ظهر البريق
والكون خلاص أصبح مضى .. من طلعتك
إحنا مشينا سكتك

نور النبىؐ ————— إبراهيم رضوان
وسهرنا جنبك لاجل نسمع قصتك

مع جهل سيطر ع العقول

جينا المدينه يا رسول

ومعانا شوق مالهوش حدود

جينا بدمعه ع الخدود وجناح سلام

صلينا من بدرى عليك

وهسمنا ليك من غير كلام

بنحب سيرتك يا رسول المعجزات .. بين الأمم

بنحب نسمع يا حبيب كلمة نعم

يا أحلى أحلى دليل معاه قنديل أصيل

وياك صبرت .. وكان طريق الحب ليل

صبار على كل الشطوط .. أصبح سكوت

هازز فى طفل يتيم .. ما زال عايش عليل

صهدك ما زال تحت المطر ..

آه يا رسول رغم السيول

بالطو .. بيحمى ضلوعى .. سكه للخيل

صفره الحياه .. من غير عنيك المفتوحين

نور النبىِّ ————— إبراهيم رضوان
واحة محبه ورمشهم ..

هو يا نور عيني السلاح
يحميك إلهنا م الرياح .. من ليل شحيح
يحميك ويديك النجاه ..
ويخلى ليك الكون فسيح
ويخلى حرفك فى الحياه .. صافى .. فصيح
يا اللى انت للروح الجريحه مريح ..
وفاهم قصدها

ماسك بإيدك يدها
ومسلمه ليك الجناح
حبك لكل الناس وحب الناس سلاح
يا اللى انت فى ليل الأرق .. أجمل صباح
دخل السماح جواك .. ناديتنا يا رسول
لازم تعاملوا الناس جميعاً بالأصول
فجأه يا صحبه هايتفتح باب القبول
والخير هايبقى سيول على كل السهول
ونقول كتير عن حضرتك .. مهما تقول

نور النبىؐ ————— إبراهيم رضوان
إزای هاتوصف حسن زاید ..

عن حدود كل البشر

وإزای هانطلع للقمر

وإزای هاترضى ربنا ..

برضاك علينا كلنا ..

لو حتى كنا مغيبين

يا ضىّ شلال الحنين

يا مصطفى الهادى الأمين

يا صباح مفيش بعده صباح

إنت صديق .. وانت حبيب

يا رسولنا يا اللى عشت طول العمر .. ويا المشركين

صابر على غدر الرياح

صادق معانا فى العهود ..

عازف على وتر السماح

غازل فى شال الحب مهما الليل يطول

وبنلقى قلبى شراع على شط النجاه

إنت صراحه مريحه .. فوق جبل الحياه

نور النبىِّ ————— إبراهيم رضوان
عمرک ما كنت "سکوت" .. ولا ..

يا حبيبى أول حرف فيه
البدر .. كنت شعاع عنيه .. هاتلى الصباح
واحمينى من كلمة جراح
واسقينى نهرک سلسبيل جوه الدروب
أرجع أدوب يا طه .. والقانى بادوب
وارجع إليك خالى الوفاض
الذنب زاد .. والمغفره .. للقلب زاد
روحنا وجينا فى الميعاد
وقابلنا نورک فى المقام
ليک المحبه والسلام
ليک الأمانى الطيبه ..
من قلب طيب عاشق الحسن المهيّب
جرحى تعبنى يا طبيب
وعشقت نورک بعد ما حل الضلام
والله قدام المقام الأحمدى
مالقيتشى يا طه كلام

نور النبىِّ ————— إبراهيم رضوان
لكن لقيتك ضىّ مش ممكن يروح
يا اللى انت جوه الروح حجاب
لما فتحنا الباب لقينا النور حرير
ولقينا أنوار المجير
فى كل حته م الدروب
مكتوب علينا يا طه نصبح عاشقين ..
لك يا أمين الدين
يا سيّد مهما كان
دخل الأدان فى قلوبنا ..
أيوه سجدنا تانى مع الأدان
ولا عمر قال إنسان نسيت
إنت صارعت الليل وجيت
صائب فى نيلى دفتين
صعبان علىّ انك شقيت
ورجعت قلبك مش حزين
لما صدمنى ألف شئ
فى الغربه .. ضاعت مهرتى

نور النبىؑ ————— إبراهيم رضوان
واما لمحت عنيك صديق

رجعت لقلبى دقتى

يا اللى انت بدر .. فى سكتى الممدوده لىك

صلينا يا طه عليك .. رغم الرياح

يا اللى انت مفتاح الدخول من كل باب

طالت يا طه علينا أيام الغياب

وحاولنا نوصل لىك .. وصلنا للغرض

بس القلوب يا طه .. كان فيها مرض

والجهل ع الناس انفرض

لكن قاومنا الجهل .. جينا إىك صفوف

يا اللى انت باقى مع السنين

يا مصطفى الهادى الأمين

ورجعت لىك طائر حزين ..

م الغربه وسنين الشقا

ورجعت لىك .. آه يا رسول

علشان أقول .. هارجع بقى

ورجعت تانى جناح بريش أخضر رقيق

نور النبىؑ ————— إبراهيم رضوان
أصبحت للمحتار طريق مليون نسيم
قلبك كريم ..

أيوه وهبنى الحب صافى بدون حدود
وزرع فى روح الروح ورود
واما ابتعدت فى يوم حلف .. لازم أعود
زرع الورود لى وأصبح مهرجان
قرآن بيملى فى المكان بآيات شفا
قالوا عليك المصطفى الهادى البشير
قالوا الحبيب عند القدير
يا طه .. قلبى بيعشقتك ..
يا فرط رُمان العبير
أصل الأصول من منشأك ..
حافظ عهودك للمجير
الله على القلب الحرير ..

لو ليله يتحمل فى شوك التجربه
أو إنه يصبح مركبه جوه المحيط
إنت بنيت البيت عشان كل الرفاق

نور النبىؑ ————— إبراهيم رضوان
عشاق يا طه فى معبدك

كان الإله بيجددك .. دايمًا بشلال الجديد
الله على القلب الحديد اللى ابتدى يصبح نسيم

عاشقين ملامحك يا كريم

عائنين فى جيب الدنيا ..

ميت مليون قصيده توصفك

يا اللى إيماننا مشرفك بين الأمم

قويت يا طه فى الهمم

وبقيت قانون يا حبيبى قد الكون .. وقت قضيتك

يا اللى انت دافيه سكتك

جوه الجهات الأربعة

يا جاه قلوبنا المؤمنه

وياك .. فرجها ربنا ..

جمعنا تانى بدون فراق

يا رسولنا .. إنت حبنا

هاستنظرك .. " هذا المساء "

وارجع إليك .. من كل رحله متعبه

نور النبىِّ ————— إبراهيم رضوان
ترجلى أيام الصبا .. أنه بشوق
المركبه .. هاتخذنا فوق .. رغم الرياح
حبك بيتحول جناح .. أتحدى بيه المشكلات
يا أغلى أغلى الذكريات .. إرجع لنا
لسه الندى .. محتاج يبوس السوسنه
لسه دخولنا الجنه حاجه ممكنه
لو توبنا يا طه فى يوم .. من غير ما نرجع للخطأ
من غير ما بابنا ينغلق
فى وجه طفل يكون يتيم
والله واللع العظيم .. باعشق لقاك
فى مدينه كانت فى احتياج ..
لضياك وللوجه الحسن
يا اللى عنيك لينا وطن
ياما قاسيت يا حبيبى من نار المحن
وحلفت تطلع للسما
إشفع يا قاضى المحكمه ..
للقلب لو كان عاصى يوم

نور النبىؐ ————— إبراهيم رضوان
واحميننا من شر الفتن

ولا هانسى لحظه قضيتها جنبك من زمن

مهما يزيد الحزن .. ويقيد الشجن

يا اللى انت للمجروح وطن

قول للدروب .. إحنا سوا

مهما نسلم للهوا .. إحنا سوا

ومفيش لنا .. إلا الغرام .. أحلى دوا

العمر فى الليل انطوى

والمحتوى .. أصبح قليل من غير سبب

ملك الملوك إذا وهب

لا تسألن عن السبب .. فى اللى جرى

يا فروع شريفه مزهره

ومعطره الكون الحبيب بجبال شذى

ولا حد زيك قاسى يوم .. أو إنه يا طه اتأذى

خليت صفوف المؤمنين ..

طاهره .. شريفه .. معززه

وفضلت ساجد جنبنا

نور النبىِّ ————— إبراهيم رضوان
قلبى البرئ بيحس بيك
يا مصطفى الهادى الأمين
قربنى جدا من عنيك
واحمينى من نار الأنين
واجعلنى بالآيه يا سيد المرسلين ..
ويا العباد الصالحين
وارحمنى .. رحمة حب ..
من سند العباد الصابرين
واحمينى ويا الرب من غدر السنين
يا مصطفى الهادى الأمين
يا خير خلق الله .. وسيد كل ناسنا المتقين
واشفع لنا يوم الحساب
خلينا نفتح ألف باب
علشان نعود للحب والآيه الحلال
علشان نقوم تسجد إذا سمعنا بلال
إبعت إلينا منادى من قلب السما
لسه الليالى مضلمه

نور النبىؐ ————— إبراهيم رضوان
والسكه غامقه معتمه

بس انت بتقيد الليالى بالنجوم الطيبه
يا اللى حنانك مركبه ..
بتاخذنا للشط البعيد

عمرى ما كنت فى يوم وحيد
طول ما انت جنبى فى السفر
طول ما انت حامى القلب من نار الخطر
طول ما السجود تحت القمر ..
هو سندنا فى الحياه

الله على فضل الإله
الله على القرآن إذا أصبح صديق
إنت يا بدر الدنيا .. رشفه من رحيق
ريحه رغيف .. وعبايه .. روح .. ورعايه ..
طيف إنسان بيغسل فى الطريق
رد اعتبار ..

يا رسولنا من إنسان ردئ
آه يا روايه .. م البدايه فصول رجاء

نور النبىؐ ————— إبراهيم رضوان
إحمينى من ليل الرىاء ..

والزيف .. ودوس الإتحناء

آه يا حنان .. وريحان .. ورأفه وطيف رقيق

خليك معايا فى الدروب ..

يا اللى انت .. أكثر من صديق

يا اللى انت للمحتاج رفيق .. وطريق رقيق

يا اللى انت نور .. من بعد ضيق

وبريق بيظهر لنا لو ساد الضلام

يا مصطفى .. وانت السلام

وانت الكلام الصافى فى زمن السكوت

يا آيه من عند الإله الباقي .. فى كل البيوت

والصوت إلهى النبره بيهز الجبل

يا مصطفى .. وانت الأمل

لينا وللناس اللى لسه ..

بيستخبوا فى الدروع

وخضوع لرب العالمين

آه يا آمين الدعوه .. يا أعظم أمين

نور النبىِّ ————— إبراهيم رضوان
بعثك إله الكون يا طه للقلوب المتعبه
وشراع لأعظم مركبه
وأمانى طاهره طيبه
وكتاب شريف .. يحمى الحما
أيوه يا روحى .. ربما ..
يتحقق الأمل الكبير
لو يوم نبص على السما
نلقاك قمر .. ونجوم كثير
نلقاك مجير ..
للسائل المحروم على كل الدروب
الرب عالم بالقلوب
وانت يا طه الحصن .. للى يكون مآمن بالإله
وانت الحياه .. لنفوس قتلها الموت ..
وضاعت فى الدروب
وانت الهداية الطاهره .. لقلوب العباد الأبريا
نظره .. يا سيد الأنبيا
يا منانا فى يوم الزحام الآتى .. من رب الأنام

نور النبىِّ ————— إبراهيم رضوان
واقف على كتفك يمام الحب .. بيردد آيات
ويحن ليك النخل .. تسمع فى آهات كل الطيور
لو يوم هاتلمس أرض بور
تظهر زهور ع السور وتخضر الفروع
عمرك فى يوم ما تجوع ..
يا زاد ربانى من عند الإله
بتنادى دايم ع اللى تاه
ونكون فى أيام الجفاف ..
مليون ضفاف ونجوم مدد
وفوت علينا لعمر .. نكبر فى العدد
وتكون عشان قلبى سند .. وتكون جبال
حققت بيك كل الآمال.. يا نسيم سفر
ومفیش خطر فى الرحله طول ما عنيك قمر
ما تسيبشى قلبى يضيع هنا .. ويضيع هناك
يا اللى انت من بدء الحياه .. أجمل ملاك
عمرک ما كنت سراب فى يوم ..
ولا طيف رقم

نور النبىِّ ————— إبراهيم رضوان
إنت (رصيد) م العاطفه ..

ورحايه دايره للعباد

إنت رعايه ورأس مال

وريحان فى نظرات الولاء ..

وشموع ميلاد

الله يا غالى .. ربنا ..

جايب لنا الرزق الحلال

أيوه ركبت فى مركبك

ورجعت ليك قبل الميعاد

راضى معاك .. والقلب عمره ما داق ندم

قبل النداء يا طه .. باهمسلك نعم

نلقى النعم .. صبحت جبال

والحال يروق يا مصطفى مهما يكون

الشوق عليك جوه العيون

فى حنين بينطق فى حروف المغرمين

يا مصطفى الهادى الأمين

جايلك أنا شايل هموم زى الجبال

نور النبىؐ ————— إبراهيم رضوان
تسألنى عن أحوال جيران داسوا الصنم
قالوا لنور الله نعم
واستسلموا وياك لوحى بدون حدود
صانوا العهود يا طه.. واتحدوا الضلام
نشروا السلام
فى كل أنحاء الكره الأرضيه ..
سادوا ع الجميع
نظره يا سيدنا المصطفى الهادى الشفيع
نظره لناس .. محتاجه ناس ..
تسندها فوق سكك الحياه
الله يا قنديل الإله .. داخل لىالى مضلمه
الله يا موال السما للمتقين
والمحتاجين للنظره طاهره من عنيك
تلمس إيديك الأرض تتحول زهور
تصبح لكل الدنيا عون
يا ما رماد جوه العيون
ياما خيانه .. وثرثره

نور النبىّ ————— إبراهيم رضوان

يا ابو الحروف .. أزهار لمون

يا نخله .. حاضنه القنطره

وعيدان دره .. للمحتاجين

يا مصطفى الهادى الأمين

يبقيك إله الكون سند

لاجل اللى عايز حد للأحمال يعين

واللى القزاز ..

عطل فى ليله دخلته جوه بيوت أمنيته

بعتك إله الكون محبه فى نظرتة

واللى ما زال محتاج خزين

يا مصطفى الهادى الأمين

الليل بيغرز نابه .. فى قلوب الولايا ليل نهار

والإنهيار .. صاب البشر

تاه القمر .. جوه الليالى المتعبه

والحزن أصبح مركبه

من بعد ما صبح الطريق مليان ظنون

آجى وقلبى يدق فوق بابك يكون ..

نور النبىؐ ————— إبراهيم رضوان
ضل الغصون .. لجناح عصافير الضحى
لو حتى شمس الحب عند الكل غامقه .. مروحه
شمسك لا يمكن يوم تغيب
ولا يوم ها تصبح يا رسول .. غير أمنيه
يا حرف لسه حلال .. فى أظهر أغنيه
يا حنون .. مفيش زيه حنون
وجبال ما عون .. للقلقانيين .. وتلال دقيق
يا بحر .. على الموج .. يا شط بدون حدود ..
ويانا دايم فى السجود
ومعانا فى الدرب الطويل
إنسان أصيل شايلى كتاب من ربنا
ساكن فى دقة قلبنا
وحامينا بعد الله من الجرح الرهيب
يا حبيبنا يا أجمل حبيب
الجرح بيك لازم يطيب
والفرح لازم يكتمل
ما انت الأمل ..

نور النبىؑ ————— إبراهيم رضوان
وانت الليالى الطاهره دايما مبهجه
وانت اللى ساكن جوه روح الكل .. جوه الأنسجه
يا طه يا قارب نجا .. يا إمام لكل الأنبياء
صاب الفؤاد السهم
جالك لاجل يشرب م الضياء
غنيت معايا الصبح ..
فى الليل الطويل ..
حببت معايا الأغنيه
والأمنيه ..

كانت فى قلبى يوم رجوعى م السفر
وصرفت كل سحابه جوه الجيب عشانك يا قمر
ولغيت ضلال الخوف .. حميتك م الخطر
ولا.. همنى .. نار العذاب .. أبدا .. ولا
يا اللى هواك يا حبيبى
نخلة حب فى قلب الخلا
يحلى الصلا وياك يا طه ..
بعد ما يكون الأذان .. مالى الفضا

نور النبىِّ ————— إبراهيم رضوان
يحلى السهر فى حماك مع كتاب الخلود
راحة قلوبنا فى السجود يا مصطفى
نشعر تماما بالدفا
بالحب مالى الكون .. فنقرى فى الآيات
يا أصل أصل المعجزات
معجزتك القرآن يا طه يا أمين
يا اللى هواك لمس الجبين ..
فوصلنا لشطوط المدد
والخير وصل كل البلد
وصبحنا إخوه ع الطريق
ماشى الصديق ويا الصديق
ووصلنا واحنا جماعه لبيوت الفرج
لما ضلام الكون خرج
يدهن جميع الناس دمار
حبك يا طه ما عرج
وسرج نجومه للصغار
الله يا يا طيف الهادى ..

نور النبىّ ————— إبراهيم رضوان

ماشى يدق فوق كل البيبان

ويدوس على غدر الشيطان

ويقول كلام مليون حكم

أحاديث تخلق الكون نغم

وتوصل الإنسان إلى بر النجاه

الله عليك يا طه .. منقذ للحياه

من كل شر فى يوم ظهر

الله عليك مليون قمر

مالى الجهات الأربعه

دايس فلول السرسعه والسفسطه

الخير صبح بلقاك يا طه سيول شتا

وشبعنا م الخير الى جوه القلب .. مستنى لقاك

الله فى كل مكان معاك

وهمست ليك .. ساعه وقوفنا ع الجبل

إنت الأمل .. وانت الأمانى فى الكيان

وانت الحنان .. ما لهوش حدود

الشوك صبح أهرام ورود .. يوم اللقا

نور النبىؐ ————— إبراهيم رضوان
حتى الخطاوى الضيقه ..

وسعت .. وكان الكون براح

إرتحت من طعم الجراح .. ويا السهر

الله على صوت المطر .. لحظة لقانا يا وليف

الله على زهر الربيع اللى ابتدى

الله على ذكرى الخريف

جيت يا حبيب الله عشان .. كل القلوب الطيبه

جيب الشراع للمركبه

وصبحت للشط اللى داب فى هواك سند

أصبحت للعالم مدد

واعطيت لكل الدنيا مصباح الحياه

وبقيت فى قلب الكون حنين

يا مصطفى الهادى الأمين

الضل ماشى وراك ..

عشان يحميك من الصهد اللعين

يا مصطفى الهادى الأمين

جيت بالأمانى عشان نكون ..

نور النبىِّ ————— إبراهيم رضوان
أول صفوف للجنة فى يوم الميعاد
جيت بالميلاد اللى ابتدى يا حبيبى بيك
الكل واقف بين إيديك
والكل بيصلى عليك
وينادى ليك وقت الخطر
جيت فى الضلام مليون قمر
وطريق حبيب للمتقين
ما انت الأمين .. وانت القريب
وانت اللى بعد الله مجيب
وانت الطبيب
لما القمر يرجع لنا
تصفى قلوبنا المتعبه
إنت حديثك سوسنه
والهمسه منك .. مركبه
قلبك .. مساكن للغريب
واللقمه دافيه للصغار
إبنيلى يا طه الحبيب

نور النبىِّ ————— إبراهيم رضوان
فى الدار .. بحبك ألف دار
يا نجده للجار الضعيف ..
الى ابتدئ ينده عليك
يا لقمه للمحروم فى ليلة ما لجأ لله وليك
يا الى عنيك ..
كانت لروحنا الطاهره قارب للنجاه
وهديه من عند الإله
وحمايه من غدر البشر
الله عليك .. طلع القمر ..
واما رآك ..
شافك ضيا خلف الحجب
نزلت نجوم الدنيا ..
لاجل تقوم يا نور الله ..
نعوم فى ضياك ..
تروح وياك لعالم كله خير
الله يا شمس الله .. مجير من كل شئ
وحمايه للمشتاق .. صديق

نور النبىِّ ————— إبراهيم رضوان
ورعايه لو بانث طيور الإنحلال
يا قمر .. مثيره قصتك
مليانه جدا بالحلل
الجنه .. هى بصتك ..
لى .. يا أجمل م الجمال
قاعد يا طه جوه نور المندره
توعظ فى أصحابك بشوق
تطلع لفوق ويا الجميع
ما انت الأمين .. وانت الشفيح
وانت اللى صاحبك يا رسول الله ..
لا يمكن يوم يضيع
جيبك الربيع .. قبل الربيع
للرب جوه الغار .. وبره الغار مطيع
وجرئ فى قول الحق ..
رغم مراره المشوار عليك
القلب بيصلى عليك
والكل واقف بين إيديك

نور النبىِّ ————— إبراهيم رضوان
دايب فى دمعات الصلا

صبح الخلا وياك يا طه زهور ..

وجنه براح براح

زالت جراح الروح فى قلب نفوس .. بحبك مؤمنه

وحياة عنيك المرسومين على قبلتى

أنا جيت إليك .. شايلى عشانك قلتى

وزرعت لاجلك كل حاجه منوره

السكه حاولت تاخذ القلب الحزين خطوة ورا

مديت إيديك الطيبه

صبحت عنيه مركبه

وشطوط رقيقه مزهره

ماشيه يا طه خطوتى ..

على كل أصحاب الدروب

يا رب يا حامى القلوب

إسند خطانا فى السفر

واحمينا م الخطر اللى بان ..

فوق الخطاوى الضيقه

نور النبىِّ ————— إبراهيم رضوان
إحمينا من غول الشقا
واسقينا خيرك سلسبيل
يا ليل يا عين .. يا عين يا ليل
المصطفى هو الدليل
هو الحمايه والرعايه والعنايه م الذنوب
هو اللى بيظهر فى أرواح البشر ويا القلوب
هو اللى خلى الروح تدوب
فى حب رب الناس .. وحب المصطفى
الجو بالمختار دفا
والسكه بالهادى صفا
واللى اختفى ..
هو الضلام اللى انتشر
هو الفساد بين البشر
هو الخطر جوه المطاف
يا مصطفى العدنان ..
يا أعلى هدايه طاهره للنفوس
الهادى بالقرآن خلاص ..

نور النبىؑ ————— ابراهيم رضوان
هايدوس على الصنم اللعين

وهايبتدى زمن اللقا

ولا جانى منك غير بساتين المنى

تيجى السنه .. بعد السنه .. وانت هنا

سكه بتنطق بالهنا .. بورود أمل

أرجع واقول إيه العمل .. فى لهفتى

يا مركبه مرسومه ع النهر الجميل ..

يا ريت تبوسى دفتى

يا مركب الحب الشريف ..

فى بحر طه المصطفى

طه الحبيب .. ريحنا من زمن الجفا

آه يا زمن مليان زهور

بيك ابتدى العصفور يدور ..

جوه سواقى الزقزقه

بيك الشموس الطاهره فى الليل الطويل ..

بانث بأحلام الغرام والشقشقه

بيك الحياه متزوقه

نور النبىِّ ————— إبراهيم رضوان
ومروقه كل الليالى بالحلال
القلب مال .. زى الشراع
أرجوك بلاش لحظة وداع
وابعدنى عن كل الليالى والبحور المغرقه
يا مركب الحب الشريف .. إرسى بقى
على شط شمسه مشرقه
دفيْنَا بشعاع الحلال اللى ابتدى
يملى جميع الكون عمار
يصبح فنار للشط ..
يوهب قلبى دقات الحلال
لو ضاع دليل جوه الوجود
ألقاك يا طه نجوم دليل
جيت يا رسول .. من عند رب العالمين
وصبحت شلال الخلود
وزرعت جوه الناس أمان يا مصطفى
ياسمين .. وأصبح سوسنه
وارتحنا من كتر التعب

نور النبىِّ ————— إبراهيم رضوان
من نار عدو الله .. خبايا أبو لهب
كنت الشهب لنا .. وكنت جبال ذهب
والحكمه فى دنيا الضلام .. والجهل .. والعقل الغبى
كنت النبى المرسل إلينا ..
عشان نتوب
نفرح بقتديل الوصول
آه يا رسول الله يا شلال القبول
جينا إليك .. زاد العدد
جينا بنطلب فى المدد
بصيت علينا .. بقيت سند
لينا .. فى رحله مقدسه
يا مدرسه للصدق يا حامى القلوب
باب الإله يا طه فاتح .. لو نتوب
ونروح لكل مكان معاك
موجه .. ورا موجه .. أجيئك يا ملاك
تفتح بقى الشباك .. تنادى .. أقول نعم
الصمت يتحول نغم

نور النبىؐ ————— إبراهيم رضوان
ومفيش ندم أبدا دخلنا يا قمر
دايما معاك يا طه .. يحلو السهر
والمنجه لما تطيب على فروع الشجر
نهديها للأطفال ولقلوب اليتامى والغريب
تلمس جراح النفس يا أحلى طبيب
الجو يهدى يروق .. ونتنفس نسيم
والجرح فى وجودك يطيب
آه يا حبيب المولى .. يا أطيب حبيب
فرج الإله دايما قريب
طول ما احنا جوه سكته
حافضين تماما كلمته
عارفين حلالنا م الحرام
يا طه ميت مليون سلام على حضرتك
دايما بنحضر حضرتك
نغسل قلوبنا من هموم الحزن وغبار السفر
تصبح قمر لينا فى ليل الصبر ..
ع اليأس الرهيب

نور النبىؑ ————— إبراهيم رضوان
تصبح طبيب الأمه لو تحتاج طبيب
وتجيب لنا .. كل اللى كنا حلمنا بيه
واللى احنا يوم فكرنا فيه
وتضمننا الدعوه الشريفه الطاهره تصبح أمنا
والفجر يصبح حضن دافى للجموع المؤمنه
نظرة عيونك يا حبيبى حنيه
وهواك بيسحر فى جميع الكائنات
ماشى على سكك العزيمه .. والثبات ..
وياك على دروب الأمل والتضحيات
وياك يا طه المعجزات
يا حامينا بعد الله من الليل الطويل
ومن الجبال السيئات
سلمنا لله الحبيب كل الأمور
دوسنا على الزور اللعين
يا مصطفى الهادى الأمين
يا سر من أسرار إلهنا اللى خلقنا من تراب
وحبيب حبيب .. كل القلوب المغرمه

نور النبىِّ ————— إبراهيم رضوان

يا ألف بدر وبدر فى نص السما

يا لحظه فى الغار الشريف ..

تسوى ٢٠٠ مليون سنه

أنا وانت قولنا القول هنا

وأعدنا نفس القول هناك

الحب ده .. مش محزنه

ولا عمره جنبك كان هلاك

ونبص م الشباك عليك

تهدى الرياح المرعبه

تصبح عيوننا مركبه

تاخذك يا طه لكل قلب ..

ما زال بينده ليك بشوق

تطلع معايا لفوق لفوق .. عند القمر

الله بيحمى القلب من نار الخطر

وبيبعت القرآن علاج للقلقين

يا مصطفى الهادى الأمين .. إشفع لنا

خلى اللى جوه القلب من أشواك

نور النبىِّ ————— إبراهيم رضوان
بيان أزهار .. وريحة سوسنه
أصبح أنا ..

فى أول العاشقين لحسنك من زمن

يا اللى انت للقلقان وطن

ولا مين سواك هايهمنى

قصرك دخلته .. ضمنى

وهمسلى .. إوعى تروح بعيد

آه يا حبيبى المصطفى

غيرك ما حد يهمنى

والصعب لاجلك أركبه

دوس العدا يا حبيبى بجيوش الحلال

دوس الضلال اللى انتشر بين العباد

خلينا نرجع للفؤاد الصافى ..

فى زمن الجفاف

الآية تتحول لحاف

والجرح يتحول ضفاف للمتعبين

يا مصطفى الهادى الأمين

نور النبىؐ ————— إبراهيم رضوان
ما شيين معاك

الكل شارب من ضياك

والكل بيصلى عليك

واقفين جميعا يا حبيبى ..

نردد القرآن معاك فى الليل

ونشبع من عنيك

ونكون جميعا أمه طاهره مؤمنه

جوايا شوق مالهوش مدى

أنده .. ترد على النداء

وأعيد ندايا .. تكون معايا صوت صدى

إحنا قلوبنا فى الهوى سربين يمام

ونفوسنا .. مش متردده

إبعت بقى للورد .. (زخات) الندى

لاجل العباد المؤمنه

لاجل اللى ضحوا بعمرهم ..

وياك يا طه من زمن

لاجل الصحابة المخلصين

نور النبىؑ ————— إبراهيم رضوان
يا مصطفى الهادى الأمين

مترك وصل للروح .. بشلال الحنين
أصبح طريقنا الدافى صافى .. وبسمله للمؤمنين
والسجده طالت ع الدروب

إيه اللى خلى الحب يدخل فى القلوب
إيه اللى خلى الحب يخرج م القلوب
وتسود لىالى الضلمه ع الكون الحبيب
يا مصطفى الهادى الحبيب

عالج قلوبنا م الضلامه والألم
خلى الحديث لنا علم
وارزقنا من كل البيان

خلى الإيمان لينا خشوع ويا خضوع
وأفوت معاك .. أوصل جزيره حنينه
ما اشبعشى من حسنك ونورك يا أنا
أجى إليك .. أرتاح على شط الحنان
تصبح عيونى شمعدان .. طول الزمان
ورموشى تصبح سوسنه

نور النبىِّ ————— إبراهيم رضوان
يا شمس بينا أقعدى

إنتى الأميره على الجموع

لحبيب حياتى .. إسعدى

أصبح رغيـف .. لو يوم يجوع

أصبح خشوع لله .. وسكه .. ومأذنه

أصبح نسيم شفاف لأى قلوب فى قلب المحزنه

أصبح لسيدى المصطفى الهادى الأمين

دمعة محبه وشوق .. بتحضن فى الجميع

الله عليك هادى شفيـع

وحنان لا يمكن يوم يضيع .. مهما جرى

الليل أخذنا زمان ورا

وحرماننا من نظرة عينك الحالمه

خلانا يا طه الحبيب .. نقدر نقرب م السما

ونكون صحابه مؤمنه

يا مصطفى الهادى الأمين .. إشفـع لنا

واحـمى قلوبنا كلنا

واشرح يا هادى لقلبنا

نور النبىؐ ————— إبراهيم رضوان

ازای یدق على البیان

وازاى يكون واحة إيمان

وازاى يكون ضد الضلام

آه يا كواحل .. بالرموش

وكاسات .. ملانه بالحلال

لو شفت غدر من الوحوش

خليك محبه وابتهاال

فيك " المزاهر " .. كل يوم بتزيد زهور

لا كبرياء جواك .. ولا جواك غرور

ولا حاجه .. غير الحب .. غير الإبتهاال

يا ورده فوق كل الجبال .. متربعه

يا شمس باينه م الجهات الأربعة .. جايبه دفا

أرجوك تقول للدنيا .. أول درس فى كتاب الوفا

يا مصطفى .. يا جبال صفا .. ونسيم عليل

يا نخيل بيوهب فى البلح

آه يا شفا للى انجرح

آه يا دفا .. لو فيه مطر

نور النبىِّ ————— إبراهيم رضوان
أنقذت روحنا من الخطر

ووصلنا جنبك يا حبيب القلب للجنة البراح

كان الإيمان لنا صلاح

طلع الصباح .. من بعد صوت الديك ما قال

من بعد شوك الخوف ما زال

وما زال معانا كتابك النور المبين

يا مصطفى الهادى الأمين

يا ألف ألف قمر مضى

ولا اخاف عليك طول الزمن .. من أى شئ

دا لأنك إنت النخله حارسه فى الطريق

والبلبل الشادى على كل الشجر

عاشق فى ضيك يا قمر .. لو فيه ليالى مزعجه

أهدى إليك العمر كله بنفسجه

إحلم معايا بالهوى

وابدا بحب طريق طويل

طول ما احنا ع السكه سوا

الشمس ها تكون الدليل

نور النبىؑ ————— إبراهيم رضوان
والبدر هاييوس الأصيل فوق الطريق
الله عليك أعظم صديق لاجل البشر
الله عليك مليون قمر ..
متجمعين فوق الجبل
شمس الأصيل قدام صنم
مليون نعم .. يا طه ميت مليون نعم
الله على أصل اللى كان الأمر من عند الإله
فرض الصلاه ع المسلمين
يا مصطفى الهادى الأمين
الليل هرب
والقلب م القرآن شرب
واحنا بقينا مسلمين
ما شيين على الخط المبين
ساجدين على الأرض الرماد
إنت كريم .. يا بو الجيوب ..
مليانه من أجل الصغار
شمسك ما زالت فى الدروب ..

نور النبىؑ ————— إبراهيم رضوان
لونك ما زال هو الخضار

قلبي خدوه للروضه .. شفتك مبتسم
فجريت عليك يا حبيبى .. لاجل أبوس إيديك
شفت المقام .. صليت عليك
وهمست ليك

إنك رسول الله .. ختام الوحي ..
والدعوه الشريفه للوجود
بدء الركوع ويا السجود
ونهاية الضلمه الرهيبه م الحياه
نظره يا نور الله ..

تساعد قلبي فى المشوار ..
تجفف دمعتي

ترجع نجومى لسكتي
واسجد لرب العالمين
يا مصطفى الهادى الأمين .. إشفع لنا
ويا القلوب المؤمنه
يا شمس قايده ف رحلتى

نور النبىِّ ————— إبراهيم رضوان
باحلم ليلاتى .. تكون طريقى فى السفر
وتكون قمر .. جوه الليالى لو تضيق
تطفى من القلب اللى حبك كل ضيق
وتجيب طريق .. لو يوم نتوه
يا نسمه جوه القلب
لو ضاقت جميع الأورده
يا بسمه طاهره فى الوجوه
يا أغلى من كل الكلام
يا أحلى من كل الكلام
ليك السلام
وعليك رعاية الله يا طه بدون حدود
يا اللى الخلود .. كان ليك هدف
الكون هتف ..
ساعة خروجك دافى لاجل نزمك
الله بنوره كملك
الله بخيره جملك
ما أكملك .. ما أجملك

نور النبىؑ ————— إبراهيم رضوان
آه يا ختام الأنبياء

صبحت زيارتك .. عند كل الكون يا طه أمنيـه

يا طافى من روحنا الشقا

باحلم يوماتى تكون مراكب رحلتى

جفف بمنديلك عرق فوق جبهتى

وان لحظه بانـت دمتى .. كون ابتسام

ما أصعب الأيام بدونك يا رسول

يا اللى انت أصل الحب .. و شطوط الغرام

لو فيه " فراق " .. إهرب بقى

من ناس ما زالوا غدارين

هانسيب دروبنا الضيقه

للمكبوتين .. طول السنين

يا مصطفى الهادى الأمين

إحنا وصلنا فى الميعاد ..

والقلب فيه مليون سلام

ووقفنا قدام المقام ..

والدمعه حايره فى العيون

نور النبىِّ ————— إبراهيم رضوان
ضاعت ظنون الكل

فى لحظة وئام

الله على بحر الغرام .. عاد السلام جوه القلوب

الله على الإنسان إذا قرر يتوب

ويدوب فى أنغام الوجود

باصص علينا فى الركوع

حاضن دموعنا فى السجود

ونعود إليك يا حبيبى لما تعود أوان البسمله

الله على تجميع قلوبنا فى الصلا

الله عليك يا مصطفى الموعود بآيات الإله

نجمه محبه للحياه .. وشراع وجود

ونعود إليك مهما جرى

نقعد معاك فى المندره

نقسم رغيـف الحب وغموس العطاء

الله يا نهر الكبرياء

دخل الإباء جواك فى ليلة مولدك

وفضلت ماشى .. والحراسه مقدسه

نور النبىِّ ————— إبراهيم رضوان
خلقك إلهك مدرسه .. مفتوحه من أجل الجميع

يا شفيع .. مفيش قبله شفيع

وشفيع مفيش بعده شفيع

ونضيع ونرجع ليك وجوه الروح حنين

يا مصطفى الهادى الأمين

يا نسمة شافيه للآلام

لينا الطريق .. يابو الكلام

ناطق بأمر الله .. جديد

أسلوب رقيق .. بان فى الزحام

خلى ضلام الليل يقيد

تظهر فى كل الكون نعم ..

تملى دروب المحتاجين

يا مصطفى الهادى الأمين

جيت للوجود يا حبيبى لاجل الخير يسود

وتعود جميع الأمنيات

إنت رسول المعجزات

نزلت آيات المولى ليك فى الغار ..

نور النبىؐ ————— إبراهيم رضوان
يا طه بدون ستار

كملت فى المشوار ..

وصلت لكل حته فى الوجود

ساد السجود .. بين كل أنواع البشر

وبقيت قمر فى الليل .. يغير منه القمر

زال الخطر .. من كل سكه ضيقه

ضاع الشقا .. مع كل آيه مقدسه

وصبحت جوه الكون فصول المدرسه

وصبحنا فوق مليون طريق ..

يا طه .. أيوه مكرمين

يا مصطفى الهادى الأمين

الى هرب .. لازم يعود

يا طه .. والليل الطويل .. يصبح حرير

علشان ما بيننا طريق شريف بيضمنا

واما بيصرخ همنا .. بنداوى روحنا بالضمير

بيننا النهار .. بيننا المبادئ والقيم

من قبل ما انده ليك .. تقول لى نعم

نور النبىؑ ————— إبراهيم رضوان
يا نور مبين للعالمين

الله فى قرآنه الشريف .. ذكرك وصلى عليك يا نور
أصبحت للأشواك زهور

وتدور بيننا الأيام .. منين خاتم سواك

نشر .. ما زلنا من ضباك

دا لأن خير الله معاك

يا نور على كل الحياه

كنت الإمام للكل فى الساحه الرقيقه للصلاه

الله معاك فوق الدروب الغامقه بالشوك اللعين

يا مصطفى الهادى الأمين

يا نور مبين للعالمين

الله فى قرآنه الشريف ..

ذكرك وصلى عليك يا نور

أصبحت فى الأشواك زهور

وتدور بنا الأيام مفيش خاتم سواك

نشر .. ما زلنا .. من ضياك

دا لأن خير الله معاك

نور النبىِّ ————— إبراهيم رضوان
يا نور على كل الحياه
كنت الإمام للكل ..
فى الساحه الرقيقه للصلاه
الله معاك فوق الدروب الغامقه ..
بالشوك اللعين
يا مصطفى الهادى الأمين
يحلى الختام وياك .. يا أكبر م الختام
صلينا بقلوبنا عليك ..
يا حبيبى من بعد السلام
وان حتى قلت عليك يا طه بدون حدود
ألقاك يا روح القلب أكبر م الكلام
نبح الحياه .. نظرة عنيك لى ..
فى ليل مالهوش حدود
تبقى العهود يا حبيبى ..
شرع الله حماية لقلبنا
نزل القمر ..
يسكن بنوره جنبنا .. رحبنا بيه

نور النبىِّ ————— إبراهيم رضوان
ودخلنا جوه عنيه .. لقينا نفسنا
طلعت فى لحظه شمسنا
ودفينا جدا م الشعاع
كان الدراع جوه الدراع ..
شطين حنين
الضل .. جنب الشمس
كان باين علينا يا زمن
ماشيه قوافل حبنا ..
قادره تخلقى الناس سوا
قاضى القضاء .. يا قلبنا ..
حاكم علينا بالهوى
يا اللى انت كنت جبال دوا ..
للمحتاجين منك شفا
يا روح حياتنا المصطفى
إزاي فى يوم ننساك وننسى دخلتك
على كل عاشق طلتك
على كل عايز قلتك

نور النبىؐ ————— إبراهيم رضوان
علشان بقاله كتير بيشعر بالعطش
سجاده لسه بتتفرش ..
علشان نصلى ركعتين
وياك يا طه يا أمين
وياك يا قلب المعجزات
صلوات ورا صلوات .. لعل الله يجيب
ويجيب عشاننا كرامه مش ممكن تزول
الله محبه يا رسول
واحنا معاك بالحب فوق كل الدروب
ومفیش غروب بيننا فى يوم ..
ومفیش هروب
وندوب معاك جوه الصلا
تجمعنا ضليلة خلا
فنقوم بفضل الله ونزرع قمحنا
تكمل حكاية فرحنا
يا طه يا اللى صبحت نور
إنت قلم .. كاتب سطور

نور النبىِّ ————— إبراهيم رضوان
خلى القدم تمشى بقى
يا طه .. خلى الشوك زهور
خطوة فراقنا ضيقه
أجمل قرار .. قلبى هايفضل يعشقك ..
أحلى قرار
قررت أركب مهرتى ..
واكسر بيبانك يا فرار
قلبى خرج .. وياك يا نور ..
المولى .. يحرس طلعتك
قدر الهوى .. يوصل طريقى بخطوتك
وزرع " زبرجل " جوه ليلك ..
وابتدى زمن الخضار
جانب للغريب الميّه قبل الإحتضار
وبقيت فنار .. جوه العواصف والرياح
ضاع المرار والإنكسار
وبقيت يا شلال الدفا ..
يا مصطفى ضوء النهار

نور النبىِّ ————— إبراهيم رضوان
علينا وياك الجدار ..

وصبحنا فوق الفوق برحمة ربنا

نهر الشجاعه فى قلبنا

وانت ما زلت يا هادى ساجد جنبنا

وبقينا جوه الدنيا بدر بيت رسم

هافضل معاك ..

لنهاية العمر الطويل .. مليون قسم

رسم الهوى .. بيننا هوى ..

ورغيف ماوردى بينقسم

آه يا رسولنا يا ضوء هدوى .. يا مشمشى

يا عيونى إوعى ف أى لحظه ترمشى

قدام غريب طمعان فى لونك من زمان

ولا يوم تخلقى الرمش للطمعان بيان

لو حتى فيه عنده عشم

ولا يوم تخلقى النور يضيع

آه يا رسول الحق يا أصل الربيع

ما انت الوحيد اللى صبح لنا شفيع

نور النبىِّ ————— إبراهيم رضوان
 الحق مش ممكن يضيع
 ولا يوم أبيع مهما جرى
 تصبح حياتنا الطاهره .. ليله معطره
 والتانيه مليانه دفا
 يا نن عيني يا مصطفى .. مشتاق إليك
 سميت عليك بعد الصلا وندعت ليك
 شفتك فى نومى .. ضىّ فى بينطلق
 ويببان لا يمكن تنغلق
 وبيوت كتيره عامره
 لسه الزهور الطاهره
 حاضنه جسورنا الضيقه
 بهواك .. قلوبنا عامره
 كارهه سكوت الشرنقه
 والمشنقه ..
 منصوبه للقلب اللى خان عهد الهوى
 واحنا سوا يا طه شفت الدنيا (قُبّه) منوره
 وسهول كتيره مخضره

نور النبىِّ ————— إبراهيم رضوان
وتلال شريفه من العقيق
وشجر عتيق مليون فروع
حسين بأن الجوع دخلنى ..
قريت عليك الفاتحه ..
حسيت ارتياح
يا اللى انت مفتاح الدخول ..
على أى حاجه مُصمته
يا نسمة فى الصيف الطويل
يا شمس دافيه فى الشتا
يا وجهتى .. وقضيتى جوه الحياه
الله بفضلله يا طه صانك واصطفاك
وهبك ضياك ..
علشان تخلقى الكون ضيا
يا سيد لكل الأنبيا ..
والمرسلين لاجل البشر
صوتك فى كل مكان قمر ..
وشموس إيمان بتضمننا

نور النبىؐ ————— إبراهيم رضوان
إنت أبونا وأمنا

وانت الملاذ لو فيه خطوره فى السفر
وانت اللى أهداك القدر .. لينا فى ليلة إحتياج
وانت نشيد حجاج فى ساعات الطواف
وازاي تخاف ..

والرب ساندك منذ لحظات الميلاد
يا هدايه طاهره للعباد
وآيات مع ليل السهر
وتحب فى محبتى .. لك يا رسول الحب ..
يا أعظم قمر

وان طال على القلب السهر .. يدريك نجوم
تطفى الهموم يا طه من قلب الحياه
الله عليك قارب نجاه .. وشراع حنين
الله عليك أجمل سنين .. فى الذكريات
العمر حتى ان فات ..

بتصبح عمر تانى بيبتى
وبتنزلى يا شمس لينا تسعدى .. قلب الحياه

نور النبىِّ ————— إبراهيم رضوان

عمر الطريق وياك صديق

عمر الفؤاد فى هواك ما تاه

عمر الإله أبدا ما يتخلى فى يوم

عن عبد جوه الليل شكور

عمره ما ينطق كلمه زور

ولا يوم يقول .. غير الحقيقه يا رسول

ويطول علينا العمر .. ننظر للى فات

نستغفر الله العظيم فى سرنا .. فى جهرنا

الصدق عام فى نهرنا

والشهر .. هو شهرنا ..

لو قلنا كلمة حق قدام الطاغوت

بنعيش كثير .. بعدين نموت

ونقابل الحق المجير

يا رب .. لسه باستجير ..

بحماك لأنى فى احتياج

أمواج ورا أمواج بترعش شطنا

إمتى نغير خطنا .. ونعود لدائره مقدسه

نور النبىؑ ————— إبراهيم رضوان
ويا رسول الحب .. أعلى مدرسه
نعلى .. نحقق بالآيات فى الأمنيه
نرسم فروع للسكه فوق شجر الضيا
تهمسلى إن الحب شرع الأنبيا .. والمخلصين
تزرع فى أرض الدنيا أشجار الحنين
وتنادى لى .. لو أغيب عنك فى يوم
ومفیش هموم .. وياك فى يوم
ومفیش سواك جوه الكتاب .. بين الضلوع
لو فيه دموع .. تصبح مناديل اللقا
لو فيه شقا .. تصبح سفاين طيبه
الله على شكل الشراع ..
ساعة ما يحضن مركبه
الله على لحظة رجوعنا للصبا
الله على نور اللجوء للمصطفى
القلب حاسس بالدفا
والروح معاه طايره بتعلى عن الفضا
مهما يكون بنقول رضا

نور النبىِّ ————— إبراهيم رضوان
ونوح الحق المبين

يا حبيب حياتنا يا أمين
يا بو الشراع مفروء فى بحر الأمنيات
إنت رسول المعجزات
وانت اللى ذكره فى الآيات جوه الكتاب
نفتح فى باب الصبر نتهجى الأذان
نندم على كل اللى كان
ونعوم مع الوجدان ..

فى بحر الحب والوجه الحنون
نبعد فى روحنا عن الظنون
ويقول لنا الرحمن يا عبد الله يا صابر
كن .. تكون

وهاكون إذا احتجت المحبه الطاهره عون
صلوا على الهادى اللى طهر فى القلوب
لو قلب جوه الزحمه مش قادر يتوب ..
يقدر يتوب

ويدوب فى ذكر الله وذكر الهادى ..

نور النبىِّ ————— إبراهيم رضوان
يوصل للسما

ويا القلوب المغرمه
ويا البراءه الصافيه جوه المحكمه
يهرب بروحه م الهلاك
طه .. ماليش غيرك هنا
أيوه .. ماليش غيرك هناك
غيمه رقيقه حنينه
لمست مقامك يا ملاك
بصينا م الشباك عليك
واتبسمت فينا العيون الحاضنه لسه ملمحك
ياما قاسيت يا طه من كفار قريش
والكفر صمم يجرحك
وانا جيت لنور الله يا طه يا رسول
علشان أقول
ووقفت قدامك خجول ..
أصرخ يا رب الكون نعم
عمرى ما كنت فى يوم أكل ..

نور النبىؑ ————— إبراهيم رضوان
للحق .. أو عابد صنم

لكن ساعات .. كان الشيطان

يدخلنى فى حالة رضوخ

أتدارى منك فى الحيطان

وأدوس تماما ع الشيوخ

ويفوت زمان .. أكبر كمان

ألقانى قدامك بادوخ

إنت اللى خالق فى العقول

فبلاش تودينى العدم

وبلاش توصلنى يا رب الكون ..

لمرحلة الندم

خلى القدم .. قادره على جبل الطلوع

خلى الدموع .. بالنسبه لى وضوء شريف

أقسم فى نص رغيف على مليون حصان

يا رب يا رحمن .. يا باعت لينا طه من زمن

نص الكتاب .. أصبح وطن

لاجئ إليك ..

نور النبىِّ ————— إبراهيم رضوان
بعد انكسارى على الدروب الضيقه
بعد انتصارى على الشيطان المفتى
باهمس لروحى اتحررى .. من ليل طويل
قمر المحبه مالوش مثيل
رجعلى كل اللى انهدم
إنت غزاره فى الشعور
وغزاره حتى فى السحاب
نايم "ياقوتك" فى البحور
أكل النبق .. محتاج صعب
كامن فى قلبى الحب ليك
يا طه من عهد القدم
حتى القدم ..
صبحت على السكه الجريحه ميت قدم
يا اللى همست لكل ناس الدنيا بحروف الحكم
حتى الهوى جوه المقام ..
واحنا سوا .. أصبح دوا
يا اللى الجمال فى مظهرك ..

نور النبىِّ ————— إبراهيم رضوان
هو الحلال فى المحتوى
دا الكون يا طه بما حوى
ساجد معاك تحت السحاب
يا فاتح الطاقه الشريفه للصحاب
عاشقك إذا ما الكل غاب فى سكته
عاشقك وقلبي الصافى عارف وجهته ..
مع وجهتك
سلمت روحى لحضرتك
وذكرت فى الله المجيد
وأقول واعيد تانى الصلا
أزرع نخيلك فى الخلا
أشعر بأن العمر قرب م الرحيل والزله
وأحل بيك المسأله
أتى إليك يا حبيبى ماشى ..
والدموع فوق الهدوم
فجأه .. تزول منى الهموم
ألقانى فايز فى السبق

نور النبىِّ ————— إبراهيم رضوان

كلت النبق يا حبيبى شافى بالحديث

كان الأمل يا حبيبى فى الأول بصيص

والليل طويل من أوله

مشوار لا بد نكمله يا مصطفى

بيك الشفا .. فيك الشفا

ليك كل نور المعرفه

ليك كل عمرى يا أمين

لما ضلام الفرقه جانى ف يوم حزين

وهمسلى إنى هاضيع يا طه الحب

فى سباق السنين

أيوه ما صدقتوش وجيتك فى ميعادى يا قمر

جايب عشانك كل حاجه مبهمه

شفتك ملاك .. حاضن عشانى بنفسجه

شفتك نجا .. من كل حاجه مؤلمه

شفتك نجوم .. كل السما

شفتك شفيح لى فى قلب المحكمه

الحكم بعد إدانتى .. كان بالأوسمه

نور النبىؑ ————— ابراهيم رضوان
واللى سما يا طه هو حضرتك جوه الوجود
شفتك فى دعوه شريفه فى نص السجود
واهرب .. واعود ..

ألقاك بتستنى رجوعى م السفر
ألقاك قمر .. مالى الجهات الأربعه
الحب كله منفعه .. ودليل لعابر فى السبيل
عمرك ما كنت فى يوم بخيل على أمتك
ورضانا كان يا طه نور أمنيته
فمشينا حنبك سكتك

وآمننا بالله الغفور
لا قولنا أبدا كلمه زور ..
ولا ليله خدنا الليل معاه
يا ضىؑ من عند الإله .. مبعوت لنا
الشوك معاك يا حبيبى أصبح سوسنه
والخوف مضى

طايرين بروحنا معاك يا طه فى الفضاء
وجناحنا .. آيات الكتاب ويا الحديث

نور النبىؑ ————— إبراهيم رضوان

آه يا جليس الروح يا أكرم من دعا
دوست الضلام .. والثرثره والسرسعه
وبقيت مع .. كل اللى قالوا ليك نعم
جايب معاك ليئا النعم
تشفى جروحنا المؤلمه
إنزل بقى .. يا بدر من نص السما
لاجل القلوب المغرمه
سكك المحبه مغيمه ..
من غير عنيك الحالمه
يا طه والعالم سكون
البُعد عن بيت الحبيب الدافى بيساوى الجنون
وانا فى هواك .. يا رسول (كريم) ..
أيوه أكون .. أو لا أكون
لا قدرت إنى فى يوم أخون
ولا كنت ويا الرب غير إنسان شكور
ووقفت تحت العرش كائن آدمى
فيه الخطايا والنوايا الطيبه

نور النبىِّ ————— إبراهيم رضوان
باهمس لإبليسهِ .. بلاش تستسلمى
وتسلمى لىّ حبال المركبه
نُصى ضعيف .. والنص تانى ضعيق قوى
والنص تالت .. لسه مش عايز يتوب
ما اقدرش آكل (نبقه) إلا ما تستوى
أو تحتوى على دقه غير كل القلوب
آه يا أنا .. أرجوك بذنبك تنطوى
وتخلى روح القلب فى المولى تدوب
قومى يا نفس .. لكل مؤمن إخدمى
سيبك بقى .. من كل ناس الطبطبه
سيبك من الماشى طريقه بالخطأ
واللى ما قال الحق يوم .. ولا يوم نطق
واللى غرق فى الذنب .. مش قادر يعود
واللى نسى شكل السجود
واللى نسى شكل الركوع
واللى هرب بحياته من سكك الخشوع للى خلق
إعلنها يا طه بصوتك ع الملاً

نور النبىِّ ————— إبراهيم رضوان
وارقينا لاجل نقوم ونسقى فى اليمام
إنت الصلاه وانت السلام
وانت المحبه بدون كلام
والإبتسام بين الجموع
وانت الشبع يا حبيبى فى نور النظر
إغزل بقى ..
شال المحبه للحبيب المنتظر
الليله هايهل القمر
وهاتصبح الأيام .. ريحان .. وقرنفله
الحب لو مخلص بياخذ صاحبه دايما للعلا
الحب أول سطر فى كتاب الصلا
يا طه ما اقدرشى أقول .. غير يا حبيب
لو تلمس الأيام .. تطيب
لو تلمس الأحلام .. تجيب .. أحلام كثير
أجمل ما فيك يا رسولنا يا سر الحياه ..
هو المبادئ .. والقيم .. هو الضمير
هو امتثالك للمجير

نور النبىؑ ————— إبراهيم رضوان
من أول الدعوة الشريفه ما ابتدئ
واتحدت .. أشياء كثيره بالآيات
الله يا أصل المعجزات بين الجميع
الله يا طه يا شفيع .. يا حبا
من قبل جبريل الحبيب .. وانت يا غالى جنبنا
بتقول لنا
كونوا على السكه البراح أزهار منى
وقلوب رقيقه حنيه ونجوم شفا
كونوا السند للمصطفى .. فى كل حين
الله فى نورك يا أمين
الله بفضلہ اختار رسالتك واصطفاك
وناداك تكون شمس الإيمان للمؤمنين
يا موج فى شلال الحنين .. يا مرتجى
يا رسول يا قارب للنجا
يا إيمان وجوه الأنسجه
يا اللى انت خاتم للجميع
وياك لا يمكن يوم نضيع

نور النبىِّ ————— إبراهيم رضوان
وانت الشفيح للكل فى يوم الزحام
مليون سلام يا حبيبى ..
واقف فى المقام أندھ عليك
واترجى فيك .. تشفعلى لو زاد الزحام
يكفينى كل اللى جرى
وباحب فيك .. كل الخصال .. مهما جرى
وان يوم صادفنى طريق بخطوه ممره
أندھ عليك .. تيجى تغير خطوتى
تصبح رقيقه نظرتى .. أصبح نسايـم ع الخدود
أنا حبى ليـك مالهوش حدود
يمكن يكون يا طه .. من عهد الجدود
يمكن يكون أصبح ورود
على بابك المزروع حنين
يمكن يكون يا طه أطول م السنين
يا اللى انت جوه الروح أمانى ممكنه
سيرتك فى كل الأمكنه والأزمنه
دا لأنك انت الهادى والمختار ودقات الجرس

نور النبىؐ ————— إبراهيم رضوان
فى المعركة .. كنا معاك راكبين فرس

ماسكين سيوف

ولا يوم دخلنا خوف يا طه منذ بدء المعركة

كان العدو .. كفار قريش المشركه

بعد ابتداء النصر .. نبدأ فى البكا

على كل صاحب مات يا طه الحب ..

أو صاحب نزف

لحن الإيمان يا حبيبى لسه بينعزف

والوقت بقلوبنا قذف

وما عادش باقى غير قليل

يا مصطفى وانت الأصيل فى كل شئ

وانت اللى باقى لينا فوق مليون طريق

وانت الصديق للعاشقين

إوصل لقلبى يا أمين

وافتح لروح الكل باب

دخل الضباب .. إحمينى من سفر الضباب

نفسى الأمور .. يا طه تمشى بدون ضرر

نور النبىِّ ————— إبراهيم رضوان

أيوه يا ريتنا نعيش بدون أيام غياب
وأكون معاك م الفجر .. لو حان السفر
آه يا ضفاف صفاف .. وضمه حنينه
وقمر بيصبح سوسنه .. على كل باب
يا نسمة .. لو باس العيون .. ليل اغتراب
يا كتاب .. ومش مكتوب خطأ
الفجر فى الضلمه نطق بلسان بلال الأحمدي
الصدق أصبح لنا سكه سرمدى
قالت لروحنا اتجددى
واتحددى .. فى الكعبه يمكن ضوء بيان
قرآن فى روحنا بكل آيات البيان
وبيبان بتفتح كلما آن الأوان
آه يا رسول روحنا .. يا بدء المبتدى
يا ورده لون الضىّ عاشقه فى الندى
ليك يا رسول كل النداء .. كل الحروف المخلصه
يا حديث بيطفى فى الأسى
ويكون لكل الكون حياه

نور النبىؐ ————— إبراهيم رضوان
بعثك إله الناس صلاه ..

وزكاه .. وصدق لكل أركان الوجود
نمشى .. ولكن بعد حين .. لازم نعود
وتجود علينا يا طه بنجوم الضيا
يا اللى جميع الأنبيا ..

وقفوا وراك صفين فى أرجاء السما
كل الوجوه .. كانت معاك متبسمه
متبسمه يا طه ..

من ضىّ العبير اللى ظهر مع سجدتك
يا اللى جميع الأنبيا ..

قالوا بأك كنت خاتم للرسل
الله على الضوء اللى ويا لقاك وصل
وقدر يجاوب ع السؤال

إنت رسولى .. ضمنى
خايف وهاتحدى المحال

نار الضلام بتجننى
وانا كلمه .. زى أدان بلال

نور النبىؑ ————— إبراهيم رضوان
أنا عمرى ما اقبل اكون يا أغلى الناس ضعيف
علشان ضميرى ما زال شريف ..

وما زال ضيا

وهواك فى قلبى أغنيه .. مع أمنيه
باهواك يا أشرف ضل حاضن فى الضيوف
لو حتى ضاع .. مليون شراع بين الصفوف
يكفينى اشوفك قلب جايب للحياه دايمًا رغيؑ
يا صاحب القلب العفيف .. بين البشر
لو فاكهه طابت ع الشجر ..

توهبها للقلب اللى عاز
وتشيل قزاز .. من سكة الإخلاص بشوق
وتأخذنى رغم الريح لفوق
يا اللى الشروق كان طلتك ..
ع الصحبه فى ليل الأرق
نورك برق ..

فى كل أنحاء الكره الأرضيه ..
غطا كل شئ

نور النبىِّ ————— إبراهيم رضوان

وما زلت واقف ع الطريق ..

بتساوى فى كل الصفوف

ولا فيه فى قلبك أى خوف

من شهقة الليل الشحيح

الحرف من قلبك مريح

وفصيح كلامك بين جميع الناس هنا

وما بين جميع الناس هناك

الصدق له شباك ..

وكذب الناس بيصبح شئ سراب

يا اللى فتحت الباب عشان ندخل معاك

وندوق مع الأحاديث ضياك

يا مصطفى الهادى الأمين

أستنى منك كلمتين

الكلمتين صبحوا ورق

مرسوم عليهم .. نور مبين

سبحانه هو اللى خلق

مين اللى ع الأبواب طرق

نور النبىؑ ————— إبراهيم رضوان
يا اللى انت ألف هلال برق .. جوه الليالى المظلمه
إشفعلى لو محتار فى قلب المحكمه
واسقبنى (شربه) .. مستحيل ..
أعطش معاها للأبد
خلى ضياك لىّ سند
لو ضلّمت .. كل الليالى المفرحه
تصبح نجوم الحق لىّ مسبحه
وارتاح من الهم الثقيل
خلى ميزانى فى الحساب ..
يتقل بكفة خير تساند وقفتى
قدام إله العالمين
إنت رسولنا يا أمين وانت هلالنا المنتظر
وياك بيحلو النظر ..
ساعة ما تيجى نبص لىك
الله على نظرة عينك الحالمه
الله على كل العيون المسلمه
واللى ما زالت فى البعاد مستسلمه

نور النبىّ ————— إبراهيم رضوان
لله .. رب العرش .. إله العالمين

جوايا شلال الحنان .. بينادى ليك يا مصطفى

وبيجى ماشى لحد عندك يا رسول

الكل ماشى بالأصول

والكل ليك عايز يقول .. إنت النبى

ضد الحروف اللولبى

ضد الخديعه والنفاق

يا كبرياء القلب فى لحظة تحدى للى خان

يا مصطفى العدنان يا مالى القلب بالقرآن شريف

يا اللى انت بتضيف الكثير لاجل الصفوف

الصمت جوه الحب موت

طهرنى تانى بالحروف

نفسى معاك أقدر أفوت

من غير ما يملى قلوبنا خوف

نفضل نطوف

حوالين بيوت الله عشان نقدر نشوف

ونطوف على كل النجوم اللى ابتدت

نور النبىِّ ————— إبراهيم رضوان
تسجد معانا للاله

إزاي تكون الدنيا من غيرك حياه
والعمر ماشى لمنتهاه
والليل ما زال .. واقف بيستنظرنا قدام البيان
قرآن دخل جوه الكيان .. علشان نعيش
الظلم جيش ..
والصدق فرد بألف فرد بدون كلام
آه يا نجوم الإبتسام .. جوه الأنام
إزاي ننام .. والدائره فيها يتيم جعان
يا هادى .. يا قنديل إيمان فى قلبنا
قاعد وماشى جنبنا
وما زلت جوه قلوبنا شلال المحبه والحنين
يا مصطفى الهادى الأمين
ضلل علينا بكل حاجه ممكنه
وازرع فى روحنا سوسنه .. لون الندى
باهواك يا طه بدون مدى
واترجى طيفك يا حبيب الروح يجينى فى المنام

نور النبىؐ ————— إبراهيم رضوان
يسندنى فى حسن الختام

يرقىنى ويدفينى .. يدينى الأمان من غير حدود
يسعدنى دايمًا بالركوع الدافى .. دايمًا بالسجود
وأعود ألقى القلب عايم فى النعيم
واصل معايا للهدف

يا طه والأيام تجيب لنا الصدف
الحب عمره ما كان صُدف .. ذا قدر عظيم
وأمل .. وشئ مكتوب على جبين البشر
لو يوم تغيب .. ألمح ملامحك فى القمر
واسهر معاك رغم البعاد .. رغم الفراق
وأنام ولكن يا حبيب

ما تنامشى نار الإشتياق
تعطينى مهما الدرب ضاق .. أو صار شحيح
إرحم يا رب الكون .. ما زال قلبى جريح
والسكه مليانه انهيار

خلى النهار يا رب .. ميت مليون نهار
واسقنى نهرك سلسبيل .. علشان أطيب

نور النبىِّ ————— إبراهيم رضوان
إشفعلى بالهادى الحبيب

واحمى خطايا فوق دروب الأمنيات
نسينى فى ذنبى اللى فات واللى انقضى
واغفرلى ذنب رهيب مضى
ماتخلينيش ..

ماشى ولسه الخطوه .. فى صهد الحياه متردده
خلى الحياه متجدده .. بالآيه صافيه والحديث
خلينى ويا كتابك المحفوظ جليس
وونيس لكل المرعوبين فوق الدروب
نسمايه فى كل القلوب الطاييه
أو مركبه ..

فى بحر عاتى الريح .. غريق
أصبح يا رب الكون شموع فوق الطريق
وأصلى ع الهادى الصديق فى كل حين
يا مصطفى الهادى الأمين
الله فى مشوارك معاك
وانا فى ضياك ماشى ..

نور النبىِّ ————— إبراهيم رضوان
وجوه عيونى أنهار الدموع
التوبه .. دعوه للرجوع ..
لله فى لحظات الشفا
ولا بيننا غير شرع الإله
عاشين حياه .. غير الحياه
والزيف واخذنا لكل حاجه مبهمه
أوقات نبص على السما
بعدين بنرجع تانى للأرض الخراب
نفتح فى باب المعصيات السيئه
جوه ميدان الليل نجول
صفينى تانى للولاد
آدى فؤادى .. إقسُمه
لما وصل نور الميلاد
كل الولاد اتبسموا
آه يا حبيب القلب .. يا أصل الأصول
آه يا طريق الحب .. يا أغلى رسول
خليت سكوت الليل يقول .. غنوة محبه حنينه

نور النبىؐ ————— إبراهيم رضوان
وتفوت سنه بعد السنه

يكبر فى أرواحنا الغرام
ونقول كلام .. ما حد قاله قبلنا
والنور بحب يقول لنا على كل شئ
نمشى على أظهر طريق .. بحنان وشوق
الناس إذا نزلت .. بنعلى يا غالى فوق
وندوق .. ندوق
قدامنا شهد .. يخلى كل الكون يروق
وفروع شجر زقوم بتتحدى القمر
يا نور عيوننا الطاهره ..
آه يا هديه من عند القدر
إيه اللى جالنا ..

من خروجنا الواعى من بيت الأصول
من بعدنا .. عن آيه طاهره فى الكتاب ..
وحديث لسيّدنا الرسول
إيه اللى خلى الذنب بعد ما زاد ..
يطول فجر الحياه ويضلمه

نور النبىِّ ————— إبراهيم رضوان
القلب .. ذنبه حطمه

ومفیش رجوع .. مهما فى ليله نكلمه
ونعلمه معنى الوجود
وازای بتنزل دمعہ فى نص السجود
وازای تكون الدنيا دنيا ..
بالنوايا الطيبه مهما جرى
الذنب ليه خدنا ورا .. رغم انطلاقنا للهدف
لحن المحبه لا بد ليله يتعزف
الوقت يا طه قذف
وسفرنا أصبح مش مريح
لو فيه " مديح " .. أيوه احترس
يا صاحبى من كل المديح
خليك جرى .. فوق الفرس
حتو ولو قلبك جريح
واطلق خيالك للمزايا العليا فى كل الكتاب
كون ويا مختار الوجود دايمًا صاحب
وافتح فى باب المعرفة

نور النبىِّ ————— إبراهيم رضوان
إسمع كلام المصطفى .. مهما يكون
إبعد تماما عن ظنون النفس فى ملك الملوك
الدنيا شوك للى عصا
واللى ابتردى يهجر طريق الموبقات
الرب قاله خلاص هاتدخل جنتى
ويا الرسول مع صحبتى
هاتعيش قرير العين .. فى واحه مريحه ..
مش موجود يا صاحبى زيها
والله حتى البدر غار من ضيها
فبلاش عناد .. يا خدك فى ليله لمعصيه
خلى رضا الرحمن فى قلبك أمنيّه
واتدارى م الشر اللعين
نادى بشوق وبصوت حنين
ع المصطفى الهادى الأمين .. هادى الأمم
لو نادى ليك .. قوله نعم
واشبع بقلبك م النعم
واتهجى آيات الوصول

نور النبىؐ ————— إبراهيم رضوان

والله يا سيدنا الرسول .. خيرك وصل

لا نوم فى روحنا ولا كسل

ولا فيه سوا الرب الرءوف

الخوف فارقنا من زمن

من رزقنا لو كان قليل

من قلبنا لو كان عليل

أصبح كلام الله دليل ..

لينا إذا زاد الضلام والإختناق

لو يوم طريق الدنيا ضاق

أو شوفنا روحنا بتشتكى

يا شمسى .. موعود بكى

مليان حنين .. زى الطوفان

فى البعد .. كان قلبى بكى

وفضل يدق على البيبان

الكبرياء جوه نجوم الهادى .. بدر بألف لون

وانت يا سيد المرسلين العاشقين المغرمين

بتكون قمر جوه الزحام .. أو لا تكون

نور النبىِّ ————— إبراهيم رضوان

معروف بإخلاصك وحبك للحبيب

لو يشتكى بتكون طبيب .. مهما جرى

وان لحظه ضاع .. تصبح فناره منوره

وأراضى لون القلب .. طاهره .. مخضره

آه يا زحام المندره .. حوالين رسول الله ..

فى أيام الجفاف

آه يا لحاف .. سابه رسول الله على

ضهر اليتامى والأرامل واللى عاز

آه يا قزاز محطوط ما زال فى طريقنا ..

لاجل يعطل القلب النضيف

آه يا رغيف م الحب من عند الرسول المفتدى

سابه فى جيبنا يوم ما صلينا عليه

آه يا صديق .. فارد إيديه للشقيانين

آه يا حروف لقصيده بتساند ليلاى ..

فى اللى تاهوا ع الدروب

آه يا قلوب متحطمه

إهدى بذكر الله ودقى من جديد ..

نور النبىؑ ————— ابراهيم رضوان
على كل أبواب السما

واتعلمى إن النفاق .. دايمًا دروبه مضلمه
أوقات بيرفع .. إنما .. يرجع ياخذنا للحضيض
آه يا رسول .. فى الكون صبح مسموع نذاك
مخلص .. وعمرك يوم ما خُنت اللى نذاك
ووقف ينادى عليك من الشباك فى يوم
إنت طريق من غير غيوم .. من غير رياح
إنت سماح الدنيا لو ضاع السماح
وانت الطبيب الدافى .. لو باتت جراح
وانت الرياح ..

بتهز فى الباب اللى لسه بينغلق
وانت الشعاع اللى انفلق .. نصين ..
لواحد تاه فى دنيا بدون ضمير
والتانى للطفل اللى جاى فوق الفرس
يا طه .. كنت الهادى ..

كنت على الأصول أعظم حرس
دقيت عشان الناس جرس

نور النبىِّ ————— إبراهيم رضوان
قاموا جميعا .. بعضهم .. يا طه قدروا يسندوك
والبعض .. حاولوا يعطلوك عن وجهتك
وانت اللى حافظ سكتك
وانت اللى حافظ كلمتك
دا لأنها .. يا طه من وحي الإله
قدمت دائما للإله
كل الآيات اللى ابتدت ..
تدخل ليلاى فى القلوب .. وترجها
من غربها .. إلى شرقها
وتكون فى ليل الكون وليل يوم السفر
إنت اللى حامى قلوبنا بنجوم الكتاب ..
يا طه من عز الخطر
وانت الحديث أخضر .. بلون قلبك .. جميل
يا بدر جوه الليل أصيل
إحنا ابتدينا نفوق ونرجع للآيات
نجنى جميعا يا رسول ..
حسنات هاتنفع فى الممات

نور النبىِّ ————— إبراهيم رضوان
والجنه ليها يا حبيب مليون تمن
آه يا زمن .. فعلا عجيب .. أغرب زمن
أوقات كثير .. يا رسولنا .. تهزمننا المحن
لكن إذا .. طال الشجن .. وزرع دموعه ع الخدود
يدينا حب بدون حدود .. يدينا جاه
إنت زتون يا وليفى فوق شط النجاه
وعنيك يا روحى " زعفران " .. فوق الوطن
توصف لنا جنة عدن
تنزل دموعنا ع الهدوم
وتزول هموم النفس .. نسجد ع الدروب
ويا القلوب المطمئنه للإله
إنت رسول الله .. مفيش أبدا ختام ..
غيرك يا طه يا إمام المرسلين
يا مصطفى الهادى الأمين
الحق كان وياك مبين
وسنين سنين ..
بنقاسى من ظلم اللى فضلوا يستبدوا ويجرحه

نور النبىؑ ————— إبراهيم رضوان
قلبك ليلاتى تسلحه ..

بالآيه يا نور الإله اللى وصل ..

على كل أركان الحياه

إنت رسول الله ..

شفيعنا فى يوم مفيش غيرك شفيح

وانت اللى مش ممكن فى يوم أبدا تضيع

وانت الربيع .. فوق الروابى ..

فى عز أيام الجفاف

وانت اللحاف مشدود على الطفل اللى جاع

قلبك .. لا عمره فى ليله باع

ولا خان عهود الله فى لحظه يا رسول

الخير .. مع قدومك سيول

تمشى على شوك السهول

تخضر .. تطرح كل حاجه مقدسه

الله عليك يا مدرسه

فيها الفضول مفتوحه من أجل الجميع ..

صبح ومسا

نور النبىِّ ————— إبراهيم رضوان
لأجل النفوس الطيبة .. لأجل القلوب المخلصة
تحمى فى روحنا من حبال المشنقه
الليل " زجاج " .. إبعد بقى
إبعد بقلبى عن الزجاج
الناس نوايا سيئه
يا شريف .. وضد الإعوجاج
يا سكه طاهره .. إلبسى
عُقد الزمرد بالتعب
فوق السطوح اتشمسى
قاسمينى عنقود العنب
إهدى البرايا بالأدب
ومعايا صلى على الرسول المرتجى
جايب نجا للغرقانين فى غيهم
أهدى لروحهم ضيهم
وبنور حديثه قال لهم :
إن الحياه .. محتاجه للحسنات تطهر قلبها
محتاجه إن الله يكون ..

نور النبىؐ ————— إبراهيم رضوان
ماشى فى نورها جنبها
يا رب .. يا رب القلوب اللى ابتدت ..
بحنان تدق على البيوت
خلى لشمس الحق صوت .. علشان نعيش
خلى لطير الصدق ريش علشان يكون
خلى اللى كان فظ الشعور .. يصبح حنون
ويكون معانا ع الطريق
يصبح صديق .. للمصطفى الهادى الأمين
ولكل ناسنا الطيبين .. فوق الخطاوى الضيقه
إوعدنا جوه الليل بشمس الشقشقه
وجعل حياتنا كن .. نكون
ولا حد غيرك يا حنون
يقدر يكون لى حبيب
الحب عمره ما كان جنون
الحب للعاقل قريب
والهادى كان هو الطبيب ..
ليلة ما قولنا بحرقه آه

نور النبىؐ ————— إبراهيم رضوان
يا طه .. يا سر الحياه
يا بدء عمرى ومنتهاه
الله عليك يا حبيبى واقف بين جموع
علمتهم إن الخضوع ..
يبقى بجاه الله بدون ما يكون شريك
وان اللى مؤمن بالمليك
هو اللى فايز بالنعيم
آه يا رسول الله يا هادى يا كريم
تعظيم .. وميت تعظيم .. يا طه المعجزات
معصوم .. مفيش فى القلب أبدا سيئات
ولا حاجه غير قرآن بيهدى فى العباد
بدأ الميلاد يصبح ميلاد ..
وياك يا عبد الله يا خالد فى القلوب
يا حنان ما زال بيدوب فى روح المخلصين
يا مصطفى الهادى الأمين
الليل خلاص لما أتيت .. أصبح نهار
أيوه زمان .. الإنكسار

نور النبىِّ ————— إبراهيم رضوان
حاول يدوسنى بألف إيد
لكن أنا .. زارع نهار
كاسر يا طه ألف قيد
وباعيد فى قولك ليل نهار يا مصطفى
واشرب بقلبى من بحور .. مليانه دايم بالشفاف
أجى إليك م الفجر .. أسهر بين إيديك
واترجى روحك يا حبيب القلب ..
تشفع لى فى يوم الحساب
تفتحلى ألف وألف باب للمغفره
ألمس بإيد سياج محبه طاهره
وابكى بحرقه فى حضرتك
أشعر بلمسة كفتك
على كتفى .. أفرح يا رسول
هى كده سكك الأوص اللى ابتدت ..
بالدعوه صافيه والأدان
هو كده العدنان فى صمته ..
وصمته كان دايم مهيب

نور النبىِّ ————— إبراهيم رضوان
هو كده طه الحبيب

فى وجوده بيننا مهما هايفوت الزمان
فى ألف مكان نصلى عليه ونلمح نظرتة
باصص علينا كلنا

بيباهى بيننا فى الأمم
ننده عليه .. ويقول نعم
القلب يشعر بالنعيم ..

جوه المكان اللى ابتدى يصبح زحام
أفواج .. ورا أفواج بتنده حضرتك
سهرانه طول الليل يا طه فى حضرتك
ولا لحظه عن كل اللى صلى عليك فى يوم
هاتغيب وتوصل للمغيب

يا اللى انت للعالم جليس
نورك .. آيات فوق القميص
نظرة محبه فى العيون
محتاج إليك دايمًا ونيس
وجليس لا يمكن يوم يخون

نور النبىؐ ————— إبراهيم رضوان
يا شمس طاهره .. إبعدى
عن أى ضلمه تعرك
لسه جعانه .. إقعدى
ع العرش .. واحنا نفطرك
ونعطرك .. بالذكر .. ذكر الله ..
وذكر الهادى .. ونزوره سوا
نلقى فى أنوار المقام .. كل الدوا
والكون .. وخيره وما حوى
واللى انطوى من ذنب ..
بالحسنات ضرورى نعوضه
والدين .. فى أرجاء الكره الأرضيه تانى نشيده
ونسيده .. على كل شئ فى المجتمع
لما اجتمع .. سيدنا النبى ..
فى الغار مع جبريل صبحنا مسلمين
وانت يا طه يا أمين
دقيت على بابك .. وكان أجمل جواب
يا أغلى باب .. دقيت عليه فى المبتدى

نور النبىِّ ————— إبراهيم رضوان

كان النداء .. لك يا رسول أجمل ندا

ومشيئا نزرع فى الطريق كل الأمانى الممكنه

وتفوت سنه .. نصغر سنه

ما اقدرش اقول أبدا عليك ..

غير إنك انت دروب يا طه مؤمنه

وانك عشان الكون طيب

حبك سمك .. جوه الشبك ..

يحميك لنهرى يا حبيب

فى الفجر آه .. سميت عليك ..

وسقيت أدان النور حليب

ونزلت ليك .. وطلعت ليك ..

دخلت فنارتك فى الفضاء

ياما سنين الإغتراب .. حرمتنى من أجمل ندا

وبقيت يا أحلى رسول سحاب ..

راشش على الدنيا ندى

وبقيت سفاين جايبه لينا الزاد هوى

وبقيت جميل الشكل .. غالى المحتوى

نور النبىؐ ————— إبراهيم رضوان
والراحه .. مش ممكن هاتيـجى الراحه يوم

إلا إذا كنا سوا

آه يا دوا للملهوفين على رؤيتك

على كل ساجد لـلاله فوق سكتك

الله على الضوء الشريف فى نظرتك

فى طلعتك .. فى جبهتك

الكل ماشى على الصراط مع حضرتك

والدنيا دايـبه يا رسول فى محبتك

على سكه مليانه أصول

ما انت الرسول لاجل البشر .. وانت القبول

وانت اللى سلمت الجميع ..

رايه بتحمل إسم علام الغيوب

آه يا حبيب كل القلوب المؤمنه

آه يا أنا .. وأعز عندى من أنا

ماشى وتوبك شمس فى حالة شروق

نايم كأن البدر فوق النسمه فى حالة هدوء

صاحى تقول للناس حديث ..

نور النبىِّ ————— إبراهيم رضوان
يمكن يفوقوا م التعب

حرفك ذهب .. حاضن ياقوت

ونسيم بيحلم يوم يفوت ..

على قعدتك فوق البساط

لو حد مات تبكى عليه

وتروح تزور الأهل وتعزى الجميع

وان حد فات يا حبيبى بتسلم عليه

وتنادى ليه لو عاز سند

ما انت يا طه بعد رب الكون صبحت جبال مدد

بتمد إيدك للجميع .. تشقى الخل

مهما حصل .. يا طه مش حابب زعل

كون فى الجفاف .. " زعتر "

يا روح القلب فوق جسر الأمل

أيوه زرع .. قلبى عشانك بيت كبير

فرش السلام كلها .. يا رسولنا حتى بالحرير

سمى عليك .. يا حبيبى باسم الله ..

وجاب ليك الكثير

نور النبىؑ ————— إبراهيم رضوان
قبل الميعاد ما يبتدى .. كان هو قدامك وصل
واللى حصل .. إن رساله اتحققت
والشمس رجعت شقشقت ..
وبلابل الحب الرقيقه زقرقت فوق الغصون
ولا حد كان يقدر يخون
بعد الجموع ما استسلمت ..
لرساله طاهره مقدسه
ولأغلى صاحب مدرسه .. جوه الوجود الأحمدي
يا نسمه من عند الرسول الهادي .. جايه تسعدى ..
قلبي اللي عايز من جناينه قرنقله
أو دمعته دافيه فى الصلا
قلبي زرعلك يا رسول الحب ..
نخله شريفه فى نص الخلا
وزرع عليها عصفورين ببسبحو
ونجوم مع هلال المحبه بيرمحو
الله على همسة عيونك يا رسول المعرفه
الله على كل الجموع حواليك يا سيدنا المصطفى

نور النبىؑ ————— إبراهيم رضوان
جيتلك وانا محتاج دفا

محتاج حنان علشان أفوق

جيتلك لقيتنى طلعت فوق نجم السما

صبحت حروفى يا غالى عنك ملهمه

ووقفت جوه المحكمه ..

منصور برب العالمين

يا مصطفى الهادى الأمين .. يا حبنا

الله فى يوم الغزو والنصر العظيم ..

كانت جنوده جنبنا

بنقول لنا .. ما تقلقوش

ممكن فى لحظه بسيطه ..

تتحول ملايكة ربنا القادر جيوش

والدين فى لحظه ينتشر

الحب ده .. أصل الحياه .. أصل البشر

أصل الحقيقه والشعور .. وزياره طاهره للقمر

أرجوك يا قلبى .. إبتعد ..

م الليل .. ومن بير الخطأ

نور النبىِّ ————— إبراهيم رضوان
تلقى زياده ف رزقنا ..

وزهور .. نفوز جوه السبق

يحمى حياتنا م المحن

يا طه .. يا همسة حنان ..

للأرض .. والوجه الحسن

موجود شعاعك فى القرى .. ويا المدن

والكل بيصلى عليك

طالب شفاعتك لو يضيق الحال علينا فى الحساب

يا الى انت وصلت الكتاب

لجميع أراضى الدنيا لاجل ما تنصلح

ياما انجرح قلبك من الكفار ..

وياما صبرت دايم ع الأذى

دا لحد ما عادت قلوبنا معززه

بعد انتصار الحق ع الباطل ..

ونشر الدعوه فى كل القلوب

وأتوب وأرجع تانى ادوب من غير سبب

مع إنى ضد أبو لهب

نور النبىؑ ————— إبراهيم رضوان
ومراته حمالة الحطب

يا هادى .. يا كنز الأدب .. جوه الحياه .. جوه النفوس

إزاي على الشياطين أدوس

والليل طويل جوه العباد

الله على أعظم ميلاد .. جوه الحياه

الى على فضل الإله ع المتقين

يا مصطفى الهادى الأمين

ما زلت بتضيف الكثير ..

للقلب لو عايز رغيـف

حبك رغيـف .. فى دراع نضيف

زحمه على إنسان وقع

نجمة محبه ع الرغيـف

ورزاز بيمسح فى البقع

ليل الخيانه .. بلاش نقرب .. مِنْهُ ..

خلى الخوف بعيد

فجر الأمان والحب .. خلى الدنيا عيد

الليل ساعات يكتب قصايد كل أوزانها غلط

نور النبىؐ ————— إبراهيم رضوان
يا زيت مع كل الدقيق علشان ولادنا بيختلط

الحب عمره ما كان زلط

الحب نسمة حنينه

ترسم جبال .. ترسم تلال

الرسم يطلع سوسنه

الله على كل الأمانى الممكنه

والنسمه لو كانت رقيقه حنينه

يا رسولنا يا قمر المنى

ما زلت عايش لسه جوه قلبنا

وهانقضى طول العمر وانت جنبنا هادى أمين

الله عليك .. يا سيد جميع المرسلين .. على ظلتك

البدر بان فى نظرتك

والأرض حنت ليك ..

سمعنا الأئنه فى لحظة ما دوست ع الحصا

الله يا طافى نيران أسا .. جوانا يا أصل الأصول

أغلى رسول فى الكون ظهر

الكل بالنور اللى بان فى عنيك يا أحمد إنبهر

نور النبىِّ ————— إبراهيم رضوان
سلم حياته الطاهره ليك يا مصطفى
عازف عشانك منذ آلاف السنين .. لحن الصفا
لسه الدموع يا طه فى عيون الحزين .. ويا الجفا
لكن سطور الحب جوه الروح سلاح
سهران أنا وياك يا غالى من الصباح .. لما الصباح
جوه المقام .. جنبك .. وراكب فى سفينه بميت جناح
سيدى أنا .. سيب الجراح .. تقدر تطيب
يحميك حبيبك يا حبيب
يا اللى انت دوست العيب بآيات الكتاب
وقفلت باب الصبر لما وصلنا للسكه الحلال
إدن ولا يهمك فى يوم كفار قریش
إرفع فى صوتك يا بلال
قول للجميع .. من غير تردد يا صديق
الورد .. ده .. كان أصله شوك
لمسه النبى .. فتح لنا
يا سطوح بتكره فى الديوك
العاصى .. أدمن سحلنا

نور النبىؑ ————— إبراهيم رضوان
إسمحلنا فى حضرتك .. نبكى على موت الضمير
تطفى وجعنا بقدرتك .. ونحقق الحلم العسير
توهب عيوننا حضرتك .. وتحرر القلب الأسير
يا رب .. يا ملك الملوك
قول للفرج .. يفتح لنا
والدنيا تضحك لليتيم اللى ابتدى ..
يبكى بصوت عالى أمام قبر اللى مات
إطفى جميع السيئات من قلبنا
خلينا بالصلوات نكون
لا نخون فى يوم أبدا صديق
ولا يوم تهون العشره ..
ع القلب اللى صلى عليك كتير
وما زال أمام باب المقام
ساجد لرب العالمين
ولا قال فى يوم يا حبيبى ليه
اللى يخون النور "سفيه"
إرسمى (سارى) للعلم

نور النبىِّ ————— إبراهيم رضوان
علمى أنا .. نورك عليه .. تسلم عيونك م الألم
ومن الندم .. من أى حاجه مؤلمه
تسلم يا هادى الكل للسكه الحلال
تسلم .. يروق الحال إذا ..
صلينا طول اليوم عليك
وندهنا ليك صبح ومسا
إشفع لنا .. عند الإله يا طه .. يقبل قلبنا
يفضل بجاهه جنبنا
ويقول لنا جوه الآيات .. إن النعيم للمتقين
العابدين .. الصابرين فوق الدروب
وان القلوب لو يوم تصون
ما تهون عليها العشره ..
مهما تقاسى من نار الخيانه والقلق
سبحانه هو اللى خلق ..
ليك يا رسولنا كل حاجه مبجه
سبحانه خلى الأنسجه .. تنطق بإسمك كل يوم يا حبيبى ..
وتصلى عليك

نور النبىؐ ————— إبراهيم رضوان
يا اللى فردت فى يوم إيديك ..
للعاصى .. لاجل يعود لدين من غير رجوع
يفرح إذا نزلت دموع العين ..
مع الآيه الشريفه والحديث
آه يا جليس الروح يا روحنا كلنا
قلبى سرير .. فوقه رضيع ..
سلطان زمانه طفلنا
خون الحبيب .. زى القزاز ..
عمره ما كان من طبعنا
سكة سفرنا سلام ونور .. وبحور زهور
والحب .. هو شرعنا
ساكت يا موج البحر ليه ..
موجك ما زال قادر .. عفى
سرحانه ليه يا شطوط حنان .. وبيوت أمان
بسطور إيمان جوه الحياه .. إتشرفى
السعد وعد .. وكل بيت .. له ألف باب
واحنا بنخلص فى الهوى ..

نور النبىؐ ————— إبراهيم رضوان
وهوانا بيدوس العذاب

واللى يخون الحب بيقاسى الآلام والإغتراب
أعلنت حبى للجميع .. وطلعت يا طه السحاب
وفتحت وياك الكتاب يا طه وقريت الآيات
حققت كل المعجزات الممكنه
وفضلت فى رحلة جهاد ..

الثانيه فيها ميت سنه
م الشوك يا طه خرجت زى السوسنه
يا رقيق فى قولك مهما زادوا فى التعب
يا طريق ما زال مليون أدب لاجل الجميع
قلبك شفيع يا رسولنا حتى للى باع
إيدك شراع فى الريح بتنقذ فى الغريق
وانت الحبيب الغالى أغلى م الشقيق
وانت اللى دوست على الدياب
الليل سراب .. طول عمرى رافض فى السراب
فاتح عشائك يا رسولنا ألف باب
من غير معانى مزيفه .. ومزوره

نور النبىؑ ————— إبراهيم رضوان

وانت سفينة حب .. كارهه تعود ورا

قاست جميع الريح صحيح بالمسطره

يا اللى الهوى بيننا ما كانشى كلام سراب ..

ولا كان عذاب .. ولا ثثره

دا الحب كان سكة سفر

وسيوف فى ألف ميدان بتكره فى الجراب

يكفيك إله الدنيا شر الحرب .. ليل الإغتراب

يكفيك يا طه الشر من مليون غراب ..

لسه برغم ضياك هناك بيجرحوك

ويحاولوا تانى يشوهوكى من غير سبب

تبت إيديك العوجه تانى يا بو لهب

وتعيشوا يا كل الصحابه الأوفيا

الهجره كانت أمنيّه

مع إن مكه الطاهره جوه الروح ضيّا

هاجر يا سيد الأنبيا .. ويا الرفاق الطيبين

دافيه الإيدين جوه الإيدين

والجو كان مليون حنين مليون دفا

نور النبىِّ ————— إبراهيم رضوان
يا سيدنا طه المصطفى
القلب بيك مليان دفا
الجهل وياك انطفى
والليل من الدنيا اختفى .. ساعة لقانا بيك هناك
الكل بينادى ضياك .. ويقدرك
الله بفضله طهرك
وخلق فى قلبك نور مبين .. طول المدى
سفر الوجود بيك ابتدى
يا شط لبجور الهدى
ورساله طاهره مقدسه للعالمين
لسه سمائك يا أمين .. هى قلوبنا المخلصه
هدمه عشان الشقيانين
كون يا رسول صبح ومسا
لو فيه سبق .. بين الجميع .. إدينى تانى مُهرتك
لو حتى غاب فصل الربيع
وردّه بيان .. فى لمستك
يا اللى شعاعنا يا طه بان فى شمسك

نور النبىؐ ————— إبراهيم رضوان
الله .. مشينا فى سكتك

واحنا حياره رجعنا للوضع السليم
وعبدنا للرحمن .. رجعنا للرحيم
يا اللى انت من بدء الحياه .. كنت الكريم
والورده خارجه من الحجر
كافر فجر .. حاول يدوس يا حبيب عليك
بس الإله سمي عليك
وحمالك من الليل الطويل
أصبحت للدنيا دليل
وأصيل يا طه من الجموع
نلمح دموع الصبر فوق خدك سيول
وتقول كلام مليون حكم
الله حَكَم .. خلاك إمام ع العالمين
يا مصطفى الهادى الأمين .. خيرك وصل
رغم الضلام اللى حصل جوه الوجود
إحنا نسينا وجعنا كله فى السجود
وسمعنا صوتك وانت بتنادى كثير .. يا أمتى

نور النبىؐ ————— إبراهيم رضوان
الله عليك .. وانت رسولى ودنيتى
بتدفى نهر الحب .. يلمس توبى .. يحضن كفتى
يتحول الشطين فى لحظه لدبتين
لايق عليك توب الحنين .. يا عبير دوا
هز الهوا رمشك .. وبان فى عنيك ..
بقينا خلاص سوا
الله على أشرف هوى
ياما قاسيت يا طه من نار الجوى
وتعبت من كفار قريش المجرمين
صممت تعلن دعوة الحب الأمينه يا أمين
وقريت على الناس الآيات الطاهره ..
ومعاها الحديث الأحمدي
قلت لجميع الدنيا .. قومى واشهدى ..
إن الإله واحد أحد
وان احنا طالبين المدد من حضرته
وان الأمانى الخضره واضحه فى سكته
ناموا جميعا يا صحابى فى ضلته

نور النبىِّ ————— إبراهيم رضوان
خدت القلوب يا طه لشطوط المنى

حواليك صحابه مؤمنه ..

حواليك شמוש للمعرفه

كثروا الحبايب فى الطريق يا مصطفى

ساد الدفا .. دخل القلوب من غير عدد

جانب المدد

والغول رآك يا طه ماشى واترعب

من قد إيه .. باستنظرك .. شالك غزلته بالتعب

الشيش .. فتحته لنجمتك .. مع طلعتك

ولسكتك .. جايب نجوم .. جايب زهور

شالك دراعى على الطُرق .. وعلى الجسور

وشقيت عشاننا يا حبيبى فى الحياه

شمس المحبه ف سكتك يا أغلى شئ

زرعت طريق الكون صلاه

الله .. خلاص نهر المحبه والشفق

شاور لقلبك بالمحبه من جديد

حتى الأمل .. خلاك تعيش فى أحلى عيد

نور النبىؑ ————— إبراهيم رضوان
أصبحت فى الدنيا سعيد .. مع دعوتك
والكل شايف خطوتك .. ثابت على مليون طريق
وياك صديق .. ومعاه صديق
دا لحد ما صبح الرفاق ..
أهرام من الأسماء .. عزيزه مؤمنه
الله .. لمست الشوك فأصبح سوسنه
وصبحت يا طه أنا
وصبحت ميت مليون جناح ..
لى إذا طال السفر ..
جوه الدروب الصعبه فى زمن الجفاف
وصبحت للمحتاج لحاف
وضاف لكل المحتاجين
يا مصطفى الهادى الأمين
طالبين رضاك من ربنا
تفضل فى لحظات الخروج م الدنيا ..
واقف جنبنا
تشفع لنا .. من ذنب أصبح كالجبل

نور النبىؑ ————— إبراهيم رضوان
عندى أمل يا طه بالكلمه الحلال ..

أدخل فى جنه بدون حدود
أبدأ دخولها بالسجود .. فوق البساط الأحمدي
يا سيدي .. وياك لا يمكن يوم أحس بأى خوف
حبك .. شجاعه فى الحروف
شجرة محبه .. وشعر نار
وشعار أمل .. جوه الصفوف
شلال دقيق لاجل الصغار
ومنار بيهدى فى لحظه عابرين السبيل
الله يا نيل الصبر .. يا ضىّ الشعاع السلسبيل
دا اللى كتبتك عليك قليل ..
مهما كتبت وقلت عنك يا رسول
إنك أصول كل أصول
وانك قبول كل القبول
وانك حبيب الله فى عالم ضاع خلاص
يا منبع الإخلاص وقنديل الحقيقه للجموع
قدام مقامك يبتدى عزف الدموع

نور النبىِّ ————— إبراهيم رضوان

ساعة الرجوع .. الكل باكى من الفراق

يا هادى .. لسه الإشتياق لمحبتك

لسه العيون الطاهره شايله نظرتك

لسه الأمانى نعود إليك من تانى .. فى كل القلوب

يا اللى انت كنت بيان لكل المؤمنين

وأدان بيرعش كل أرجاء المكان

تسقينى من نهر الندى .. أهمس : كمان

تصبح عيونك .. فى طريقى شمعدان

يا اللى الزمان .. أهداك لقلبى قرنقله

ألمح رموشك لو أصادف سنبله

واتغدى من كلمة حلال فوق الطريق

ما انت الحبيب .. وانت الصديق .. وانت الصفا

وانت مصابيح السفر .. والمعرفه

ومفیش خصام .. بين القلوب .. ومفیش جفا

الله يديم الحب .. ويديم الدفا

الله يديم .. نظرة عنيك يا مصطفى

تحمينا من نظرة عيون الأنصفه

نور النبىِّ ————— إبراهيم رضوان
المزروعين .. فى خانة الكفار وعابدين الصنم
ننده عليك فى الإختصار
تجاوبنا .. ميت مليون نعم
وتطمئن القلب الحزين
يا مصطفى الهادى الأمين
محتاج إليك دائما شفيح
محتاج إليك دائما مطيع ..
للرب .. يا قمر الأصول
ما انت الرسول المفتدى
وانت الندى فوق زهرنا
وانت ندانا .. فى سرنا .. أو جهرنا
وانت منايا وقسمتى
يا نسمتى .. يا بسمتى .. يا شمسى
لو يوم تغيب الشمس فى سحابة فراق
الإشتياق .. جوايا أكبر يا حبيب م الإشتياق
ومفیش ما بین عشاق خطاوى ضيقه
ومفیش سوا نجوم اللقا

نور النبىِّ ————— إبراهيم رضوان

الحب .. مش خطوة شقا

ولا شط أمواجه ندم

الحب .. نور .. جواه نغم

بيقول نعم .. للعاشقين

ويفرح القلب الحزين

يا همستى .. يا نخلة الأشواق ..

وزهر الكبرياء

وان يوم طريق الصبر ضاق

ألجأ إليك فى شدتى

واحترج إليك فى السكه قنديل الخروج من محنتى

يا دنيتى .. يا آخرتى

يا كل حاجه بشوفها داخل رحلتى

وانا رحلتى محفوفه بالخطر الرهيب

لكن شفاعتك يا حبيب

هاتخلى لى الشوك حرير

ما انت المجير .. بشفاعه من عند الإله

وانت اللى قيدت شموع إيمان جوه الحياه

نور النبىِّ ————— إبراهيم رضوان
لو قولنا آه ..

تجرى علينا بدون شعور وتضمنا

وكأنك انت أمانا

أو ابونا فى زمن الجفاف

لو يوم أكلنا لقمه حاف .. نسجد لرب العالمين

ونصلى ونسمى عليك

يا اللى ف إيديك .. لأن الحجر

سجد الشجر .. لما ركنت بشوق عليه ..

ليلة ما قلت هانام دقيقه بدون زحام

ليك السلام يا مصطفى .. ليك السلام

يا كل زهر الإبتسام والمعرفه

ليك التحيه مقدسه يا مصطفى ..

من كل أرجاء البلاد العامره

يا أصل أصل المقدره والمعجزات

بالحب .. وصلت الآيات .. لكل بعد جهاد رهيب

ولمحننا طيفك يا أمان

نازف فى شلال الدما

نور النبىؐ ————— إبراهيم رضوان
باصص بدمعه للسمما

وأنيته واضح من عذابه مع الجراح
شالك عليه عصفور بميت مليون جناح
شالك وراح لبعيد .. بعيد

ساعة ما شاف السكه فايده بالرياح
يا اللى البعاد عنك جراح .. وطريق ضباب
يا فاتح الباب الكبير ..

لى فى لحظات الدخول
إنت طريق مليون قيم .. مليون أصول
وانت رسولى يا رسول

وأقول .. ومهما أقول وازيد
ما اقدرش أوصف .. لمسة الإيد اللى حاضنه كفتى
ما اقدرش أوصف صوتى .. أوصف رجفتى
إسمك يا طه الحب .. حاضن شفتى

دا لأنك انت الكل فى واحد أمين
ولأنك انت الشمس قايدة بحب لاجل العالمين
ولأنك انت حنين فى قلب الكل لزيارة المقام

نور النبىؐ ————— إبراهيم رضوان
ولأنك أنت سلام فى قلب الدنيا .. يا أعظم سلام
وكلام مقدس من إله الدنيا .. هادى للوجود
شايخ دموعنا فى السجود بعد الركوع
جففت من روحنا الدموع بعد البكا
واللى اشتكى يا طه .. رب الكون أجابه بالوصول
علمت روحنا ازاي هاتوصل للأصول
وازاي نروح الجنه جنبك يا رسول
يا شفيع لكل قلوب حبايبك يا شفيع
وربيع إذا الدنيا دخلها خريف طويل
وأصيل فى عفوك عن خلائق يوم أذك
وأدان بيهدى الدنيا دايمًا للاله
وحياه شريفه يا طه للعبد الشكور
عمرى فى يوم ما عشقت زور ..
ولا حرف يأذى فى الشعور يا مصطفى
قلبك وفا .. حضنك دفا .. قولك شفا
وعنيك نجوم بالنور يا طه مكثفه
واللى وفى بالعهد .. قلبك يا إمام المتقين

نور النبىِّ ————— إبراهيم رضوان
يا مصطفى الهادى الأمين

يا إمام على كل النفوس المؤمنه

ساكنه الفؤاد يا سوسنه

يا سفينه بتحب السفر

سرك بقاله كام سنه

يا طه فى حزن القمر

م السكه بتزيل الخطر

وتظمن القلب اللى خايف م الخطاوى الضيقه

الكذب .. هو المشنقه

والصدق كان .. شرع الحبيب المصطفى

رغم الخطاوى السيئه .. من كل كفار الدروب

آه يا حبيب كل القلوب ..

وحبيب لرب الكون وحامل دعوته

الكفر فاقد سكته ..

والضلمه زالت يا حبيبى فى الميعاد

بدأ الميلاد يا طه بيك .. يا طه بيك بدأ الميلاد

والزاد دخل فى كل بيت ..

نور النبىِّ ————— إبراهيم رضوان
فى كل بيت يا حبيبى فاض
ولا عاد ضلام الكون يسيطر ع العيون
ولا عاد صاحب تقدر تخون
ونكون معاك .. أو لا نكون
دا لأنك انت العون لروحنا المتعبه
ولأنك انت المركبه .. والبحر .. والشط الحنون
الله يا طه علينا لو نقدر نصون
ونحب بعض بدون حدود
ننسى خلافنا فى السجود
ونعود إلى الدين الحنيف
نقسم جماعه فى الرغيف
ونكون شموع الحق فى كل المكان
أيوه ساعات .. ألقاك غيطان
وسبع سواقى بينهجوا
سرق الهوى منى حصان
قال للى جوه : إخرجوا
مليون سلامتك م السكون

نور النبىِّ ————— إبراهيم رضوان
يا اللى ملّيت كفى عنب
لو لحظه هاتفارق .. أموت
ما انت المنى .. وانت الطلب
وانت الأدب .. مالهوش حدود
وانت الشهب ويا النجوم
وانت اللى بتزيل الهموم من قلبنا
الله يا ساكن جنبنا .. مهما تطول بينا الطرق
إزاي يا طه هانفترق
واحنا الصحاب من يوم ما جيت
والبيت بينده ع الصفوف الطيبه
يا هادى .. يا طه الأمين
يا اللى انت جيت علشان نكون ..
يا حبيبى أمة مسلمين
وانت الحنين اللى ابتدى ..
يظهر بقوه فى العيون
ومفيش ظنون بيننا خلاص .. ومفيش جنون
آه يا رسول .. آه يا حنون

نور النبىِّ ————— إبراهيم رضوان
يا اللى انتصرت فى كل حته .. فى ميت مجال
أرجوك عشان الحب تسمح للحلال
يدخل جيوبنا .. يستخبى م الضلام
وياك بيحلى كل شئ :
السكه .. والشوق .. والغرام
وياك دخلت مدينة الفكر الشريف
شفتك عفيف النفس .. جوه الروح رغيف
سميت وجيت .. فى إيديه أوتار الهوى
واما تاخذنا الدنيا أكثر من مكان
ألقانا فى الآخر سوا
والقى الدوا .. نظرة عنيك المخلصه
فى الفجر تيجى بدون ميعاد ..
وتجينا نسمه فى المسا
يا اللى عيونك ناعسه .. أدخل بقى
إحمينى من زحف الليالى الضيقه
وارحمنى من نار الشقا
واهدينى لو تاهت خطايا فى الزحام

نور النبىِّ ————— إبراهيم رضوان
خلينى أنطق فى السلام مليون سلام
على نور هواك الشافى قنديل الدروب
خلينى نسمة رقيقه بتهز القلوب
وتدوب فى أنوار السما
الدنيا قبلك يا حبيب القلب ..
كانت سوده باهته مضلمه
يا قاضى لقلوبنا اللى لسه فى حيره جوه المحكمه
يا ضياء سما ..
عن كل خلق الله لحد ما بان نبى
إهدى بنور الله يا طه مركبى
واعفينى من مليون سؤال يوم الحساب
إفتحلى باب الحب .. ويا المغفره
ما تخلنيش أمشى ورا
ولا تبقى روحى على الطريق متردده
الناس تقول .. خلصت كده
يا دنيا يا حُسن الختام
واحنا نقول .. مليون رضا

نور النبىؐ ————— إبراهيم رضوان
يا طه .. ويدوم السلام
ويدوم علينا الإبتسام
يا اللى حروفك يا حبيب القلب كانت قنطره
بيننا وبين الجنه واللقمه الحلال
عدلت لينا الحال .. صبحنا مسلمين
وموحدين بالله وشايلين الكتاب فوق كفنا
السكه .. نورها زفنا ..
على كل شئ أخضر جميل
يا طه يا أعظم دليل للمحتارين
والتائهين جوه السهول
إنت الرسول الهادى .. شلال الأصول
وانت الوصول يا حبيبى لنجوم السما
كانت حياتنا مضلمه قبلك يا هادى للجميع
صبح الخريف فى الروح ربيع وهلال هدى
عمر الإيمان ما يضيع سدى
أو فعل صح فى يوم يضيع

نور النبىِّ ————— إبراهيم رضوان
الله يا هادى يا شفيع للمهتدين

الدين ما زال حاضن هواك .. مهما يكون

يا إيمان بيطفئ فى الظنون ..

ويكون على الأكوان ربيع

إزاي يبيع القلب عهدك مهما كان

وانت الرسول عدنان .. وشايل فى الكتاب

وانت السحاب عالى وسابح فى السما

وانت القلوب متبسمه .. بسمة أمانى طيبه

وانت الشراع للمركبه المطلوقه فى بحر الحياه

ودليل لواحد تاه فى صحرا التيه وليل السيئات

آه يا رسول المعجزات

يا اللى احنا قولنا الله يوماتى لدعوتك

جبل الحنين .. باين يا قلبى فى دقتك

إوعى تخلى الجرح ..

يرعش تانى همسة خطوتك

أو يرمى فيك بذرة آلام ..

نور النبىؑ ————— ابراهيم رضوان
تاخذ سفينة الروح ورا

أو يحتويك .. بالضلمه تبقى الدنيا غامقه .. ممره

أو يسحب الخطوه فى عز النور لنار

وتبان لكل الناس يا غالى رعشتك

يا اللى الحياه .. م المستحيل تصبح حياه

من غير ما نسمع غنوتك

من غير ما نمشى فى سكتك

ما انت اللى كانت كلمتك ..

يا طه نبراس الحياه

وانت اللى كان فضل الإله ..

وياك فى رحله مقدسه

وانت اللى كنت فى لحظه طاهره مدرسه .. للمتقين

يا هادى .. يا طه الأمين

مين اللى حاول يوم يدوس ..

الدعوه من كفار قریش

مين اللى كان عايزك تعيش ..

نور النبىؐ ————— إبراهيم رضوان
من غير صحابه تحرسك

وتونسك .. فى الهجره يا سيدنا النبى
قلب اللى خاتوا العهد لسه لولبى
والجنه هى مطلبى .. مهما أتوه
يا حسن واضح فى الوجوه
ونتوه ونرجع تانى للرب الرءوف
ولا خوف يهز القلب تانى يا رسول
طول ما الطريق مزروع أصول .. هانكون معاك
يسلم لنا دايمًا ضياك .. فوق الجبل
تسلم لنا أعظم أمل
يا بدر كل دقيقه لازم يكتمل
علشان جميع الناس تتوب
ياما ذنوب .. جوه القلوب .. لكن .. قلوبنا طيبه
دعوتنا واضحه فى الغروب
جوه الشروق .. فيه مركبه
آجى إليك يا طه .. أهدى م التعب

نور النبىِّ ————— إبراهيم رضوان
كل الأدب .. ألقاه معاك .. كل الأدب
آه يا منى .. آه يا طلب .. آه يا ضيا
آه يا ختام الأنبيا
آه يا شعاع الأمنيه جوه العيون
يحميك إلهك يا حبيب الكل من شر الظنون
ومن اللى يقدر يوم يخون ..
عهد الإله من غير سبب
يا طه يا شراع الأدب والأمنيات
انت رسول الحب .. شمس المعجزات
وانت الرسول اللى قدر ..
يهدى قلوب الكل فى لحظة صفا
وانت القمر يا مصطفى ..
خارج بنوره لكل ليله مضلمه
حواليك قلوبنا المغرمه
باصين معاك جوه السما ..
شايقين نجوم الله بتنده ع الغريب

نور النبىِّ ————— إبراهيم رضوان
يا مصطفى الهادى الحبيب .. إنت المنى
وانت اللى باقى فى الحياه ..
أكثر وأكبر من ملايين السنين
إنت الهدايه يا أمين
والكل قاعد فى انتظار
مستنّى يسعد يا حبيبى بجلستك
مستنّى يسمع همستك
يكفيك بأن الدنيا .. كل الدنيا ..
فيها شمسك

إبراهيم رضوان
مصر - طلخا دقهلية - ش سويت
- برج البغدادى

ت : ٠١٠١٠٠٥٠٦٧٨

٠١٢٢٤٩٥٥٦١٧